

دستے خانہ

صاپی : ۳

اغسنوس 1928

آنکی جلد

دارالفنون

الجامعة الولائية لجامعة مصر

فلسفه ، اجتماعيات ، تاریخ ، جغرافیا ، ادبیات

ایکی آمده بر نشر اولنور

مسند رجات

- | | | |
|-----------------|-------------|------------|
| و۔ کیولو | | جیب عاصم |
| ۱۱۴۸ - ۱۱۵۲ | سفری (ختام) | احمد رفیع |
| اسکندر ذوالقرین | | آرام غادری |

استانبول — دولت مطبوعی
1928

۱۱۴۸ - ۱۱۵۲ سفری

(۱) نجی صاییدن مابعد و ختام)

- ۱۱۵ -

حالا وزرای عظامدن اولوب بوندن اقدم دربندده اقامت اوزره اولان وزیرم حسین
پاشایه حکم که

بعونه تعالی صوفیه طرفندن عساکر وافره واجناد متکاثره نک احتشاد و اجتماعیله
دشمن دین مینک دفع شرومکرندن اولظرفک حفظ وحراسی اعظم دین و دولت و اقدم
لوازم سلطنت سنه مدن اولدوغنه بناء سنکه وزیر مشارالیه سن قطعا تأخیر و توقف
ایلیوب کتخدارک ایله اگر لغک و سنکه معا بیده جک اتباع کدن ماعدا سائر اتباع
و خدامک کیرودن کلک اوزره رکاب هایونم طرفندن کوندریلن منزل احکامی موجبنجه
قرق نفر منزل بارکیرلینه سوار و بر کون اول استانه سعادته کلوب تدارک کوروب ینه
علی الفور صوفیه جابنده دستور مکرم مشیر مفیخم نظام العالم روم ایلی والیسی وزیرم احمد
پاشا ادام الله تعالی اجلاله نک معیننده موجود بولناک اوزره بوندن اقدم سکا امر شریفمه
تبشیر و تأکید اولنخیکن الیوم نزهیه کلدوکلک معلوم اولیوب و سنک بر کون اول صوب
ماموره وصولک زیاده سیله اهم و الزم اولنغله تأکید و استعجال ایچون اشبو امر شریف
واجب الامتنام دخی اصدار و . . . ایله ارسال اولنخدر ایدی سکانه محلده واروب
واصل اولور ایسه قطعا تأخیر و توقف و بر درلو تراخی و تعویق ایلیوب مقدما و حالا
فرمانم اولدینی اوزره ات بوینه دوشوب روز و شب بر یerde مکث و ارام ایلیوب ایلغار
ایله اوچ درت قوناغی بر ایده رک کال سرعت و شتاب ایله بر ساعت و بر دقیقه اول کلوب
استانه سعادته و اندن صوب ماموره وصوله زیاده سیله مسارت و مبادرت و اشبو دین
مین و دولت علیهم خدمتنده استحصل رضای هایونه سعی و دقت ایلیوب بو امر لازم
و مهم و مستعجلده اصلا تأخیر و توقف و اثنای راهده بطائت اوزره حرکت و ایاق
سور و مکله تفویت وقت ایتمکدن غایة الغایه احتراز و اجتناب اجتناب ایلیه سن سنک بر

کون اول و بر ساعت مقدم صوب مأموره وصولك زياده سيله امور لازمه و مهمه و مستعجله دن اولمغله شويликه اثنای راهده بطائت اوzerه حرکت و يولرده اياق سورويوب بر ساعت مقدم صوب مأموره وارمقده بر درلو تساحع و تقسيرك ظاهر اولمك احتمالي او لور ايسه صكره بر وجهله عذر و جوابك اصغا او لميوب مظهر عتاب شديد اوله جفکي محقق بلش اولوب اکا کوره بصيرت اوzerه حرکت و البته البته آت بوينه دوشوب او ج درت قوناغن بر ايدهرك ايلغار ايله کلوب بر کون اول صوب مأموره واصل اولمغه اهتمام و دقت و خلافندن بغايت حذر و مجائب ايلك بابنده فرمان عاليشانم صادر اولمشدر بیوردومکه في اوآخر ر ۱۱۵۰

- ۱۱۶ -

روم ايلينك اورته قولی يمين و يساريله صوفيه يه وارنجه يول اوzerنده واقع اولان
قضات و نواب و يكيچرى سردارلىرى و اوجاق اختيارلىرى و اعيان ولايت و ايشارلىرىنه
حکم كه

بو دفعه استانه سعادتمدن با خط هايون شوكت مقرونم درکاه معلم يكيچريلرى
اورتهلرندن اون عدد اورتهلر صوفيه جانبنده دستور مكرممشير مفيخم نظام العالم روم ايلى
واليسى وزير احمد پاشا ادام الله تعالى اجلاله ناك معينته تعين او لمرياه ذكر اولنان اون عدد اورتهلره
استانه سعادتمده سكنز يوز اللئى بر تقر تحرير و تصحيح اولنوب بھر اورته يه يوز اللئى شر
نفر اولمك اوzerه مقدم تحرير اولنان سكنز يوز اللئى بر تفرك اوzerike ذكر اولنان قضالردن
و صوفيه ده اقامتلرنده مجدداً اوچيوز قدر نفر دخى تحرير و تصحيح اولنوب و بھر
اورته يه الليشر نفر اولمسي فرمانم اولمغين طور ناجي باشى الحاج حسن زيد مجده مباشر تعين وارسال
او لمىشدر ان شا الله تعالى وصولنده سنكه مباشر موئي اليه سن كر كدر كه وجه مشروح اوzerه
روم ايلينك اورته قولی يمين و يساريله صوفيه يه وارنجه واقع اولان قضالردن و صوفيه ده اقامتلرنده
ذکر اولنان اون عدد اورتهلر مقدم استانده تحرير و تصحيح اولنان سكنز يوز اللئى نفرك
اوzerine بو دفعه دخى آلتیوز قرق طقوز تحرير و تصحيح ايدو بھر اورته يه يوز الليشر تقر
اولمك اوzerه تكميل ايدو بھر کون اول و بر ساعت مقدم صوفيه جانبنده و روم ايلى واليسى
وزير مشار اليهك معينته موجود بولنلرى خصوصنه زياده تفيد و اهتمام ايدو بغير امر عالي
وضع و حرکتندن بغايت احتراز و اجتناب ايليمه سزديو استانه سعادتمده سكبان باشى اولان محمد

دام مجده طرفندن مهرلو مكتوب ويرملکه موجبنجه عمل اولونق ايچون يازلشد
واخر ر ۱۱۵۰

- ۱۱۷ -

ارکای قاضيسنه وقضاء مزورده واقع کتخدا میری ويکيچرى سردارى وارکائى كمرك
امينى وسائل اعيان ولايت وايش ارلىينه حكم که
سزکه مومى اليهم سرز امر شريضم وصولنده واناطولى جانبنده بعض قضالردن کفه و قريم
جانبلىچون تحرير و تصحیح وارکای اسکله سنده سفاینه وضع تحمیل وبرکون اول صوب مأموره
نفللری فرمانم اولان اون عدد بيراق وبهر بيراق یوزر نفر اولاق اوزره درکاه معلام
يكىچريلری نفراچون اركای اسکله سنده وقربنده واقع آلايلی اسکله سنده هر نه قدر سفاین
وارايىسه شمدىدن يوكلو اولنلىينك يوكلىين بوشالدوب ويوكسزىنك دخى جمله سن اخذ
وضبط وربط ايذوب وانشالله تعالى نفرات مرقومه کلدکلری کېي بر ساعت اکاندر مىوب
جمله سن مفینه لره وضع وتحمیل وبر آن اقدم صوب مأمورلىينه ارساللىينه زياده سيله تقييد
واهتمام ايلىه سرز بو خصوص دولت عليه مك زياده سيله اهتمامى وواجب الاقدامى اولان امور
لازم الاهتمامى دن او لمغله شويلا که عياد بالله تعالى نفرات مرقومه ذكرى مرور ايدين اسکله لره
وصوللىرنده كفايت مقدارى سفاین حاضر ومهيا اولنيوب مكث و تو قىرىنه باعث و بادى اوله جق
حال ظهور ايلىك احتمالى اولور ايىه سكره بىدرلوعذر و جوابكىز اصغا اولنيوب بونك کېي
خدمات دين و دولت عليه مك تأخير و تعطيلنه باعث او لدو غكىز ايچون هر بىكىز اشد عقوبت
ايلىه معاتب اوله جغكىزى يقيناً و تحقيقاً معلوم ايدينيوب اکا کوره بو خصوصى ده کمال اهتمام ايلىه
اقدام تام ايلىوب خلافندن وامر شرييفه مغایر وضع و حرکتندن غایة الغايه احتراز و اجتناب
ايلىكىز باينده فرمان حالىشانم صادر او لمشددر . في اواسط ر ۱۱۵۰

- ۱۱۸ -

امراء دريادن حال آقىركمانده اولان عمر پاشايه واقىركمان قاضيسنه وعلماء وصلحا وائمه
وخطبائىنه واقىركمانده اولان او جاقلو ويرلو نفرااتى ضابطانه و او زيدن کلان فرقه لر و قنجه
باشلر باش بوغلىيە سائر افراد عسکريه و احادنase و عموماً آقىركمان اهالىيىسىنه
چونسکه بو اثناده بقضاء الله تعالى او زى قلعه سى جبه خانه سن دشمن طرفندن خبره ايلىه
اتش اصابت ايتكىدن ناشى عساکر اسلامى دن نىچەسى فرقه لر و قانجه باشلر ايلىه چىقوپ

اقکر مانه واصل اولد قلری مقدم او زی یه خزینه عاصم ایله ارسال اولونان کلیبولي بار و تخانه سی ناظری قدوۃ الاماجد و الاعیان الحاج حسین زید مجده نک دخی بود فعه کلان کاغذ دن مکر رآ معلوم های یونم او ملغه ایکرمانک بو خلا لد ه توفیر و تکشیر عسکر ایله استحکامی لازمه وقت و حال دن اولد یغنه بناءً بوندن مقدبجه شر فصدور بولان امر شریف مده بیان او لندیغی او زره ایکرمان محافظه سننه مأمور و تعیین قلنماں طوائف عسکریه دن ماعدا بر طرف دن دخی پی در پی عسکر و ادوات ایله متاثر و تقویت ویریله جکی مصمم و محقق اولوب الحالة هذه او زی محافظه سنندن چیقوب ایکرمانه کلان کرک عساکر و کرک اهالینک با جمله ایکرمان محافظه سننه قیام ایلملری لازم ولا بد او ملغه سز که او زیدن چیقان فرقه لر و قانجه باشلر باش بو غلری و سائر نفراتی و اصناف عسکریه و اهالیسی سز سز دخی سائر ایکرمن محافظه سنندن اولنلر ایله بالاتفاق امر محافظه یه اقدام و کوکل بر لکی و غیرت شجاعت اظهاری ایله غیورانه حرکته اهتمام ایلکنر فرمانم او ملغین اشبو امر شریفم اصدر و... ایله ارسال او لمشدر ایمدى و صولنده عون عنایت باری ابله اعدای دیندن کرکی کی اخذ انتقام ایچون سنجاع شریف ایله عموماً عساکر اسلام دشمن دین او زرینه توجه و عزیمت او زره او لمدریله سز که او زی محافظه سنندن کلان موئیهم سز قطعاً همت و غیر تکرہ فتور و قصور کتور میوب الطاف الهیه یه اعتماد و روح بر فتوح جناب رسالت پناهدن استمداد ایله هر حال ده قوی القلب و جری الخاطر اولوب کوکل بر لکی و مردانه حرکت ایله ایکرمن محافظه سننه قیام و سز که ایکرمان محافظه سنندن اولان و مجدداً مأمور و تعیین قلنماں اصناف عسکریه و قاضی و علما و صلحاء و سائر موئیهم سز سز دخی جمله سملک اتفاق و اتحاده رعایت و ابراز عیرت و حیمت ایدرک امر محافظه یه و سائر واقع اولان خدمات علیه مه تمشیته اهتمام ایلیه سز خیر الناصرين اولان حضرت الله ذوالجلال عساکر اسلامی منصور و مظفر و اعدای دینی مقهور و مدمرا ایلیه آمین کورهیم سزی بوقت تام دین مبین و دولت علیه مه خدمت ایده جلک وقت او ملغه جمله کنر کوکل بر لکی ایله دین مبین و دولت ابد قرینم او غور ندن بذل مقدرة و اظهار غیرت و شجاعت ایله امر محافظه یه سعی و دقت ایلکنر بابنده فرمان حالیشانم صادر او لمشدر بیور دمکه فی اواسط را ۱۱۵۰

مسقو طابوری ایله مردانه وغیورانه محاربه ومدافعته اهتمام او زره ایکن بقضاء الله تعالى قلعه مزبوره جبهه خانه سنہ کفره مفوره طرفندن خبره ایله اتش اصابت ایتدیکندن فاشی درون قلعه ده بولنان اهل اسلامدن بعضیلری دخی سفاین ایله اقکرمان طرفنه کلدکلرین مشعر اقکرمان قاضیسی واہالیسی جانبلنندن بودفعه مضرب خیام عسا کر اسلام او لان قار تال صحراسنده عرض ومحضر وارد اولوب چونکه قضا وقدر بویله ظهور ایلی الحکم اللہ الواحد المتعال ان الحق بر مقتضای نص اعجاز نمای ان مع العسر بسرا عن وعنتیت باری ایله بعدازین جنود موحدین قریباً منصور و مظفر و اعدای مکار وحیله کار کلیاً مقهور و مدر او لمیسی جناب واهب النصر والعطایادن مسئول و متضرع اولوب لکن بو خلالدہ نہر طورلہ [۱] او زرنده او لان یائق پلنکه ایله سائر محافظہ سی مقتضی او لان محللرک حفظ و حراستی اقدم اموردن او لمگلہ سنکہ سر عسکر مشار الیہ سن معیتکریز ده او لان اصناف عسکریہ دن قدر کفایہ عسکر ایله یائق پلنکه یی و سائر محافظہ سی اقتضا ایدن محللری بنہ تعالیٰ محافظہ و محارسہ ایتدر مکه اهتمام تام ایلک فرمانم او لمگین اشبو امر شریفم اصدار و ... ایله ارسال او لمیشدرا ایندی وصولنده سنکہ سر عسکر مشار الیہ سن بو حالتدن قطعاً همت وغیر تکڑہ فتور کتورمیوب ظهور الطاف الھیہ بھ کمال و ثوق واعتماد وروح پر فتوح سرور کائناتدن استمداد ایله قوی القلب وجری الخاطر اولوب هر حالدہ ابراز حیث وبروجه محترم معیتکریه او لان طوایف عسکریہ ایله سالف الذکر نہر طورلہ او زرنده او لان یائق پلنکه یی و سائر محافظہ سی لازم کلان محللری بلطفہ تعالیٰ محافظہ و محارسہ ایتدر مکه سعی و دقت و سندن مامول هایون و ملحوظ طبع دیافت مقرونم او لدینی او زره عہدہ غیرت و دوش لیاقت و شجاعتکه احالہ قلنان کافہ امور و خصوصی وجه مناسی او زره رؤیت ولازم الانہا احوالی پیدرپی اردوی هایونمہ اعلامہ مبادرت ایلک بابنده فرمان عالیشانم صادر او لمیشدرا

فی اواسط را ۱۱۵۰

- ۱۲۰ -

روم ایلی والیسی اولوب بندر جابی سر عسکری وزیر عبدالله پاشایہ حکم که یائق پلنکه بندر قلعه سنہ بشیں الی ساعت قریب محلہ او لمق حسیبلہ بو خلالدہ توفیر و تکشیر عسکر ایله تقویت و تحکیم نه اهتمام اقدم اموردن او لمگلہ سنکہ سر عسکر مشار الیہ سن حالا بندر ده او لان پاشالردن بربنک معینتہ ایلات والویہ عسکری و میری لوازمات و اتلو

یکیچری نفراتندن قدر کفايه عسکر تعین اولنوب منابه وجهمه محافظه ایتدرمکه سعی ودقت اولنق فرمانم اولمغین اشبو امر شریفم اصدار و ... ایله ارسال اولنشدر ایمدى وصولنده سنکه سر عسکر مشار الیه سن بروجه محرر بندرده اولان پاشالردن برینک معینه ایالت والویه عسکری و میری لوازمات واتلو یکیچری سی نفراتندن قدر کفايه عسکر ترتیب و تعین و منابه وجهمه یانق پلنه یه ارسال و تسییر و محافظه و محارسه سنه سعی اکید اولنق باینده فرمان عالیشانم صادر اولنشدر بیوردمکه فی اوآخر را ۱۱۵۰

- ۱۲۱ -

حالا دریا قپودانی وزیر سایهان پاشایه حکم که حالا قریم خانی جناب امارت مأب ایالت نصاب سعادت اکتساب فتحکرای خان امیرالامراء الکرام مصطفی دام اقباله یرکوک قلعه سی محافظه سنه مأمور اولوب بعض یماق و مناسب اولان قضالردن ضرب و حربه قادر طوایف عسکریه دخی معینه تعین قلنجه جنی مصمم اولمغله میرمیران مویی ایله ایله حین اقتضاده خبرلشه رک دین و دولت علیه مه لا یق خدمات مبروره اظهارینه بذل مقدرت ایلک فرمانم اولمغین اشبو امر شریفم اصدار و ... ارسال اولنشدر ایمدى وصولنده برمتوال محرر قپودان مویی ایله خبرلشه رک و مراسم اتفاق و اتحاده رعایت ایدرک امر محافظه و سازسنوح و حدوث ایدن کیفیاتک وجه حسن اوزره اجرا و تمیتینه بذل مقدرت و دین و دولت علیه مه لا یق و رضای میمفت اقتضای شاهانه مه موافق خدمات مبروره و مسامعی مشکوره وجوده کتورمکه سعی و دقت و سردن مأمول اولدوغی اوزره متیقهظانه طوروب بروجه محرر میرمیران مویی ایله بالاتفاق محافظه مملکت و مدافعته اعدای بدطینت و تأمین و تطمین بلاد و عباده بذل مقدرت ایدوب دشمن طرفدن حلب اولنان اخبار و اثاری پیدرپی اردوب هایونه عرض واعلام ایلک باینده فرمان عالیشانم صادر اولنشدر فی اواسط ر ۱۱۵۰

- ۱۲۲ -

یرکوکی محافظه سنه اولان یکیچری ضابطی خاصکی مصطفی زید مجده یه حکم که بکرش قصبه سنه اقتضا ایدن خدمات هایونده استخدام اولندریچون یرکوکیدن و قرب جوارنده امکانی اولان محلده ایکی عدد درکاه معلم یکیچریلری سردنه کچدی پیراغی کشاده اولنوب و نفراتی تکمیل ایله قصبه منبورده قیام ایتلرلمزی مقتضی اولدیغنه بناء سنکه خاصکی مویی ایله سن نفس بکرش قصبه سنه قیام ایتلرلمک اوزره اولطرفدن ایکی عدد متین

وامکدار ونفرات اعمالنه قادر يرار كمسنه لره بيراق آجدروب واصلنده يكىچرى وصحیح قول اوغلی اولان نفراتدن تصحیح وبدركاه ايپیوب برکون اول ارسال وتسییر وهر نقدار بوایکی عدد بیراغه نفر تصحیح وبدركاه اولنیش ایسه على الاسامی دفترلری محلنه قید اولنق ایچون اردوی هایونم مباقتری یدیله کوندرمک فرمانم اولمغین . . . ایله ارسال اولمشدر ان شا الله تعالى وصولنده وجه مشروع اوزره عمل وحرکت ایله سالف الذکر ایکی عدد سردنگچدی بیراقلرینک نفراتی تکمیل ایله برکون مقدم بکرش قصبه سنہ سوق و تسییرلریچون اهتمام تام ایلیوب سوق وتأخیردن واهال و مساحه دن وخلافه وضع وحرکتندن اتها ومحابیت ایلیه سز دیو وبال فعل درکاه معلم یکىچریئری آغا می اولان وزیرم عبدالله پاشا ادام الله تعالى اجلاله طرفندن مهربو مکتوب وجه مشروع اوزره عمل اولنق بابنده فرمان عالیشانم صادر اولمشدر فی اواسط ر ١١٥٠

— ١٢٣ —

روسیجق ویرکوکی وسلستره وخرسوه قاضیلرینه وضابطان واعیان ولايته مسقو کفره سنک طغيان وتجاوزی ونیچه لونک دخی مسقولویه اعانت یوزندن حدود اسلامیه یه سوء قصدندن ناشی بو خلالده افلاق مملکتیک توپیر عسکر ایله کید دشمندن حفظ وحراسی لازمه وقت وحالدن اولمغین حالا افلاق ویوده سی اسکرلت زاده قسطنطین ویوده طرفندن رضالری وعلوفه لریله ذکر اولنان قضالردن قدر کفا یه ذمی سکبان نفراتی تحریر اولنق خصوصیه جمله کز امداد و اعانت ایلکنر ویوده مویی اليه التماس اتمکله وجه مشروع اوزره اعانت ایلکنر فرمانم اولمغین اشبو امر شریفم اصدار و . . . ایله ارسال اولنمشدر ایدی وصولنده سز که مویی اليهم سز ویوده مویی اليه طرفندن سابق الذکر قضالردن مملکت افلاقی کید وضررت دشمندن محافظه ایچون رضالریله طلبی اولنلردن يرار کفیللریله علو فهله مویی اليه طرفندن ویرلک اوزره قدر کفا یه ذمی سکبان نفراتی تحریر اولنیسنه اعانت ومظاهرت وبرکون اول تکمیل و مملکت افلاقه سوق و تسییرلرینه سعی ودقت ایلکنر بابنده فرمان اوآخر ر ١١٥٠

— ١٢٤ —

بلوکات اربعه اغوات وکتخدالرینه حکم که سز که مویی اليهم سز بولندیغیکنر محلدن واروب افکرمان ویاخود یانق پلنقدن سزین

محافظه‌ده قائمکز ایچون بوندن مقدبجه سزه امر شریفم اصدار و ارسال او لنشدی لکن بو اشناهه اقکرمانک توفیر و تکثیر عسکر ایله متانت و استحکامنه اهتمام لازمه وقت وحالدن اولمقدن ناشی سزک اقکرمان محافظه‌سننه مأموریتکز فرمانم اولمغین اشبوا امر شریفم اصدار و ... ایله ارسال او لنشدر ایدی وصولنده هر نه محله بولنورسکز بر آن اقدم و برساعت مقدم اقکرمانه واروب امر محافظه‌ده و سائز اقتضا ایدن خدماتک کلیسنه اقکرمانه مجتمع اولان عساکرک او زرلینه باش بوج نصب و تعین اولنان امین علی دام اقباله‌نک رای و امرینه موافقت و کوکل برلکی ایله خدمات مبروره و مساعی مشکوره وجوده کتورمکه صرف تاب و طافت ایلسکز بابنده فرمان عالیشانم صادر او لمشدر فی اواخر ل ۱۱۵۰

— ۱۲۵ —

حالا طونه قپودانی مصطفی دام اقباله حکم که
اساجی جسرینک محافظه و محارسه‌سی وجوهه لازمه حaldن اولمغله کیجه و کوندوزده
بیوک و کرک کوچک کوتکلرک جسره قریب وارمدين بر طرفه النسی مقتنضی واهم اولدوغمند
سائز وقتندن زیاده بصیرت او زره اولوب غایة الغایه تقید و اهتمام ایلسکز فرمانم اولمغین اشبوا
امر شریفم اصدار و ... ایله ارسال او لنشدر ایدی وصولنده سنکه مویی ایله سن اولمقوله
بیوک و کوچک کلان کوتکلری بر طرفه آلوب بردلو ضرر کلامک او زره قایقلر ایله نو تجییر
تعین ولیل و نهار کلان کوتکلری جسره قریب وارمدين بر طرفه آلمقدن جمله کنز بالاتفاق
جدموفور وسی بیقصور ایلیوب ادنی تهاون و قصوریکز ظهور ایده جک اولور ایسه
بردلو عذر وجوابکز اصغا او لنیوب معاتب اوله جغکز مقرر و محقق اولمغله اکا کوره
کمال تیقظ او زره وجسر من بورک وجود ایله محافظه‌سی امرینه زیاده اهتمام و دقت ایلسکز
بابنده فرمان عالیشانم صادر او لمشدر فی اواخر ر ۱۱۵۰

— ۱۲۶ —

ودین محافظی وزیر محمد پاشایه و دین قاضیسننه ویکیچری ضابطنه ویکیچری و سائز
اصناف عسکریه ویرلو قولی ضابطان ورؤسالرینه و دینک علماء و صلحاء و ائمه و خطباء و اعیان
واشراف و عسکری و اهالیسننه حکم که
بو اشناهه مسقو کفره سنک ظهور ایدن هجوم و حرکت و نمچه لونک دخی مسقولویه

اعانت یوللو تعدی و تجاوزه جسار تلرندن ناشی امنیت مرتفع اولق حالری رونما اولدیغنه
بناءً سرحدات اسلامیه نک عسا کر و ادوات ایله کرکی کی محافظه و محارسه لرینه اهتمام و دقت
اولنگله بوندن اقدم اصدار و ارسال قلنان امر شریفمده تصریح و بیان اولندوغی اوزره
و دینه سمت و مناسب اولان ولایته موجود و مدخل اولان ذخایر و مهماتندن فضله مجدداً
ذخایر وافره مبایعه سی و دینه نقل و ادخاری و مستوفی مهمات و ادوات ایصالی فرمان
اولوب عسا کرو ادوات متوافره و ذخایر و مهمات متکاژره ایله تقویت واستحکامنہ فوق الحد
مبادرت اولنوب و حالا سنیجاغ شریف ایله بالجهه عسا کر اسلام دخی نهر طونه نک قرشو
یقه سندہ قرتال صحراسندہ ضرب خیام و نصب اعلام ایدوب هر طرفه چشم کشای بصیرت
واطراف سرحداته نظارت و یکدوکزند دشمندن حدود اسلامیه یی و قایت ایدوب جمله سی
مستعيناً بالله تعالیٰ پادر رکاب دشمن اوزرینه توجه و عنیته حاضر و اماده اولوب نهر
طونه سواحلنده محافظه سی لازم محله دخی بینایه عسا کر و مهمات و کذلک نیش قلعه سی
و بو سنه سرحداتی دخی اجناد و ادوات ایله مالامال اولوب بحمد الله تعالیٰ عموماً سرحدات
اسلامیه تکثیر اجناد و توفیر عد و عتاد ایله مملو اولنگین اعلاماً و افهاماً اشبیو امر شریف
اصدار و ... ایله ارسال اولنگدر ایدی سنیکه وزیر مشاور و سرکه سائز موئی الیهم سر
کیفت معلومکن اولدقده ساعد همت و غیرت و بازوی جلادت و حمیتکن قطعاً فتور و قصور
کتورمیوب جمله کن قوى القلب و جرى الخاطر پا بر جای مرکن متأفت و ثبات اولوب عنون
وعنایت باری یه استناد و روح پر فتوح جناب رسالت پناهدن استمداد ایله مردانه و غیورانه
محافظه مملکته قیام و مبادرت و محافظه یه مأمور اولان عسا کر اسلام ایله بالاتفاق حرکت
و جمله کن وزیر مشار الیک امر و رأینه اتباع و موافقت ایده رک تکمیل ناموس شریعت غرا
و اقامت فریضه جهاد و غزایه مبادرت و صغیر و کبیر و برناؤپیری امر جهاده تحریص و اغرا
ایله ابراز صلابت و مهابت و اظهار شجاعت و جلادت و تحصیل رضای رب العزت و استجلاب
مشوبات دنیا و آخرته بذل مقدرات و هر حالده سعیکن مبرور و خدمتکن مشکور اولنگله
مظہر دعای خیر ملوکانه اولنگله نثار نقدینه مکنست ایلسکن باینده فرمان عالیشانم صادر
اویمشدر بیور دمکه فی او احر را ۱۱۵۰

اولنان عمر پاشا دامت معالیه یه ورتبه میر میران ایله شانی ترقيق قلنان امیر علی دام
اقباله یه حکم که

حالا اوزی طرف لرنده اولان مسقو طابور ینک کیفیت حرکتی و رفتاری والان نه محله
اولوب و توجهی نه طرفه ایدوکی و عساکر و ذخایر جهت لرندن ضعف و قوت لری نه رتبه لره
رسیده اولدینی هنوز معلوم او لمیوب مسفور لرک بو خلالدہ صورت حال و هیئات و احوال لرینه
کاینیغی کنه و حقیقتی ایله تحصیل اطلاع مرتبه و جوبه منتهی او لمقدن ناشی مستعيناً بی الله
تعالی نیت و صفت و هیئات و قیاقترندن بر آن اول استطلاع او لمیق مرادها یونم او لمغله سنکه
باش بوج اولان میر میران مومنیه عمر پاشا طابور ک اطراف و حوالی سنه واروب
دل اخذ ایله مسفور لرک بروجه محروم کیفیت حال و شانلرینه و سمت و توجه و حرکت لرینه
تحصیل و قوف ایچون دیلدوکن آدم لری معینه تعین و ترتیب ایله بران اقدم و بر قدم
مقدم جانب طابوره تسییر و ارسال و سنکی میر میران مومنیه امیر علی دام اقباله سن سن
ذات کده یرار و بهادر مأمور اولدینگلک ایشک عهده سندن کلیکه قادر شجیع و نامدار و دلیر
و کارکذار اولدوغک معلوم هایونم او لوب سندن ایش مأمول او لمقدن ناشی بو اشنا ده دشمن
دینک طابور ندن محله اولوب و عنیت و توجهی نه سمته ایدوکی والآن عساکر و ذخایر
ایله قوت و ضعفلری نه رتبه یه رسیده اولدینی معلوم خسر وانهم او لمغله اراده ملوکانه متعلق
ایدوب و بو مرآمک حصولی انجق سندن ملحوظ او لمغله کورهیم سنی تمام غیرت و حیث
ابراز ایله کسب نام و شان ایده جک وقتل او لمقدن ناشی امر شریفم واردینی انده قطعاً توقف
وارام و امرار وقت و ایام او لمیوب باش بوج اولان میر میران مومنیه عمر پاشا دامت
معالیه یه توصیه و تنبیه اولدینی او زره قرق الی ریس (رأس) مقداری توانا چفته اتلر
ایله استدوكک بهادر کمسنه لری یانکه استصحاب و الغار ایله طابور مرقومک اطراف و حوالی سنه
بر ساعت اول وصوله شتاب و عون عنایت ماریله طابور ک اطرافندن نه طریقه و نه جهده
اولور ایسه على حال البت و البت دل آلوب دشمنک کیفیت حرکات و سکنا تلرینه و نیت
و توجه لری على التحقيق نه سمته اولدوغنه والآن اردوى من حوسن لرنده عساکر و ذخایر ک
قلت و کثری و ضعف و قوت لری نه مرتبه ده ایدوکنه تمام که و حقیقتی ایله تحصیل و قوف
و شعور ایلدکدن صکره کیفیت احوالی على التفصیل بر آن اول بمحالة و مساعدة اردوى
هایونم اعلام و اخذ اولنان دلی دخی معاً ارسال ایلیه سن بواسر مهمک بحسبت الله تعالی
بروفق و لخوا بر قدم مقدم حصولی ایله دشمنک استطلاع احوال لری سندن مأمول او لمغله

بو بابده کرک سنك وَ ترک معينه کله استعمال ايتديك دلاورلرک سبقت ايدن خدمتلريكن
بر درلو ضايع اولميوپ طرف هایوندن اضعاف مضاعف مكافات اولنجه جنى محقق اولملغله
هر بريكن کمرغىرتى برقاج يردن ميان حيمىتكزه بند و خواب و راحتى ترك ايدوب مستعيناً بالله
تعالى طابور دشمنك کرکى كى احوال و اطوار و نيت و عن يمتندن جانب هایونى برساعت
اول خير و آکاه ايمىكله تحصيل نىكتنامه صرف ماحصل اقدام ايلك باينده فرمان غالباشام
صادر اولمىشدر في اواخر را ۱۱۵۰

- ۱۲۸ -

ولايىت افلاقك بو يارلىرى و خطمن و سردارى و سائر بللۇ باشلولرىنه حكم كە
افلاق مملكتى رعایاسىنك حمايت و صياتى ايله حفظ و حراستى واجبه اموردن اولوب
و خصوصاً بو خلالدە امر محافظىيە كەل مرتىب دقت و اهتمام اهم وازم اولمقدن ناشى حالا
افلاق ويودهسى اولان اسکرلت زاده قسطنطين ويوده ترتىب و تجهيز عسا كر ايله بكرشە
واروب امر محافظىيە قياماً يلدو كى يقيناً معلوم اولوب و بوراده مومى اليه ايله بالاتفاق محافظة
مملكت ميرمیران كرامك شجىع وبهادرلرندن يكىشەر و علايىه سنجاقلرى متصرفى ابراهيم
پاشا دامت معاليه دخى مقدماسزه خطاباً صادر اولان امر شريفىدە ذكر و بيان اولندينى
اوزره مستوفى عسکر ايله مأمور وبو ائناده مقدار كفايه طوپلرايله ادوات جىھەخانە دخى
عجالە ارسال اولنوب و سنجاق شريف بالجەلە عسکر اسلام ايله حالا قرب جواردن اولمقدن
ناشى دائىماً اطراف و اكتناف تقويه سنه بذل اقتدار ائملىلە سزكە ولایت افلاقك بو يارلىرى
و خصوصاً سردار و سائر بللۇ باشلولرى سزاوتە دنبرو اطاعت و انقياد ايله سايدە حمايە پادشاهانە مده
محى اولان دولت عليه نك خلوصكار عباد صداقت شعارلرندن اولوب بوندن بويلە دخى
صدق نيت و خلوص طويت ايله دولت عليه مە اظهار عبوديت سزدن مأمول و منتظر و سنوح
ايدن اخلاص و اختصاراً سبى ايله مظھر الطاف عليهم اولە جغىرنىز مقرر اولملقاھ مقتضاي
صداقت واستقامت اوزره ويوده مومى اليك امر محافظه دە و سائر اقتضا ايدن خصوصىلر دە
امر و رائىنە متابعت و اخلاصه استئالنلر و يروب ترفيه و نصيحتلىرىنه بذل مقدرة و هر حالدە
سيكىز بىردىن اولملغە سى و دقت ايلكىز فرمانم اولمغىن اشبو امر شريفم اصدار ايله ارسال
اولنىشدر وصولىنده دولت عليه مە اولان و فور عبوديت و خلوص نىتكىز مقتضاسنجە جملە كز كوكل
برلىكى ايله كرک او محافظه دە و كرک سائز اقتضا ايدن خدمات عليه مده ويوده مومى اليك امر و رائىنە
موافق و افلاق رعایاسىنە استئالن و يروب تامىن و تطمینلر يله فراغ بال و رفاه حاللىرىنه بذل مقدرة

و سبقت ایدن عبودیت و خدمتکنر ضایع او لمیوب ظل ظلیل خسروانه مده محی اوله جغکنر
محزوم او ملغله هر حاله صداقت و استقامت ایله خدمات پسندیده وجوده کتورمکه صرف
تاب و طاقت ایلکنر بابنده فرمان عالیشانم صادر او لمشدیر بیوردمکه فی اوائل ذ ۱۱۵۰

— ۱۲۹ —

بوسنہ والیسی وزیره و سرای بوسنہ ملاسنہ و ایالت منبورده واقع قاضیلره و قلاع
و نفرات و اغوات و ضابطنه

بوندن اقدم او زی قلعه سی محافظه منده بولنان بوسنہ ایالتی قلاع یرلو نفرات و ضابطانندن
وفاتی محقق او لنلرینک کدکاری او غلمرینه و او غلمری او لیانلرک قرنداشلرینه و قرنداشی
او لیانلرک اقرب اقرب بالرینه و اقرب اقرب باسی او لیانلرک در لکاری جنک و حربه قادر بلا
در لک مستحقینه توجیه او لنق او زره برمقاد قدیم عرضه مأمور او لنلر اعلام و انها
ایدوب بو خصوصه ماذون و مأمور او لیانلرک عرضلرینه و عرض حالله دخی در کنار
او لنامق و سهوآ بیان بیوریلور ایسه دخی جدا میراث ویرلمک ایچون قلمردہ بیورلدي
اخذ و حضور اصفی یه عرض او لنق فرمانم او لغین ایدی وجه مشروح او زره ذکر او لنان
قلاع نفرات و ضابطانندن وفاتلری محقق او لنلرک کدکاری و در لکاری بالاده تفصیل
و بیان او لندینی و وجه او زره او ته دن برو مأمور او لملر طرفاندن عرض او لنوب ماذون
و مرخص او لیانلرک عرضلرینه و عرض حالله دخی در کنار و قطعا اعتبار او لنامق و سهوآ
بیوریلور ایسه دخی او مقوله لرک روسلری و تذکرہ و بر اتلری ویرلمیوب بیورلديسی حضور
آصفی یه عرض او لنق او زره روس طرفنه و بیوک قلعه و کوچک قلعه قلمدرینه قیدایتدیر لکله
خصوص منبور دستور العمل طوتیله جغفی تنیه و تفهمی اقتضا ایدنلرہ کرکی کی افهام
و تنیه و اشبیو امر شریفک بر صورتن حاکمde سجلاته قید ایتدیر و بخلافندن بغایت
احتراز و اجتناب او لنق بابنده فرمان عالیشان صادر او لمشدیر اوائل ذ ۱۱۵۰

— ۱۳۰ —

بروجه آرپه لق ایلیسان سنجاغنه متصرف اولوب رو سیح و او لحو الیئرده تحملی
ایده جلک عساکرک او زرلرینه با شبیو غ نصب و تعین او لنان علی دام اقبالیه حکم که
بو حلالده یرکوکی قلعه سنک کید و مضرت دشمندن حفظ وصیانت خصوصی امر مهام
لازم الاهتمامدن او لق دن ناشی یرکوکی اهالی سنک التاسلریله حالا طونه قپودانی دامت معالیه یه

اردوی هایونمدن سکسان اچه ترتیب و افزای او لبغه مبلغ مرقومک بران اول طرفه رینه
ارسال و ایصالی غایت مهم و مقتضی اولوب لکن بو اشاده مبلغ مرقومک خان مشارالیه
برآ ارسالی امر عسیر اول مقدن ناشی بالا قضا بحرآ تسیری لازم کلکین سنکه وزیر مشارالیه
سن معیتکده اولان دونمای هایونم قلیونلرندن مناسب بر قطعه صغیر قلیون افزای و مبلغ
مرقومی خان مشارالیه بحرآ ارسال ایتمک اوزره سنہ بوغازینه عجلاً اوسال ایملک
فرمانم او لمغله اشبو امر شریفم اصدار و ... ایله ارسال او لنشدر ایدی وصولنده سنکه
وزیر مشارالیه سن فرمانم او لدینی اوزره معیتکده اولان دونمای هایونم قلیونلرندن بو
قطعه صغیر قلیونی افزای و بروجہ محرر مبلغ مرقومی خان مشارالیه برساعت اول ارسال
ایملک اوزره عجالهً و مسارعةً سنہ بوغازینه ارسال و قپودانه دخی بوغاز مرقومه وصولنی
اردوی هایونم افاده ایله سنی تنییه و افهام ایملک با بنده فرمان عالیشانم صادر او لمشدر
فی او اخر را ۱۱۵۰

— ۱۳۱ —

حالا اقکرمانده تجمع و تحزب ایده جک عساکرک اوزرلرینه روم ایلی بکلر بکیلکی
پایه سیله باش بوغ اولان انقره سنی جاغی متصرفی عمر پاشا دامت معالیه یه و امراء دریادن
عمر دام اقبالیه یه و اقکرمانده دفتردار اولان ... زید محمدیه
بو اشاده کلی بوغازینک دخی کیدمضرت دشمندن محافظه و محارسه سی لازمه دقت
و حالت او لدو غنه بناءً سز که میر میران و دفتردار موی الیهم سز اوزیدن کلوب حالا اقکرمان
لیماننده لنکرانداز اقامت اولان چکدریلردن بر عدد چکدری و فرقه لردن دخی وجه مناسی
ایله برقاچ عدد فرقه لرک کلی بوغاز سنہ تعین و ارسال او لندری فرمانم او لمغین اشبو امر
شریفم اصدار و ... ایله ارسال او لنشدر ایدی وصولنده سز که میر میران و دفتردار
موی الیهم سز فرمانم او لدینی وجه اوزره وجه مناسی ایله حالا اقکرمانده او لان چکدریلردن
بر عدد چکدری و فرقه لردن دخی برقاچ قطعه فرقه لری کلی بوغازنده وضع لنکر اقامت
و بوغاز منبوری ایصال کزند دشمندن و قایت وصیافت ایتمک شرطیله ...

— ۱۳۲ —

اقکرمان قاضی سنه و اقکرمانده یکی چری ضابطه حکم که
بوندن اقدم اوزی قلعه سنک محاصره سنده بعض شهیداً فوت او لان لرک و کرک کفارک
دست ضلالت پیوستنده اسیر بولنان در کار عالی یکی چریلری او جاغنده ضابطان و تفراتدن

اولوب مقدمه اقکرمان قلعه سنده موضوعه هر کیملرک اشیا و ادوات و سائره دن شیلری
وارایسه واضح الید بولنانلردن سرعتله ظهوره کتوریلوب تحریر و سنکه ضابط موئی الیه
سن سن ضبط و توقيف ایدوب علم و خبرین ویرمک ایچون بوندن مقدمحه او جاقدن
بیت المال قپو کتیخداسی ارسال اولنخیدی هنوز بر خبری ظهور ایتمدو کندن غیری
اولمقوله بیت المال خصوصنده واضح الید بولنانلر طرفندن و طرف شرعدن عذر و بهانه
اولنخیدن حالی اولمدونی حسیله قپو کتیخداسنک شمدی یه دکین عدم و رو دینه باعث
بر کیفیت ایدوکی بو طرفه انها اولنغله بشنجی بلوک ابراهیم چاوش زید قدره مباشر تعین
وارسال اولنخشدرا وصولنده کرکدرکه او زی قلعه سنده تلف و بعضاً کفار خاکسار
یدنده اسیر اولان اولان او جاغلک ضابطان و نفراتندن اقکرمانده هر کیمک ترکه و اشیا
ودواب و سائره دن هرنه وارایسه مباشر معرفتیله سرآ و علناً تفحص و واضح الید اولنلردن
شرعله علی ای حال بلاعذر و علت تحصیل و شویله که بر اچه و بر جه یکیچری اموالله
متعلق کمسنه نک یدنده مکتومه و خارجه قالمیلوب و بر درلو اتلاف و اضاعت اولنامق شرطیله
ظهوره کتوریلوب مفردات دفترلیله معاً مباشر موئی الیه تسليم و بر کون اقدم اتمام
خدمت ایله عودت ایتدره سن اکر بو دفعه دخی یکیچری بیت المالی خصوصیچون
مبادره جور و تحصیلی لازم کلان کمسه لره بر تقریب ایله حمایه و طمع خامه تبعیت ایله
ظرفیدن مقدار زره نامرضی حرکت اولنچ لازم کلور ایسه صکره شامت عظیمه سن
چکوب مسئول و معاتب اوله جفکده اشتباه ایتمیوب بوماده زیاده اهتمام ایله حصولی مطلوب
اولدینی معلومک اولدقده اکه کوره چشم و کوش اهتماده و قطعاً تصور و تکاسل اولنیوب
خلافندن احتراز و مجانبت ایلیه سر دیو حالا درکار معلم یکیچریلری اگاسی اولان وزیر
عبدالله پاشا ادام الله تعالی اجلاله طرفندن مهرلو مکتوب ویرملکله وجه مشروح اوزره
عمل اولنچ ایچون یازمشدر فی اواسط ر ۱۱۵۰

— ۱۳۳ —

نیکبولی قاضیسنه و متسلمنه و یکیچری ضابطنه و علماء و صلحاء و نیکبولیده تجمع ایده جك
طوایف عسکریه ضابطان رؤسائنه و افراد عسکریه و با جمله اهالیسنه حکم که
بو اشناهه نیکبولی و قارشو سنده واقع قله طرفلرینک عسا کر و ذخایر ایله استحکام
و محافظه سی اهم مهام واجب الاهمدن اولنخیدن ناشی مقدمه امر شریفمه افاده اولندینی
اوزره تزالدز نیکبولی محافظه سنه قره حصار صاحب و سلطان اوکی سنجاقلری متصرفی

امیرالامراء الکرام قوز محمد پاشا دامت معالیه و قله محافظه سنده دخی سابقاً اسپر سنجاقی
متصرفی سیدی غازی دام اقباله محافظت تعین و ارسال وصوب مأمور لرینه سرعت صیر
و عنزیمه تریچون هر برینه مخصوص در کاه معلم کدکاولری مباشرتیه تاً کید واستعجال
و وصوللری اعلامیه عودت ایلدری مباشر لرینه تنبیه و افهام او لنوب بوندن بویله دخی
مستعیناً بالله تعالیٰ عسا کر کثیره و ذخایر و فیره ایله اول طرفه ممتازت ویریله جکی و هر
وجهله نظام حلالریکزه مبادرت او لنه جنی مصمم و مقرر اولمغله سر دخی دامن غیرتی در میان
ایدرک کوکل بر لسکی ایله مسکن و ماوالریکزک حفظ و حراسته اهتمام تام ایلسکز ایچون
اعلاماً و افهاماً اشبو امر شریفم اصدار و ... ایله ارسال او لنشدر ایدی کیفیت
معلومکز اولدقده قطعاً همت و غیرتکزه فتور و باروی اقتدار و همتکزه قصور کتورمیوب
هر حالده قوی القلب و جری الخاطر او لوب جمله ایله مراسم اتفاق و اتحاده رحایت و باش
بغ اولان میرمیران مویی ایله قوز محمد پاشا دامت معالیه نک امر محافظه ده و سایر اقتضا
ایدن خدمات هایونده امر و رأینه متابعت و بر بر لریکزی تشجیع و امر جهاده تحریص
ایله مردانه و غیورانه حرکت ایده رک مسکن و ماوالریکزک حفظ و حراسته مبادرت
واغور دین و دولت علیه مده خدمات مبروره و مساعی مشکوره وجوده کتورمکه صرف
تاب و طاقت و سنوح و ظهور ایدن غیرت و حمیتکز مقابلي مظہر الطاف شاهانم او له جفکز
حقق اولمغله اکا کوره اظهار شجاعت و ممتازه بذل ماحصل مکنت ایکز بازنده فرمان
حالیشام صادر او لمشدر بیور دومکه فی او اسط ر ۱۵۰

- ۱۳۴ -

صوفیه مفلسنه و قاضیسنه و متسلمه یکی چری ضابطی زید محمد هایه و علماء و صلحاء و مشائخ
و ائمه و خطبا و اصناف عسکریه ضابطان وزؤسasنه و عموماً عسکری و اهالیسنه حکم که
بو اشناوه دشمنک کیفیت حرکتیه کوره اول طرفه ده اولان اهالینک قلبلرینه دهشت
و خشیت مستولی اولدینی اخبار او لنوب ایکن حدود اسلامیه نک تقویت و ممتازه دی امریله
لیل و نهار اشتغال او لندوغنه بناءً تزالد و دین و نیش قلعه لری محافظه لریچون کشادی
فرمام اولان او ز عدد یکی چری بیراقلرندن ماعداً مقدمًا صادر اولان امر شریفمده
بیان او لندینی اوزره هر برینه سمت و مناسب اولان قضالرک ضرب و حربه قادر پیاده
و سواری عسکری دخی تعین او لنوب و صوفیه سمتلرینه دخی قریباً عسا کر ایله
همتافت ویرلمی مصمم و مقرر اولدوغنه دن بشقه سنجاق شریف التقدیه اولان با جمله
ادبیات — ۴

عساکر اسلام دخی دامنا اطراف و اکنافه حواله چشم و کوش بصیرت و جمله‌سی پادر رکاب
دفع کید و کزند دشمنه بذل مقدرت و احیاء دین مبین و احکام شریعت سید المرسلین
ایچون طاش یا صد نوب طپراق دوشنبه فریضه غزا وجهادی اقامت نیت صادقه سیله شد
نطاق حمیت و دولت علیهم دخی بوبابده قانون حزم و احتیاطه رحایت ایتمکله مقتضای وقت
و حاله کوره دامن اهتمامی در میان و ممالک اناطولیه و روم ایلیه او لان بالجمله وزرای عظام
ومیرمان کرام و سائر عساکر اسلامی عموماً یزلندن اخراج و اسفار سابقه دن ازید و قتیله
مستوفی مصر عسکری نی دخی کتور دوب سلطنت سنه هم ایله عرصه معاداداته قدم بسان دشمن
دین او زرلرینه مستعيناً بالله تعالیٰ بر قاج قولدن هجوم و اقتحام و اظهار شوکت اسلامه سعی
واهتمام و هر حالده تجهیز اجناد و ترغیب عد و عتاده شمیدن مباشرت و قیام او لنگله اعلاماً
وافهاماً اشبو امر شریفم اصدار و ... ایله ارسال او لنشدر ایدی سرکه مویی اليهم سر
احوال معلوم کن اولدقده قطعاً همت و غیر تکرہ کلال و قتور و بازوی اقتدار و حمیت کن
رخاوت و قصور کتور میوب جمله کن قوی القلب و جری الخاطر اولوب خیر ناصرین او لان
حضرت الله عظیم الشانک لطف و کرمه توکل و معجزات جناب رسالت پناهه توسل ایدوب
جمله کن بالاتفاق مردانه و غیورانه محافظه مملکت و مدافعت دشمن بد طینته قیام و بر زریکنی
تشحیع و غزوه و جهاده تحریص و ترغیب ایله دفع عدو محنثه و خشت و خشیته اقدام و رخاوت
اظهاریله تشوش و اختلال قلوب عباده مؤدی او لنلری زجر و منع و منوع او لیانلرک لازم
کلان تأثیری ادا و ترتیب و آخر لرین ترهیب ایدرک اتفاق درونیله پارجای مرکن صبر
ومتأفت و اجرای مراسم حمیت و شجاعته بذل اقتدار ایلیه سر بو وقت هام غیرت دینیه
ابرازیله اغور دین و دولت علیه مده از دل و جان خدمت ایده جک او قائدن اولوب و ظهور
ایدن غیرت و شجاعت کن زائل او لیوب اضعاف مضاعف مكافات او له جنی محقق او لملغله
کوره هم سری هر خصوصیه کوکل بر لکی مسلکه سلوك ایله رضا الله و رضای هایونه
موافق خدمات مشکوره وجوده کتور مکه صرف مقدرت ایلکن با بنده فرمان عالیشانم
صادر او لمشدر فی او اسطر ۱۱۵

— ۱۳۵ —

ادرنه و روم ایلینک اورته قولی نهایته وارنجه واقع او لان قاضیل و کتخدانه یزلری
و یکی چری سردار لری واعیان ولایت وایش ارلرینه حکم که
دشمن دین ملاعین خاسرینک نیش طرف لرینه سوء قصد او زره اولدوغی ملحوظ

اولمغله بعونه تعالی او لحواليلرک اعدای ديندن محافظه و محارسه سی اقدم امور دین و دولت عليه والزم لوازم سلطنت سنه مدن اولوب وبو خصوص دین مبین خدمتی و غيرت و حیث وقى اولمغله ساڑ او قاته قیاس او لئامغله الاقرب فالاقرب مستدعا سنجه تحت قضالريکزده ساکن سادات کرام و متقاعدين ذی قدرت و حرب ضربه قادر ايش ارلرینك او زرلرینه او لحواليلردن اولان امت محمدک امدادلری و دشمن ديندن حفظ و حراستلری فرض عین مثابه سنه اولمغله خصوص مزبور ایچون مأمورلر اولوب در دولتمدار مدن درکاه معلم قپوجی باشیلرندن ... دام مجده مباشر تعین وارسال او لئشدر ایدی سزکه مویی اليهم اشبو امر شریف واجب الامتثالک وصولنده وجه مشروح او زره تحت قضالريکزده واقع سادات کرام و متقاعدين ذی قدرت و ضرب و حربه قادر او لئلری مباشر مویی اليه معروفتیله تعجیل على التعجیل او لرندن ویرلرندن اخراج و محل مزبوره ارساللرنده هبریکز کرکی کی نقد واهنام ایلیمه سز شویلکه بوندن صکره تجسس و تفحص او لنوپ وجه مشروح او زره اخراجلری فرمانم اولان مذکورلردن محل مزبوره کتمیوب او لرنده قالمش هر قنگکزک تحت قضاسنه بولنور ایسه مأمور او لدقتری محله کتمدکلریچون اشد عقوبت ایله مجازات او لنه جقلری مقرر و سنه مباشر مویی اليه سن سندخی مزبورلری ویرلرنده قالانلری تعجیلله سوروب برکون اول وبر ساعت مقدم نیشه یتشدروب آنام خدمته بذل قدرت و صرف کلفت ایلیه سن و مذکورلردن محل مزبوره کتمیوب مخالفت ایدنلری اسم و رسملریله یازوب استانه سعادته اعلام ایلیه سن شویلکه بو امر مهمده تکاسلاک ظهور ایده جلک او لور ایسه بلا آمان سکا دخی ترتیب جزا او لنه جغنه بردلو اشتباہ ایمیوب اک کوره بو امر خطیرده زیاده دقت و برکون اول آنام خدمته مبادرت ایلک باینده فرمان حالیشانم صادر او لمشدر فی اواخر ر ۱۱۵۰

— ۱۳۶ —

فلیه و صوفیه ملالرینه و فلیه و صوفیه یه وارنجه یول او زرنده واقع قاضیلر و صوفیه متسلمه و ذکر او لنان قضالرده یکیچری سردارلری و کتخدایلری واعیان ولايت وايش ارلرینه حکم که

دشمن دین ملاعین خاسرینک سرحد منصوره مدن بعض محللر قریب اولق تقریب ایله شهر کویی رعایاسی دائرة اطاعتندن خروج و عصيان و طغیان و قریب مزبوره یی یغماو غارت و ضبط ایتمریله دراغمان بوقازندن اوته جانبه فرد واحدک مرور و عبوری

امر محال اولدوغى و اولقوله اطاعتىن خروج ايدوب عصيان و طغيانه جسارت ايدن رعایا
 اشقياسىنىك دفع شر و مضر تلىچون برقاج بيراقلو ايله مكمل و مسلح يرار و توانا
 ايكيوز نفر سوارينك عحالله اولظرفه ارسالىلەامت محمدە امداد اولئىسى سنكە فلېقاپضىسى
 مولانى مومى اليهسن صوفيه متسلىمى مومى اليهك طرفندن اعلام واستعانه اولندوغى
 عرض ايليش سن بعونه سبحانه و تعالى اولقوله مخدوللارك قهر و تدميرلىرى و شر و مضر تلىينك
 دفع و رفعلىلە ذكر اولنان دراغمان بوغازينك و شهر كويينك ضبط و ربطى اهم مهام لازم
 الاهتمامدن و بو خصوص دين مييان خدمتى و غيرت و حميت وقتى اولوب سائره قياس
 اولئامغله الاقرب فالاقرب مدلولنجە درونلرنده غيرت دينيه و حميت اسلامىلەرى اولان
 و تحت قضا كزده ساكن اولان ذى قدرت و سائر آته طوته و حرب و ضربه قادر
 ايش ارلىرى بو خصوص ايجون مأمور و دولتمدارلرندن . . باشى تعين و ارسال اولئامغله
 سز كە مومى اليهم سز اشبو امر شريف واحب الامثالم وصولىنده وجه مشروح اوزرە تحت
 قضالرىكزده ساكن و مقيم ذى قدرت و سائر آته طوته و حرب و ضربه قادر ايش ارلىنى
 مباشر مومى اليه معرفتىلە تعجىل على التعجىل اولرندن ويرلرندن اخراج و اوزرلرينه
 قضالرىكزك اشبه اعيانىن بىر يرار و كار كذار كمسنهلەرى تعين و محل مأموره ارسال
 و ايصال و بعون الله تعالى الملک المتعال اطاعتىن خروج و عصيان و طغيان ايله بونك كى
 خيانة و خبائثه جسارت ايدن رعایا طائفەسىنىك قهر و تدميرلىلە ذكر اولنان دراغمان
 بوغازينك و شهر كويينك ضبط و ربطنده و اولحوالينىك كركى كېي حفظ و حراستنده
 بذل اقتدار و سعى بىشمار ايللىچون تنبىه و تأكيد ايله سريعاً و عاجلاً ارساللرنده اهتمام
 و دقت ايليه سز و سنكە مباشر مومى اليهسن بو خصوصى اخذ و جلب ماله و سيلە
 ايدوب بر فرددن بر اچە و بر حبه المقدن و الدرمقدن توقى و تحاشى و بر كون اول اتمام
 خدمته مبادرت و زياده سيلە صرف مكفت و خلافندن غايىة الغايه حذر و مجانبىت ايلك بابنده
 فرمان عاليشانم صادر اولمشدر بىوردمكە في اواسط ر ۱۱۵۰

— ۱۳۷ —

حالا دريا قپودانى اولان وزير سليمان پاشا يه حكم كە
 قره دكزده واقع اوزى بوغازينك بعونه سبحانه و تعالى اعداي دين خذلان قريىندن
 محافظه و حمايىسى اهم مهام دين و دولت عليه مدن و دونانىمى هايونم امورى سنك عهده
 اهتمامكە حواله اولئامغله امر شريفم وصولىنده بو خصوص دوئمى هايونم قالىونلرندن ايلى قطعه

قالیونک دشمن دینک سفاین منحوسه نک قره دکزه مسوردن منع و صدی خصوصی ایچون اوزی بوغازینه تعیین اولنماسنک لطفی اولو بر درلو محدودی یوغیده و جمهه اتفاقیه معقول و مناسب کوریلوب استصواب اولنور ایسه ذکر اولنان درت قطعه دونهای هایونم قالیونلرندن ششیای بحری دونباز نام ایکی قطعه قالیونلرک لوازمات و مهمات و بالجمله طاقدلریله بر-اعت مقدم ملاعین خاسرینک سفاین منحوسه سنک قره دکزه مسوردن منع و صدی کید و مکرندن و شر و مضر تلرندن فوق المأمول اولظرفلرک حفظ و حراستند و صداقت ایله دیر میین خدمتند و بولنگه کاینبعی هر بری اقدام و اهتمام ایلیوب معاذ الله تعالی برا مر ناملايم حدوثندن غایة الغایه تحاشی و محابیت ایلمی ایچون تعیین ایلدکل قپودانلرینه محکم تنبیه و تأکید ایله بران اول ارسال ایلک بازنده فرمان عالیشانم صادر اولمشدر بیوردو مکه

۱۱۵۰ ر اوائل

— ۱۳۸ —

خاصه سلاحشورلر مدن شہسوار زاده مصطفی زید مجده یه حکم که بوندن اقدم جایک سنجاغنده واقع اولان قضالرہ طور ناجی باشی یوسف زید مجده نک معرفت و مباشرتیله اون عدد سردنک چدی بیراقلری کشاده و بهر بیراغه یوزر نفر در کاه معلم یکی چریلرینک تحریر و تصحیحی و عثمانیجق و مرسی یفون و لادیق و نیکسار و قویلی حصار و قره حصار شرقی و قسطمونی ویمین ویسارلرندن واقع قضالردن دخی خصکی الحاج ولی زید مجده نک معرفت و مباشرتیله بش عدد سردنک چدی بیراقلری کشاده و كذلك هر بیراغه یوزر نفر در کاه معلم یکی چریلری تحریر و تصحیح و تکمیلاً سید یوب اسکله سنده سفاین ایله قارشو قریم جانبدن بالقلوه نام محله ارسال واصال اولنی فرمانم اولوب و سند خی مباشر تعیین اولنیشیدک الحالة هذه کفه جانبدن توفیر و تکثیر عسکر اقتضا ایتمکله مقدمه وجه مشروع اوزره تصحیحی فرمان اولنان اولمقدار یکی چری نفراتندن ماعدا بودفعه دخی ذکر اولنان جانیک سنجاغنده هر بیراقده یوزر نفر اولمک اوزره اون عدد سالف الذکر قضالردن بش عدد در کاه معلم یکی چریلری تحریر و تصحیح اولنق فرمانم اولوب حالا حاستانه سعادتند سکبا باشی اولان افتخار الاماجد والا کارم محمد دام مجده نک ممھور مکتوبی موجبنجه باشنه ایکی قطعه امر شریفم شرفیافتہ صدور اولمغله سنکه خاصه سلاحشورلرندن موئی ایله مصطفی زید مجده سن بو خصوص ایچون دخی سن مباشر تعیین اولنیش سندر

ایمدى بو خصوص دين مبين خدمتى وغیرت وحمىت كونى او ملغىه بو وقت ساير او قاته نسبت
وبو خصوص ساير ايشه قياس أولئنوب قريم جانبنده توفير وتكثير عسكر اقتضا ايمكاله
اشبو امر شريف واجب الامتنال وصولنده اظهار غيرت وحمىت ابله ذكر أولنان قضالدن
مقدماً وحالاً وجه مشروع او زرء فرمانم اولان اولمقدار نفر دركاه معلم يكىچرىلىنىڭ
برآن اول اول قضالدن تحرير واصحىحنده مباشران مومى اليه ما ايله معىت واتفاق واتحاد
وتعجىل على التعجىل بان اقدم وبرساعت مقدم تحرير واصحىح وتكمليل وزياشه سرعت
وشتاب ايله سينوب اسكاله سننه تسيير واسكاله من بورده حاضر ومهىما قلننان سفائنه تحتميل
ومعًا صوب مأموره عن يمت وبي توفيق تعالي قره دكزى مسرور ايله مقدماً تحرر واصحىحى
فرمانم اولان اون بش عدد بيراغك نفرااتى بالقلوه ليانته نقل وجناب امارت مائب بالفعل
قريم خانى اولان فتحكرى خان دامن معاليه نك رأى رزىنلىرى او زرء اقتضا ايدن خدمات
عليه مده اعمال واستخدام أولئنلىچون نفرات وضابطلىينه كركى كى تنبىه أولندقدن صكره
نفرات من بوره نك نقل أولندقلرىنى مشعر خان مشار اليه دن سند الوب وادن ماعدا بودفعه
فرمانم اولان ينه او مقدار عدد بيراغك نفرااتى دخى كفه يه نقل واندر دخى دستور مكرم
قريم جانى سرعاسـكرى اولان وزير محمد پاشـانك رأى صوابلىرى ايله اقتضا ايدن
خدمات عليه مده قيام ايملىچون تنبىه وتأكيد أولندقدن صكره كذلك اندرك دخى نقل
اولندقلرىنى مبين وزير مشار اليه دن سند الوب ركاب همايونه عودت ايليه سن ان شاء الله تعالى
بوباده الدن كلان خدمتك ضايع أولئنوب نائل اجر ومكافات اوله جغى مقرر ومحقق بيلوب
اكوكوره زياده بصيرت وانتباه ايله حركت و مقدماً وحالاً خدماتم أولدېنى او زرء مباشران
مومى اليه ما ايله اتحاد واتفاق ايله برئون اول بو امر مهم ومستعجله اهتمام ودقق وخدمتك
مبور ومشكور أولمغه واستحصل رضاي همايونه صرف مكينت وبذل وسعى وقدرت
وفرمان واجب الامتناله مغايير جهت مقدار ذره تهاون وتقديراتدن زياده سيله حذر ومحابد
ايلك بابنده فرمان عاليشانم صادر أولمشدر بىوردەمكە في اواخر ر ۱۱۵۰

— ۱۳۹ —

ودين محافظى وزير محمد پاشـا يه وودينـده دركاه معلم ضابطى طورماجي باشى زيد
مجده يه ويرلو قولى آغالرى وضابطلىرى زيد قدرهمه حكم كە
سنکه وزير مشار اليهـسن بو اشـاده ركاب كاميـاب خسر وانـمه ادمـكـله مكتـوبـكـلاـوبـ
خلاصـه مـفـهـوـمـدـنـ بـقـضـاءـالـلـهـ تـعـالـىـ نـيـشـ قـلـعـهـسـنـكـ دـسـتـ دـشـمـنـ بـدـكـرـدارـهـ كـرـفتـارـ اـولـدوـغـنـ

اشعار و ذاتیکده مکنوز اولان صداقت و شجاعت مقتضاسنجه خدمت محافظه ده اولان موی
ایله انفاق و اتحاد ایدرک و دین قلعه سنک محافظه و حراسی امرینه بذل وسیعی و اقتدار او زره
اولد قدریکزی اعلام و اخبار ایلدیک که بناء هر بریکز دعای خبر ملوکانه مظہر اولمش سزدر
برخوردار اولوب حفظ و امان الهیده دائم و برقرار اوله سز نان و نعمتم سزلره حلال
اولسون هنوز قلعه مذکوره نک عسا کر و غزات ایله تقویت و استحکامنه اهتمام اهم مهامدن
اولمغله بوندن اقدم او اس شربه مله قلعه مذکوره نک محافظه سیجون تعیین و ترتیب اولنان
طوابیف عسکریه دن ماعدا بودفعه دخی تر الدن استانه سعادتمند بیک نفر سپاه و بیک نفر
سپاه و بیک نفر سلحدار سردنه کچدیلری تحریر و امکداران دولت علیه مدن و در کاه معلم
قیوجی باشیلرندن سابقا سپاهیلر اگاسی طویله جی حسین دام مجده و سپاه سردنه کچدیلری
سابقاً سلحدار اگاسی اولوب حالا میر علم اولان سلیمان دام مجده دخی سلحدار سردنه کچدی
اوزرلرینه اغا نصب و تعیین و مقدمه بیش قلعه سننه تعیین اولنان دستور مکرم مشیر مفخم
نظام العالم وزیر مغازی احمد پاشا ادام الله تعالی اجلاله دخی تکمیل قیوسی خلقی ایله و دین
قلعه سننه تحويل و برکون اول وارو - قلعه من بوره یه دخول ایتمک او زره امر شربه مله
مامور و او زرینه خاصه سلحشور لر مدن قپو دان سلیمان زید مجده مباشر تعیین قلنوب و جمله سنک
بر قدم اقدم صوب مامور لرینه سوق و تسییر لر چون مقدم و مبرم مباشر لر کوندریلوب و سریعاً
ایصاللری خصوصنه پی در پی شتاب واستعجال اولنگله بعون الله تعالی قریباً وصولاری نمایان
اولد یغندن ماعدا بوندن صکره دخی حسته جسته قلعه مذکوره یه عسا کر و مهمات ایله
وسائر اقتضا ایدن وجه ایله اعانت اولنوب بدرلو قصور اولمه جنی و هر خصوصده مساعدة
ها یون خیر خواهانه بیدریغ اولمی مقرر و محقق اولمغله ایدی سنکه وزیر مشارالیه سن
وسز که موی الیهم سز همتکزه فتور کتیور میوب جماه کز کال مرتبه اتفاق و اتحاد او زره
قلعه مذکوره نک حفظ و حراسی ایله اعداء دینک دفع و رفعی خصوصنده صرف وسع و مجال
ایتمکه استعمال رضاء الله و رضای ها و نمی مسارت مسامحه و تقصیردن و امور محافظه ده
تعاون و تأخیردن غایه الغایه احتراز و محابیت و خدمت لازمه کزه هر بریکز جان و باش ایله بذل
وسع و قدرت ایلدکز بابنده فرمان عالیشانم صادر اولمشدر بیوردمکه فی اواسط ر ۱۱۵۰

اولنان سردنکچدی بیراقلری طوغری قرم طرفنه کیتمیوب الجقلرده کوستنجه و قره خرمن و سنه بوغازنه برو کلوب طشره يه اخراج اولندقلرین اسماعیله و حالا سنه بوگازنه بوکونه سغیر ایله بیراقلر کلدیکی اخباريله سنکه چاوش مرقومسن بیراقلرک مأمورلری واروب چقەشلر ایسه تکرار وضع سفینه وكفه يه کویدرلک ایچون مباشر تعیین وارسال اولنمىشىن اليوم بومقوله استانه سعادتىم طرفندن کشاده اولنان بیراقلردن بوحواليزه قریب محللرە كلىكىدىن خالى اولندقلرىچون بوصنف عسکرينىڭ ابراملىرنىڭ اقتضا ايدىن حالدىن ناشى شىمدن صکره اھهام ایلک فرمانم اوچق اشبو امر شرييقم ... ایله ارسال اولندى ان شا الله تعالى وصولىنده وجه مشروح اوزره سنه بوغازنه کلوب عسکر سفینهسى و قوئىنده باقوب يكىچرى سردنکچدی بیراقلرندن اولدقلرى حالدە لنكر انداز و عسکرينىڭ اخراج ايتدرلمىوب مأمور اولدقلرى محلە حازم قلنەملرى وجهنە زىادە تقىد واغا و علمدارلرندن آكاھ و سفینه رئىسىلىرىنه دخى وضع سفینه ايتىكلىرى عسکرى طرف اخرە چمارمۇب فرمانم اولدېلىنى كې اتىام خدمت اتلرىچون خبر ورۇپ خلافندن سن احتراز و تحاشى ايمىھىن ديو بالفعل دركاه معلم يكىچرىلرى اغاىى اولان وزيرم عبد الله پاشا ادام الله تعالى اجلاله طرفندن مكتوب ويزىلكلە وجه مشروح اوزره عمل اولنمىق بايندە فرمان عالىشانم صادر اولماشىدر بىوردو مکە في اواسط ر ۱۱۵۰

— ۱۴۱ —

حالا سکبان باشى محمد زيد مجده يه حكم كە

دركاه معلم يكىچرىلرى اور طەلرندن بوندن اقدم اوزى محاربەسىنده تقضاء الله تعالى تلف اولوب طرف استانىدە مجدداً ترتىب اولنەلرى فرمانم اولان اون يدى واللى درت جماعتاللى سكىزنجى واللى يدى بلوك و اون يدى و يكىنچى طقوز سکبان التى عدد اور طەلردىن ماعدا قرق ايکى و طقسان بش و يتىش اوچ و ايکىنچى جماعت اور طەلرینىڭ حتى نصف ميانەلرى دوزىلوب بتون و نصف اون عدد اور طە اولمۇ اوزرە حالا قريم جانبىنده قول كىتىخداسى معىتىنە تعىين اولنوب بىرگۈن اول و بىرساعت مقدم طرف استانىدە اختيارلر معرفتىلە و سىنک تقىد و اھتمامك انضمامىلە تكىمىل و بلا قصور سفینەلرە وضع و اوزرلرینە اوچاغىڭ كاركىزار خدمات عهده سىندىن كلور ضابطان مسەتىجىن كورىلان بىرگىنە يى باش و محل مأمورلرینە وارنجە جمالەسى مزبورى اوزرلرینە ضابط بىلوب سوزىندن طشىرە رايىندىن خارج حرکت آتىيوب مطیع و منقاد اوللىرىنى تنبىه و بوجەلە صوب مأمورەلرینە ارسال قلنەملرى.

فرمانم اولمغین اشبو امر شریفم اصدار و ... ایله ارسال اولنگله ان شا الله تعالى وصولنده سنکه سکبان باشی موئی الیسن کر کدر که مجدداً ترتیبی فرمانم اولان بالاده مسطور التی عدد اور طهر هنور دخی تکمیل اولنامش ایسه عجالة تکمیل و درت عدد دخی نصف میانه لری دوزلک اوژه فرمانم اولان اور طهر لری اختیار لرینه مؤکد تنبیه و اهتمام بر لهدوزیلوب برموجب امر عالی قریم جانبنده قول کتیخداسی معینه کوندریلوب قیام ایتدبرملری ماده سنده هر وجهه مهم و مقید اولوب و تنبیه لازم کلمه تنبیه و تکمیل و ارسال ایدوب بعده اردوانی هایونه مکتوبک ایله اعلام ایلیه سن بو امر لازم الاهتمامده قطعاً تکاسل وتسامح اولنیوب بروجه تعجیل تکمیللری مهم مواد ایدوکی معلومک اولدقدن صکره موجب امر عالی اوزره عمل و حرکت ایلیه سن بالفعل در کاه معلم یکیچریلری اگاسی اولان وزیرم عبدالله پاشا ادام الله تعالى اجلاله طرفندن مهرلو مکتوب ویرملکه وجهه مشروح اوزره عمل اولنق بابنده فرمان عالیشانم صادر اولمشدر بیوردومکه فی اوآخر ر ۱۱۵۰

— ۱۴۲ —

رکاب کامیابدن فلبیه وصویه طرفلرینه تعین و ارسال قلنان سابقاً موصل بکار بکیسی ارسلان محمد پاشا و سابقاً چرمن سنیجانی متصرفی سید محمد پاشا وصویه منلاسنہ و مفتیسنہ و نیشه مأمور اصناف عسکریه ضابطان رؤسائسنہ وصویه نک علماء و مسلمان با جمله عسکری

واهالیسنہ حکم که

بواثناده بقضاء الله تعالى دشمن دین نیش قلعه سنہ استیلا ایتدیکی مسموع هایونم اولمشدر الحکم لله الواحد القهار چونکه نقض عهد دشمن جانبندن ظهور ایتدی جناب اللہ عون و عنایتی ایله قریباً جز الرینی بوله جنی الطاف الهیدن مأول و متضرع اولوب لکن الحالة هذه بو طرفلک توفیر و تکثیر عسکر ایله محافظه و محارسه سی اقدم مهم لازم الاهتمامدن و هر طرفه سمت و مناسب اولنق تقریبی ایله عسا کر اسلامک صویه ده تجمع و تحشدلری مقتضای حaldن اولمغله سابقاً رکاب هایونم قائم مقامی اولان روم ایلی ایالتی ایله نیش محافظه سنہ تعین قلنان وزیر احمد پاشانک صویه ده اقامتی و جمع اوله حق عسا کری اقتضا ایدن خدمات علیه مده رأی ایله اعمال و استخدام ایلک و روم ایلی والیسی بولنق تقریبی ایله ایالتنده واقع قضالرده بولنان طوائف عسکریه بی یولیله صویه بیه کتور مسی و عسکر ک هیأت جموعه لرینی تشتمدن صیانت ایدرک محافظه مملکت و مدافعت دشمن بد طینته دامن در میان اقدام اولسی والحاصل تأمین و تطمین بلاد و عباده

مردانه قیام ایتمسی ایچون باشقه امر شریفمله کندویه توصیه و تنبیه هایونم اولمغله سرکه میرمیران ورؤسای عساکر مومنیالیهم سر اشبو امر شریفم ... ایله سرمه محلده واصل اولور ایسه هنوز وارمیش بولنور سکز قطعاً مکث وارام ایتمیوب سرعت وشتاپ ایله کیدرک بمنه تعالی بران اقدم صوفیه یه واروب انده اقامت و جمله کز او لحوالیلرک محافظه و محارسه لرنده و مدافعت دشمن و سائر اقتضا ایدن خدمات هایونمده وزیر مشارالیه ک امر و رأینه اتباع و موافقت وامر ندن خارج حرکتدن مباینت و کوکل برلکی مراسمنه رعایت ایدرک دین مبین يولنده و دولت ابد قرینم اغور نده مردانه و غیورانه طور و رضاء الله و رضای هایونم موافق خدمات مبروره و حوده کتور مکه صرف تاب و طاقت و نفرات کزدن بر فردین صالحیویر میوب هیئت مجموعه کزی کرکی کبی حفظ ایتمکه مبادرت و سنوح و ظهور ایدن خدمت کز مقابلی مظہر الطاف شاهانه مه سعی و دقت ایلکز باشندہ فرمان عاجزانم صادر اولمشدر

فی اواخر ر ۱۱۵۰

— ۱۴۳ —

فرمان والیسی اولوب و دین محافظه سنه تعین قلنان وزیر محمد پاشایه حکم که دشمن دین اولان نیچه کفره سی هنوز و دین قاعده سی سمتنه کلیوب معاذ الله تعالی کلوب یانا شمزدن مقدم سنکه وزیر مشارالیه سن سنک بمنه تعالی قلعه منبوره یه ایزیشوب دخولک مجزوم و متین اولمغله کوره م سنه و قتی فوت ایتمیوب معیتکه مأمور اولان عساکر ایله ایکی قوانغی بر ایدرک و کیجه یی کوندزه قاتوب سیر سریع ایله کیدرک ان شا الله تعالی تعجیل علی التعجیل بران اقدم و بر قدم مقدم و دین قلعه سنه ایشمه بذل تاب و طاقت ایمک ایچون تأکیداً واستعجالاً اشبو امر شریفم دخی اصدار و ... ایله ارسال اولمشدر ایمدى وصول نده قطعاً ارام و توقف ایتمیوب معیتکه مأمور قلنان عساکر ایله ایکی قوانغی بر ایدرک و کیجه یی کوندوزه قاتوب سیر سریع ایله کیدرک ان شا الله تعالی تعجیل علی التعجیل بران اقدم و بر قدم مقدم و دینه ایزیشوب بلطفه تعالی درون قلعه یه دخول و مقدما فرمانم اولدینی اوزره و دین محافظی وزیر محمد پاشا ایله بالاتفاق محافظه و محارسه سنه قیام و مبادرت و مدافعت دشمن بد طینه صرف مکنن ایدوب بویله و قتده ملحوظ هایونم غیرت و حمیتی وجوده کتور مک ایچون یازمشدر فی اواخر ر ۱۱۵۰

— ۱۴۴ —

قارلی ایلی سنجاغی متصرف اولوب کلی محافظه سنه مأمور یوسف پاشا زاده حسن دام

اقباله یه و کیلی و اسماعیل قاضیلرینه و مباشر تعیین اولنざن . . . و کیلی و اسماعیل متولیلرینه و یکیچری ضابطانی و اسکله امناسنه حکم

قریم اطهسنده اولان اهل اسلامک بخلالدہ اردوی هایونه کاغدری کاوب اطه
من بوزده ذخیرک قلتی او مقدن ناشی سواحل طونده واقع تجار طائفه سی اطه من بورده
طالب اولنره ایچه ایله فروخت ایتمک او زره سفاین ایله قدر کفایه ذخیر نقل ایلدیچون
تنیه هایونی مشتمل امر شریهم صدوریخی التامس واستدعا ایتملریله کلی و اسماعیل
اسکله لرنده ایوم حنطه ایله مملو - فینه لردن قریم و اناطولی خرجی تعبیر اولنور بغدادی ایله
یوکلو بولنان سفاین بوکلریله قریم اطه سی طرفه کوندریلوب جزیره مرقومده دفع مضایقہ
عبدالله ایچون سعی واقع او زره اقتضا ایدن بهاسی اشترا ایدنلردن عن نقدِ المق شرطیله
فروخت اولنسی مقتضای وقت وحالدن او بغله او مقوله سفایندن تخمیناً یمتش سکسان بیک
کیله مقداری حنطه بی مشتمل هرقاج قطعه سفینه وار ایسه طوغری قریم اطه سنہ کیتمک
او زره او زرلریه خاصة بر مباشر تعیین و قریم طرفه تسیر اولنوق واکرالآن اولمقدار
حنطه ایله مملو حاضر سفینه بولنیوب لکن بوش بولمانلری وار ایسه طشرده بولنان
حنطه لری موسم دریا ضرور ایلزدن مقدم محلنے ایصاله و سیله اولنوق ایچون اوچ بش کون
ایچنده عجاله تحمیل اولنوق واکر اولمقدار بوش سفینه لرہ تحمیل ایده جک موجود ومهیما
حنطه لری بولنامق ویا خود بولندیغی صورتده قریم طرفه کیتمک ایچون حاضر حنطه من
یوقدر دیو اعتذاره تشبت ایدن سفینه ریسلری اولور ایسه اقتضا این نول معینی نقداً
ویرلمک شرطیله ایساجی انبارنده موجود میری حنطه بی تحمیل ایچون تخمیناً التیشر بیک
کیله حنطه حموله سفی متتحمل بش الی قطعه سفینه علی جناح الاستعجال ای-اچی اسکله سنہ
کوندرلمک فرمانم او ملغین اشبو امر شریهم اصدار و مباشر موئی ایله ارسال اولنمشدر
ایمدی وصولنده سرکه میرمیران و قاضیلر و متولیلر و اسکله امینلری موئی الیهم سر فرمانم
اولدینی او زره اسکله لرده وجه مشروح او زره یمتش سکسان بیک کیله مقداری حنطه بی
مشتمل هرقاج قطعه سفینه وار ایسه طوغری قریم اطه سنہ کوتور ملریچون تدارکلری
کور دیریلوب هر سفینه یه بـ مباشر وضع اولنوق او زره سنکه مباشر موئی الیه سن عجاله
آدمکله عرض واعلام واکر بالاده ذکر اولندینی او زره اولمقدار ذخیر ایله یوکلو و بر قاج
کون ایچنده یوکلنه جک سفاین او ملیوب یا خود مطلق قریم اطه سنہ کیتمک ایچون تحمیل
اولنچق ذخیره من یوقدر دیو سفاین ریسلری علت ایتمک احتمال اولور ایسه تخمیناً التیشر

بیک کیل حنطه حوله سنی متتحمل بش اتی قطعه سفینه ضبط وربط وایساچی طرفه لرینه
کتوریلوب ذخایر تحمیل اولنیق ایچون هر بر سفینه به بر مبانیر کوندرملک اوزره ادمکله
معجلان اعلام وخلافه وضع وحرکتدن غایه الغایه حذر ومحابیت اولنیق باینده فرمان
عالیشانم صادر اولمشدر بیوردو مکه فی اوآخر ر ۱۱۵۰

— ۱۴۵ —

انقره سنیجاغنی متصرفی اولوب حالا اق کرمانده عساکر اسلام اوزرنرینه باش وغ
نصب اولنان عمر پاشا دامت معالیه به حکم که
اویزی حوالیسندن کفارک طابور منحوسی تقلیب روی ادبار ایدوب اق صو (۱) طرفه لرینه
عودتلرندن صکره اویزی قلعه سنک کیفیتی هنوز علی وجه الصحیه معلوم اولمدیغندن قلعه
مرقومه نک کیفیتی و درون و بیرونی نه وجهمه در کافه هیئت مجموعه سنندن علی ای حال خبر
النوب اردوب هایونه علی جناح الاستیحال اعلام اولنیق لازمه حaldن اولمغله اشبو امر
شریفم . . . ایله وصولنده سنکه میرمیران مویی اليه سن قطعاً توفف و تأخیره میدان
کوسترمیوب کرک برآ و کرک بحرآ متینقظ ادمیر تعین ایدوب هرنه طریقه اولور ایسه
اولسون قلعه مرقومه نک احوالندن خبر شافی استیحلاب وعلی جناح الاستیحال اردوب
هایونه ارسال واعلام ایلک باینده فرمان عالیشانم صادر اولمشدر فی اوآخر ر ۱۱۵۰

— ۱۴۶ —

اولخری سنیجاغنه متصرف محمود پاشا واسکوب سنیجاغنی متصرفی قپلانزاده مصطفی
دام اقباله به والویه مزبورده بک وبکزاده و بالجهه ضرب وحربه قادر پیاده وسوار افراد
واهل اسلام زید قدرهمه حکم که
بو خالله نیچه ملاعینی بگته نقض عهد ایدوب حدود اسلامیه به تجاوز واسنیلا
وولايت روم ایلیده واقع اولخری و پرزن واسکندریه (۲) و دوقه کین سنیجا قلنده واقع عصات
شقاوت سهات دخی ملاعین مسفورینه اتباع واقتدا ایله بلاد عباده ایصال جور و تعدی به
اجتراء ایتلریه ملاعین مسفورینک دفع کید و مضر تلریه او لحوالیلرده اولان فقرانک راحت
ورفاهیتلری وبو سنه طریقند و چانیق و قورشو نلی در بندرلرینک قیسانامق وجهمه حفظ
وحراستی اقدم اموردن اویرب وسنکه میرمیران مویی اليه محمود پاشا دامت معالیه سن
سن اوی ذاتکده شجیع و نامدار و بهادر و کار کذار اولدیغک معلوم وسنندن دین و دولت

عليه مه لایق خدمات مقبوله ظهوری مجزوم اولمقدن ناشی و لچتین پرشننه و قوصوه
حوالیلرنده مستوفی ارنود عـکریله اقامت و ذکر اولنان دربندلر قیانماق و بوسنه طریقی
امدشدن منقطع اولماق و جمله بعونه تعالی محال مرقومه نک محافظه سنه قیام و مبادرت
والویه مرقومه عصاتنک وقت تجاوزلرنده حقلرندن کلک ورعایانک عصیان و طغیان ایتماملری
امرینه و مال خرینه نک تحصیله بذل مقدرة ایتمک شرطیله سن او لحوالیلرده اولان عساکر
اسلامک اوزرلریه باش بوج نصب و تعیین قلنمش سندر ایدی بوقت نام حیت و دیانت
اطهـاریه دین میین و دولت ابدمکینمه خلوص اوزره خدمت ایدهـجک اوقاتدن اولوب
وسیقت ایدن خدمتک بردرلو ضایع اولمیوب ان شـالله تعالی اضعاف مضاعف مكافاتی
مشاهده ایدهـجک مصمم و محقق اولمغله کورهیم سنی بران اقدم و برقدم مقدم عجالة
ومسارعة صوب مأموره شـتاب وا لحوالیلرده اولان ارنود عـکریخی یانکه استصحاب
و جمله نک اوزرلرینه باش بوج اولوب محال مرقومه جه مناسب اولان یرده اقامت و میرمیران
موحی الیه ایله مراسم حسن و فاق و جمله ایله لوازم اتحاده و اتفاقه رعایت ایدهـرک بروجهـحرر
مستعینا بالله تعالی آنـفـالـذـکـر دربندلرک و بوسنه طریقـهـلـرـینـهـ اـبـتـدـارـ وـالـوـیـهـ مـزـبـورـهـ
عصـاتـدنـ رـفعـلـوـاءـ طـغـیـانـ اـیـدـنـلـرـکـ تـرـتـیـبـ جـزـالـرـیـهـ دـفـعـ کـیدـ وـمـضـرـ تـلـرـینـهـ وـرـعـایـهـ اـسـتـالـتـ
وـیرـهـرـکـ عـصـیـانـ وـطـغـیـانـ اـتـمـامـلـرـیـ اـمـرـینـهـ وـاـمـوـالـ جـزـیـهـ نـکـ تـحـصـیـلـهـ بـذـلـ اـقـتـدـارـ وـسـنـدـنـ
مامـولـ اوـلدـیـغـیـ اوـزـرـهـ اـبـرـازـ غـیرـتـ دـیـنـیـهـ وـاـظـهـارـ حـیـتـ اـسـلاـمـیـهـ اـیـلـهـ اوـلـحـوـالـیـلـرـکـ مـحـافـظـهـ
وـحـمـایـهـ سـنـهـ وـحـینـ اـقـضـادـهـ مـدـافـعـهـ دـشـمنـهـ سـعـیـ بـیـشـارـ اـیـدـوـبـ هـرـ حـالـدـهـ سـعـیـکـ مـبـرـورـ وـمـشـکـورـ
اوـلمـغـهـ نـثـارـ نـقـدـیـنـهـ مـکـنـتـ اـیـلـیـهـ سـنـ وـسـرـکـهـ مـیرـمـیرـانـ وـسـاـئـرـ موـحـیـ الـیـهـ سـرـ مـیرـمـیرـانـ موـحـیـ الـیـهـ
محـمـودـ پـاشـایـ اوـزـرـیـکـزـهـ باـشـ بـوجـ بـیـلـوـبـ اـمـرـوـدـ اـیـنـهـ اـتـبـاعـ وـمـوـافـقـتـ اـیدـهـرـکـ مـحـافـظـهـ مـلـکـتـ
وـمـدـافـعـهـ دـشـمنـ بـدـطـیـنـیـکـ وـسـاـئـرـ مـأـمـورـ اوـلدـیـغـیـ خـصـوـصـلـرـکـ مـجـمـوعـنـکـ اـداـ وـتـمـشـیـتـهـ کـوـکـلـ
برـلـکـیـ اـیـلـهـ مـیرـمـیرـانـ موـحـیـ الـیـهـ اـعـافـتـ وـاـمـرـنـدـنـ خـارـجـ وـصـنـعـ وـحـرـکـتـدـنـ اـتـقـاـوـمـجـانـبـتـ اـیـلـیـکـزـ

- 18v -

چلدر والیسى وزیر یوسف پاشایه حکم که
مسقو کفره سی ایکی سنہ دن برو قریم اطہسنہ مستولی اولوباندہ اولان عباداللهه ایصال
حضرتدن خالی اولما مقدن ناشی طربزون والیسى وزیرم محمد پاشا بوتون اقدم کفه جانبینه
سر عسکر نصب و تعمین و معیته طوایف عسکریه ترتیب و تسمیر اولنوب و بوسنہ مبارکہ ده

عون و عنایت باری ایله دشمن بد طینت اطه مرقومده اکرچه مظہرفهر و هزیمت اولدیلر
 انجق فیا بعد دخی سر عسکر مشارالیه ک معیننده عسا کر کشیره و ادوات و مهمات و فیره نک
 وجودی وزرای عظامک شجیع و بهادر لرندن بریسٹ دخی اندہ بولنسی مقتضای
 وقت وحالدن اولوب و سنکه وزیر مشار الیه سن ذاتکده یرار و کار کذار و شجاعت
 و حمیت ایله متصف بهادر و نامدار اولدوغیکدن ناشی ستدن اغور دین میین دولت
 علیه مده خدمات جمیله و مأثر جزیله ایله ملحوظ هایونم اولمغله مکمل و مستوفی قپوک
 خلقنی و عشیرتک رجالتندن ماعدا ایالت چلدرده واقع حکومت و الویه متصرفلری
 وزعما وارباب تیار ایله سر عسکر مشار الیه میاننه مأمور و تعین قلنمش سندر ایمدى
 اشبو امر شریفم ... ایله وصولنده بو وقت تمام غیرت و حمیت ابرازیله دین میین و دولت
 علیه ابد قرینه خلوص اوزره خدمت ایده حکم اوقاتدن اولوب و ان شا الله تعالی سنوح ایدن
 امداد و زحمتک دخی هبا اولمیوب اضعاف مضاعف مكافاتی مشاهده ایده حکم مقرر اولمغله
 کورهیم سنب غیرت کرنی میان حمیته بند ایدوب قپوک خلقی و اتباعکی و عشیرتک رجالتی
 ابطال رجال کیروداردن اولمیق اوزره مکمل و مستوفی ترتیب و تجهیز وایالت مرقومده
 واقع حکومت والویه متصرفلرینک دخی کذلک قپولری خلقی و عشايرلری رجالتی انلره
 خطاباً مأموریت پیچون صادر اولان اوامر شریفهم موجبل نجبه یکی و کزیده اولمیق اوزره
 ترتیب وزعما وارباب تیارینی يالکمز جمع و احضار ایدوب موسم دریا مرور ایمیزدن اول
 جمله کز قدر کفایده مستوفی ذخیره لریکزدن حرکت و طربون اسکله سندن می اولور
 پوشه سزه سمت و مناسب اولان اخر اسکله دنی اولور حاصلی نه محل مناسب ایسه طوغری
 یولدن کیدرک و اثنای راهده بر فردہ خلاف شرع شریف جور و ظلمدن محابت ایدرک
 بعونه تعالی بران اقدم و بر قدم مقدم عجالة و مسارعة محل مناسبه کلوب سفینه لره سوار
 و مستعينا بالله تعالی کفه یه وصوله ابتدار و بعد الوصول سر عسکر مشار الیه ایله مراسم اتفاق
 و اتحاده رعایت و رأی رزین صواب قرین اوزره حرکت ایدرک حفظ و حراست مملکت
 و مدافعت دشمن بد طینت وسایر اقتضا ایدن خدمات علیه مکادا و تمشیته بذل مقدرت و سزدن
 مأمول و ملحوظ اولدوغی اوزره اغور دین و دولت علیه مده مساعی مشکوره وجوده
 کتور مکه صرف وسع وقدرت ایدوب استجلاب دعوات شاهانه واستحصال رضای
 شهنشاھانه و حمایه ایله یرندن انفکاک کی وضع و طوردن غایت الغایه اتفقا و محابت ایمک
 بازندہ فرمان حالیشانم صادر اولمشدر بیور دومکه فی اواخر ر ۱۱۵۰

- ۱۴۸ -

و دین محافظی وزیر محمد پاشایه و قاضیی یکیچری ضابطی ۰۰۰ زید مسجد ویرلو قولی
وسائر پیاده و سوار طوایف عسکریه ضابطان و رؤسائمه و علماء و صلحاء و افراد عسکریه
وباجمله اهالیسته حکم له

سن که وزیر مشار الیه سن بود فعه اردیو هایونه توارد ایدن قائمه ظفر لامعه کل خلاصه
مفهومه منده بلا موجب بفتحه نقض عهده جسارت این نیچه ملاعینندن بواثناده اهن پوش
ایکی بیک نفر محاذیل کفار و دین قلعه می پیشکاهنه وضع اقدام ادب ایلدکلری درون قلعه ده
اولان دلیران وغا جویان و هزبران جنک آزمایانک مفطور و مشهودلری اولدینی انده عروق
و غیرت دینیه لری نبضان وقدور حیمت اسلامیه لری غلیان ایتمکله بیک نفر مقداری شجعان
پلنک خو ایله کتخدائی محاربه و مدافعته لرینه ارسال ایتمکله جنود اسلامک مردانه وغیورانه
حرکت و اظهار مهابت و صلابت ایله احقدن سپرکش سینه اوله رق بی محا با هجمه طاقتکدار
شیرانه لرینه وی لئام تام آور مقاومت اوله میوب بعنایة الله امّلک القهار در عقب تقلیب روی
ادبار واوچیوز مقداری ملاعین دوزخ قرار یک حمله طعمه شیر شمشیر آتشبار واون
رأس مقداری خذله کفره بنداسره کرفتار اولوب بقیة السیوف لری دخی یم و هر اس ایله بی سپر راه
خسران و کلدکلری محله و راره شتابان او لمیله غزاة غیرت سهات دخی منصوراً و مظفر آپ را به اج
عودت و درون قلعه یه کاوب اقامت ایلدکلری و سائر باجمله تحریر و تقریر اولنان کیفیات حرف
بحرف معلوم او لمشدیر فللہ الحمد بوفوز نصرت مدد عنایت حقله مقدمه فتوحات جلیلۃ المنقبت
عد او لتفله گرک سنک و کرک غازیان حیمت نشان و محافظه ده اولان باجمله جنود اسلامیانک قلبیاً
وقالباً ظهوره کلان خدمتیکریکز و بوندن بولیه جایکیر ضمیر صداقت سميرکز اولان نیات
حالصه و حمیتلر کز مقبول و مشکور و سعی جیلمیلریکز مرضی و مبروراولوب فيما بعد دخی اجل
جلائل فتوحات واعظم عظام مثبتات ایله فائز نعم الهیه و حائز الطاف نامتناهی یه او لمکرزاچون
دعای خیر سریع التأثیر خسروانه مه مظہر او لمش سزدر برخوردار اوله سز بوندن مقدم
و دین محافظه سیچون سواحل نهر طونده کشاد اولنان اون عددی یکیچری سردنه کچدیلری
بیراقلری و سلسه و روسیجق و نیکبولی و راحوه و قره لوم و سائر او لحوالیدن تصحیحی فرمان
اولان ایکیوز نفر طوچی و حاجین و سلسه و روسیجق و سائر او لحوالیدن یوز یکرمی
نفر طوب عربه جیلری نفراتندن و اخراجی فرمانم اولان قصالرک طوایف عسکریه سندن
ماعداً بخبر مسیرت اثرک و رودندن مقدم اردیو هایوندن دخی قرمان والیسی وزیرم

محمد پاشا مکمل قپوی خلقی و لونداندن غیری بیک بشیوز نفر سپاه و سلاحدار
و سردنگچدیلری و ترقیلوری و بیک نفر میری سواری ایله علی جناح الاستھجاح و دین
قلعه سنده تسبیح و اردوعقبه ندن پیدرپی مقدم و مسرع مباشرلر ایله جمله سنک سرعت
سیر و عزیمتلری و بران اول قلعه منبوره به دخوله مسایع عتلری تأکید و استھجاح اولنوب
وذخیر و مهمات و عساکر و ادوات ایله بوندن بولیه دخی قلعه منبوره نک متافت و رصاتی
امرینه برآ و نهر آ فوق الحد سعی و دقت اولنده تکاسل و تقصیر او لئیه جنی معلوم کنزا ولقد
پنجه غیرت و حیث و بازوی متافت و شجاعتکنکه قطعاً فصور و فتور کتورمیوب هر حالده
قوی القلب و جری الخاطر اولوب نصرت بخشای اسلامیان اولان جناب رب مستغانک عون
وعنایتنه توکل و روح پر فتوح نصرت رسالت پناهه توسل ایله جمله کنزا پایر جای مرکیز
صبر و ثبات او لمکنزا ایچون اشبو امر شریفم اصدار و ... ایله ارسال اولنمشدر ایدی
وصولنده سنکه وزیر غیرت مصیر مشار و سرکه اجناد حیث معتادموی الیهم سرز جمله کنزا
خیر الناصرين اولان جناب کبریاک در کاه صمدانیدنیه و دیعه و امانت ایلدام خاصة جناب
خلافتیمک و عامة با جمکه موحدینک دعای خیرلری سرکله و عساکر اسلامله بیله در
کورهیم سرزی بوقت حیث اسلامیه و غیرت دینیه ابرازیله تمام دین میدنه خدمت ایده جلک
او قاتدن اولوب و بلطفه تعالی سبقت ایدن شجاعت و خدمتکنکه بزرگ اوضایع او لمیوب هر بریکنزا
اضعاف مضاعف مكافات مشاهده ایده جککنکه محقق او لمغله جمله کنک اتفاق درون و اتحاد قلوب
اخلاص مقرون ایله و سیله فوز و فلاح اولان جبر و شباتی پیشہاد وزیر مشار الیک
رأی زرین اصابت قرینه اتباع ایله دلیرانه و غیورانه امر محافظه یه و مدافعت اعداوساً اقتضا
ایدن خدمات علیه مده ادا و تمیته بذل مقدرت و دین میین و دولت ابد قرینم اغور نده خدمات
سعیده و مأثر جمیله وجوده کتورمکه صرف تاب و طاقت ایدوب ابقاء دین میین و احیاء
سنن فخر المرسلین ایچون بوجهاد اکبر و غزای میمنت ازده غیرت قوشاغنی هر بریکنزا
بر قاجیردن میان حمیتکنکه قید و وجهه جلادتکنکه ابواب خواب و راحتی سد ایده رک
رضاء الله و رضای هایونه مظہر اولمغه سعی و اقدام و ثبت صحائف روزکار اوله جو مساعی
مشکوره ابرازینه نثار نقدینه اهتمام ایلمکنزا باسته فرمان عالیشانم صادر او لمشدر بیور دومکه

فی اواخر ر ۱۱۵۰

- ۱۴۹ -

اردوی هایوندن اساقچی و بابا طاغی و حاجی او غلی و پرہ وادی و ... و ... قضالری

قاضیلرینه و یکیچری ضابطه‌ی اختراری و اعیان ولايت وایش ارلری و قلاع
دزدارلری زید قدر همه حکم که

بوسنہ مبارکده اردوی هایونه مأمور درکاه معلام یکیچریلرندن و بوکه تابع طوابیف
عسکریه‌دن اولان حالا علم فیخر عالم صلی الله تعالیٰ علیه وسلم ایله با جمله عسا کر قرتال
حیراسنده و نچه‌سی دخی بندر جانبنده و سائر محله‌ده قهر و تدمیر اعدا ایچون سعی و کفار
خا کسارک امت محمد او رلرینه تسلطی و مضرتی بر طرف قلمق‌سوزن عسکری طایفه‌سندن
ایچلرندن دین غیرتی و پادشاه قول‌لوغی و یکیچریلک و عسکر لک قدرتی فهم ایتمان ارادل
مقوله‌لری هوادارلری ایله یکدل و بربلرین اضلال و تحریک ایدوب مقدمه بردن ایکیدن
اردوی هایوند فرار و بمقوله‌لردن اخذ اولنانلر سائزه موج. عبرت اولمک ایچون حقلرندن
کنوب و بوندن اقدم یوللرده دخی مباشرلر ارسال و فراریلردن اولوب اخذ اولندقلری
 محله‌ده کیملری حبس و قلعه‌بند و کیملری رجعت ایتدریلوب و خصوص مذکور ایچون یول
اوزرلرندن بولنان حکام و ضابط‌ان واعیان ولايت بمقوله اردودن کیرو ولایتلری طرفه
و دیل‌کلری محله فرار آ راهی اولنلردن قضالریکزه کلدکلرند و قو ناقللرند لیل و هار چشم
و کوش و اهتمام او لنه‌رق اخذلری ایله حقلرند کنمکه و برفد فراریدن او لدینی صورتده ویدند
اذن نامه‌سی او لمدینی حالده قضالردن تجاوز ایتدرلیلوب کرو اردوی هایونه رجعت ایتدرلری
واسلمیانلرینی اخذو حبس و جزا ترتیب ایله مهم و مقید او لمدی اجلنه کراراً و امر عالیلرم ایله
چاوسلر ارسال و مؤکد تنبیه او لنوب بر مدت محل مأموره‌لرین براغوب کنمکه جسارت ایتدیلوب
تخویف اوزره‌لر ایکن بعض قضالرده و مر و معبرنردن چکوب رها بولدقلری و ولرده
فراری عسکری طایفه‌سندن کثرت اورره کته‌کلری اردوی هایونم طرفه کلنلردن و بعض
امور مهمه ایله کیدوب کلانلردن استماع او لنوب بو خصوص یول اوزرلرند اولان حکام
وضابطانک عدم تقید و تکا سملرندن اقتضا ایدر حالدن اولدوغی ظاهر و آشکار او لمعله ایمدی
سز لرکه ذکر اولنان قضالرک حکام و ضابطانی واعیان ولايت وایش ارلری سز بویله او قاتده
سن‌جاجع رسولی براغوب اردوی هایوند و کرک سائز قلاع محافظه‌لرندن و بندر جانبنده
فار ایدوب عودت ایدن بیمار ارافل مقوله‌لرین قضالریکزدن تجاوز ایتدیرمیلوب على ای حال
بولندقلری محله اخذ و محکم قریب اولان قلعه‌لره وضع و قلعه بند ایتدیریلوب حقلرندن
کلک اوزره کیفیت احوالرین عرض واعلام ایله سز و بوندن صکره دخی عسکری طایفه‌سندن
بلا اذن یدلرند سندلری او لمیان فرازیلری اخذ واله کتور مکده اغماض و اهمال او لنوب
ادبیات — ۵

کشت و کذار ایدکلری و یولارده فراریزک کثت و وفتر اوزره بولندری مسموع اولنور
ایسه سرلرک تکاسلیکزه حمل ایله عذر و جوابکز اصغا و اعتبار اولنیوب مسؤول و معاتب
اولندریکزده اشتباه اولمامغله بومقوله کروه مکروهک لایق اولدقلری حقلرنده اجرا اولنق
وجوبده اولدوغى ایچون کمال تقیدواهتمام وسعي مالا کلام و خلافندن دخی اتهاو مجانبت اولنق
باپنده فرمان عالیشانم صادر اولمغین ... مباشر تعین و ارسال اولندي و سنه که مباشر موئی
ایله سن سندن خدمات لازمه عهده سندن کلک مامول و ملحوظ اولمغین برساعت اقدم اردوي
هایوندن چیقوب ذکر اولنان قضالر ایله یمین ویس ارلنندن کشت و کذار ایدوب اردوي
هایوندن فرار ایله برتریب ایله رها بولوب اثنای راهده راست کلدکلری و فراری بولنديغى
 محللری جشم و کوش و اهتمام ایدرك یدلنده سندلری اولمیوب فراری اولدقلری ظاهر اولان
هر کیمک اولور ایسے-لر معرفت شرع و جمهه معرفتی و اتفاقیه اخذ واله کتوروب اقرب
و مناسب اولان قلعه لره وضع و قلعه بندو کیفیتلری اعلام ایتدیروب بو وجهمه ا تمام خدمت برله
عودت ایمکه بذل مقدور وسعي نامحصور ایلمیوب بر فردینه قطعا مساعده ایدکلک خبری
النور ایسه صکره ندامت عظیمه سن چکرسن اکا کوره حقیله وبصیرت و خلافندن توقی
و مجانبت ایله سن و سرلرکه قلاع دزدارلری سر بو مقوله فراریلردن آخذ و هر قنگکزک
دزداری اولدوغکز قلعه لره ارسال اولنان یراما زلری محکم حبس و قلعه بند ایدوب بر فرد
فاراری قور تولدیغى مسموع اولنق لازم کاور ایسے دزدار لغکز رفع و سرلره جزا ترتیب
اوانيه جغنده اشتباه ایله سر دبو دستور مکرم مشیر مفخم نظام العالم بالفعل در کاه معلم
یکیچریلری آغاسی اولان وزیرم عبد الله پاشا ادام الله تعالی اجلاله طرفندن مهرلو مکتوب
ویرنکله وجه مشروح اوزره عمل اولنق باشه فرمان عالیشانم صادر اولمشدر فی اوآخر ۱۱۵۰

— ۱۵۰ —

اولونیه سن جاغنی متصرفی محمود پاشایه حکم که
با اشناه اساقچی طرفنده عساکر کشیره نک تجمع و تحشیدی لازم و مقتضی اولمغله سنه
میر میران موئی ایله سن مکمل و مستوفی قپوک خلقی و تحریرینه مأمور اولدوغک میری لوندات
ایله بولنالدہ اساقچی طرفنه کلوب خدمت محافظه ده بولنق اوزره مأمور او لمش سند
اشبو امر شریفم ... ایله وصولنده قطعا مکث وارام ایمیوب مکمل و مرتب با جمله قپوک
خلقی و تحریرینه مأمور اولدوغک میری لوندات ایله برساعت اول برکون مقدم حرکت و بر
برده اکننیوب و یولده ایزده ایاق سوریمیوب و اثناء راهده فقرانک مجاناً برنسنه لری آلنق

وبرده خلاف شرع ظلم اولنامق وجهیه لوندات و آدمدرک بر خوشیه ضبط وربطه
دقیق و کیمی کوندو زده قاتوب ایکی قوانغی برای درک سیر سریع ایله ان شا الله تعالی بران
اقدام و بر قدم مقدم اساقبی یه وصولنه مسارت و بعد الوصول امر محافظه ده و سائر اقتضا
ایدن خصوصیه هایونم اولدینی اوزره خدمات مبروره و مساعی مشکوره وجوده
کتورمه اقدام نام ایدوب بطائت و رخاوتدن بغایت احتراز و محابیت ایمک بابنده فرمان
حالشانم صادر اولمشندر فی اواخر ر ۱۱۵۰

— ۱۵۱ —

روم ایلینک اورته قولنده واقع طرنوی و هزارگراد وشمی ویکی بازار واسکی جمه
و ... قاضیلرینه و سردار و کیلاری و اوجاق اختیارلری واعیان ولایت وایش ارلرینه حکم که
ابرائیل واق کرمان واولحوالیلرده واقع قلاصده و سائر اقتضا ایدن محلرده محافظه
و محارسه و کرک محاربه و مقانه و کرک سائر خدمات علیه مده خدمتده بذل قدرت وصرف
مکفت و خدمتلری تمامندن صکره یومیه او زراچه تقاعدلکلری احسان و تذکرہ لری ویرملک
شرطیه اوج بیک نفر کزیده وجنه و حربه قادر شجیع و بهادر یکتلتدن یکیچری
سردزکچدی نفراتی اولمق اوزره مناسب محلردن تحریوه بر آن اقدام تکمیل وصوب
مامورلرینه سوق و تسییر ایچون عتیق و جدید امور کورمش اعمال عسکره قادر اغالردن
شروط مذکوره ایله نفرلرینی عجاله تکمیل ایمک اوزره بروجه معتماد اقتضا ایدن اغالره
بیراق ویریلوب برکون اول نفرلرینی تکمیل و کتورملریچون کرکی کی تنبیه و تأکید
و خصوص مزبوره زیاده اهتمام و دقت اولنامق اوزره اوجاق طرفندن مقدم و کرکدار
مبادرلر تعین اولنامی فرمانم اولمغین قدوة الامام و الاعیان ... زید مجده مباشر تعین
وارسال اولنده ان شا الله تعالی وصولنده کرکدرکه حالا قضاییکزده مقیم و شجیع
و بهادر یکیچری دلاورلرندن بالاده تهرکز و تحریری و فرمانم اولدینی اوزره تحریر اولنامریچون
جمله او قاتده سعی و اهتمام لازم ولابد و بو خدمتلر دین و دولت و عبادالله ک امر و راحتلریچون
اولوب بذل قدرت وصرف مکفت قلنامق جمله یه الزم اولمغله معرفت شرع و جمله کیزک
معرفت و اهتمام و اتفاقکز ایله مباشر مویی ایله واروب داخل و هر برلریکزک معلومی
اولدقدن صکره مباشره معاونت و مظاهرت اولنامه رق قضاییکزدن موجود و مقیم و حاضر
یکیچریلری ترغیب و تحریص و کرکی کی تقدیم و اهتمامکز ایله تحریر اولنامرینه مقید اولوب
ودخی بیراق ویرملک شانندن اولوب نفرات تکمیلنه قادر ولایق و سزا اولان عتیق و جدید

آغالره اقتضاسنه کوره بيراق ويريلوب تكميل نهرات ايشتدر مکده وافلر دخى بيراقلىرى زيرينه استصحاب و تحرير ايلىكلىرى نفراتلريله بوندن بويلاه ام و فرمان ببوريلان خدمات پادشاهىدە موجود اوپ دين يولنده و پادشاه قوللو عنده وجمله عباداللهك امن و آسايشلىرى اجلنه صرف قدرت ايدوپ دنيا و آخرت سعادتى اولان استيجلاپ دعائى خير پادشاهانه ايله ان شـ الله تعالى ائمـام خدمـةـلـرـنـهـ كـنـدـولـرـىـ وـ نـفـرـاـتـلـرـىـ مـسـرـوـرـ اوـلـوـبـ نـائـلـ مـرـامـ اوـلـمـلـرـنـهـ كـمـانـ اـيـتـيـوـبـ بـوـجـهـلـهـ بـوـاـمـوـرـمـهـمـكـ بـرـكـونـ اوـلـ تـكـمـيـلـ وـ اـتـمـامـيـ مـطـلـوبـ وـ جـمـلـهـ دـنـ غـيـرـتـ وـ حـمـيـتـ اـيـدـوـبـ كـالـ سـعـىـ وـ اـهـتـامـدـهـ قـصـورـ وـ قـتـورـ اوـلـنـامـقـ مـأـمـولـ وـ مـلـحـوظـ اوـلـدـيـغـنـهـ بنـاءـ خـلـافـندـنـ دـخـىـ توـقـىـ وـ مـجـانـبـتـ اـيـلـيـهـ سـزـ وـ سـنـكـهـ موـىـاـلـيـهـ . . . زـيدـ مـجـدـهـ سـنـ دـخـىـ دـامـنـ غـيـرـتـيـ درـمـيـانـ اـيـدـوـبـ سـالـفـ الذـكـرـ قـضـاـرـدـنـ جـمـلـهـ مـعـرـفـتـ وـ مـعـرـفـتـ شـرـعـلـهـ جـنـكـ وـ حـربـهـ قـادـرـ شـيـجـعـ وـ بـهـادرـ يـكـيـچـرـيلـرـدـنـ يـومـيـهـ اوـزـ اـقـهـ تـقـاعـدـ اـيـلـهـ سـرـدـنـكـيـچـدـىـ نـفـرـاتـيـ اوـلـمـقـ اوـزـرـهـ اوـلـمـقـدارـ نـفـرـاتـكـ عـجـالـةـ تـحرـيرـ وـ تـكـمـيـلـ اـيـتـيـرـلـاسـنـدـهـ وـ عـتـيقـ وـ جـنـدـيدـ اـغـالـرـدـنـ شـرـوطـ مـذـكـورـهـ اـيـلـهـ نـفـرـاتـيـ تـكـمـيـلـ وـ اـعـمـالـهـ قـادـرـ اوـلـنـلـرـهـ مـعـرـفـتـ شـرـعـ وـ جـمـلـهـ مـعـرـفـتـلـرـيلـهـ بـيرـاقـ وـ يـرـوبـ عـونـ وـ عـنـاـيـتـ بـارـىـ اـيـلـهـ بـوـاـمـرـ لـازـمـهـنـكـ بـرـكـونـ اـقـدـمـرـؤـيـتـ وـ تـمـشـيـتـيـ مـادـهـ سـنـدـهـ كـالـ سـاعـىـ اوـلـوـبـ كـرـكـ بـيرـاقـ وـ يـرـيلـانـ اـغـالـرـ وـ كـرـكـ نـفـرـاتـيـ مـنـتـخـبـ وـ كـيـزـيـدـهـ وـ حـيـنـ حاجـتـهـ محلـ مـأـمـوـرـهـلـرـنـهـ مـقـيمـ وـ مـوـجـودـ اوـلـوـبـ اـمـوـرـ پـادـشـاهـىـدـهـ تـكـاسـلـلـرـىـ اوـلـيـوـبـ مـتـدـنـ وـ دـيـنـدـارـ اوـلـنـلـرـدـنـ يـكـيـچـرـيلـكـ قـدـرـيـ بـيـلـورـ فـهـمـ اـيـلـيـانـ يـارـ وـ غـيـرـلـوـ يـولـداـشـلـرـدـنـ اوـلـمـقـ اوـزـرـهـ مـهـمـ وـ مـقـيـدـ اوـلـوـبـ شـوـيـلـكـ رـعـاـيـاـدـنـ وـ مـجـهـولـ الـاحـواـلـ حـيـنـ حاجـتـهـ پـايـدارـ وـ فـرـارـ اـيـمـيـانـ حـيـوـلـهـ مـقـولـهـسـيـ اوـلـنـامـقـ وـ جـمـهـىـ بـصـرـتـ اـيـدـوـبـ بـرـكـونـ اـقـدـمـ اـئـمـامـ خـدـمـتـ بـرـلـهـ عـوـدـتـ اـيـلـكـهـ بـحـدـوـ تـقـيـدـ اـيـدـوـبـ سـرـمـوـ تـكـاسـلـ وـ تـقـصـيرـدـنـ وـ اـهـمـالـ وـ مـسـاـمـهـدـنـ بـغـاـيـتـ اـحـتـزاـزـ وـ اـجـتـنـابـ اـيـلـيـهـ سـزـ دـيـوـ بالـفـعـلـ درـكـاهـ مـعـلامـ يـكـيـچـرـيلـرـىـ اـغـاسـىـ اوـلـانـ دـسـتـورـ مـكـرـمـ مشـيـرـ مـفـحـمـ نـظـامـالـعـالـمـ وزـيـرـ عـبـدـالـلـهـ پـاشـاـ اـدـامـ اللـهـ تـعـالـىـ اـجـلـالـهـ طـرـفـنـدـنـ مـهـرـلـوـ مـكـتـوبـ وـ يـرـلـكـاهـ وـ جـهـ مـشـروـحـ اوـزـرـهـ عملـ اوـلـنـقـ باـنـدـهـ فـرـمانـ عـالـيـشـانـ صـادـرـ اوـلـمـشـدـرـ . . فيـ اوـائـلـ حـاـ ۱۱۵۰

- ۱۵۳ -

وـ دـيـنـ مـحـافظـيـ وـ زـيـرـ مـحـمـدـ پـاشـاـيـهـ حـكـمـكـهـ سـنـكـهـ وزـيـرـ مـشـارـالـيـهـ سـنـ حـالـاـ رـكـابـهـاـيـونـ مـيـمـنـتـ مـقـرـونـهـ كـونـدـرـدـيـكـ قـائـمـهـ كـدـهـ تـحرـيرـ اوـلـنـدـيـغـيـ اوـزـرـهـ بـعـنـاـيـةـ اللـهـ تـعـالـىـ وـ حـسـنـ تـوـفـيقـهـ نـيـچـهـ مـلـاـعـيـنـكـ بـوـسـنـهـ جـانـبـنـدـهـ اوـلـانـ عـسـكـرـ هـزـيـمـتـ اـثـرـىـ مـكـسـورـ وـ مـنـهـزـمـ وـ مـقـهـورـ وـ بـوـسـنـهـ غـازـيـلـرـىـ نـهـرـ صـاوـهـ اوـزـرـنـدـهـ اوـلـانـ پـلـنـقـهـلـرـيـنـ

نهب وغارت وبلغراد ووارادين سمتلرينه هجوملنندن اردل ومحار طايدهسي دخى اياقلنوب
نمچه لویه هجوم اوزره اولدقلرى خبرلنندن ناشى بوندن اقدم ودين حواليسنه سوء قصدايله
كلان ملاعین دوزخ فرينىك بىنلننده تفرقه وخلاف وتشتت واختلاف ظهور ايتمكله اكثري
چ [۱] جاندنه وامدادا يچون بلغراد وبوسنه طرفلىنه يقىلوب كتدكلرى وبيه قلان برمقدارى
طابور مقهور ايله ودىه قريب نهر طونه اوزرنده اولان كوپروسنك برو باشىنده مكت
اوzerه اولوب واليوم نيش قلعه سنك دخى درون وپرونندە مجموعى التى بيك مقدارى
عسکر نحوست اثرى اولدېغى اخذ اولنان دىللر خبر ويرملىله بواثناده قلعه منبورەنك
ايدىء اعدادن نزع وتخليصى اسهل وانسب وافق كورينوب لكن بومابده حزم واحتياط
لازمە حالدىن اولمغله توفيقه تعالى ودين غالىه خصوصى برطرف اولدقدز صكره بوخصوصى
مقتضای وقت وحاله كوره حرکت اولنوب دستور مکرم مشير مفخم نظام العالم روم ايلى
واليسى اولوب صوفيه جانلىنده اولان وزير مغازى احمد پاشا وامير الامراء الكرام حالا اوخرى
وپزدین سنجاۋى ينه متصرف اولان محمود پاشا دامت معاليه ايله خبرلشوب واکر سالف-
الذکر نيش قلعه سنك سهولت ايله ايدىء اعدادن نزع وتخليصى جمله كىزك عندنده مجزوم
ومنسوب اولدېغى حالىه اصلا تأخير وتوقف ايلمۇب استعانت ايلدوکى حالىه اعانت ايدوب
وزير مشار غازى احمد پاشا طرفىدن ومير ميران مومى اليه جانلىن دخى استعانت واقتضا
ايدر ايسه انلى دخى معـاً صوب مأموره كىتمك اوzerه مأمورىتلېچون باشقە باشقە امر
شريفمه تنبىيە هايانم اولوب وبرگون اول مكمل و مرتب قپوسى خلقى ويرار و كزىدە
ومستوفى ادمىريله و معينته مأمور اولان ساڭ طوايف عسکر و مهمات طوپخانە وجىھە خانە
ايله قالقوب نيش قلعه سنك واروب متوكلا على الله ومستعينا بالله قلعه منبورەيى كىكى
محاصرە وعون و عنایت بارى و توفيق سېحانى بىرلە ايدىء اعدادن نزع و تخليص ايتمك اوzerه
وزير مشار اليه مفصل و مشرح امر شريفم شرفيقا فتھ صدور اولمغىن سنكە وزير مشار اليه سن
وجه مشرح اوzerه عمل واقتضا ايدر ايسه سندخى نيش طرفى اىچون وزير مشار اليه
امداد واعانت و سبئيل دين مىيندە غيرت و حميت وزيادە سىلە اهتمام ودقت ايلك بايندە فرمان
حالىشانم صادر اولمشدر بىوردومكە فى اواسط جا ۱۱۵۰

روم ایلی وائیسی وزیر احمد پاشایہ حکم کہ
دستور مکرم مشیر مفتیخ نظام العالم حالا و دین محافظتی وزیر محمد پاشا ادام الله تعالیٰ

اجلاله نک مقدمار کاب هایون میمانت مقر و نه کلان قائمه سنک خلاصه مفهومندن دشمن دین
 میم او لان نمیچه کفره سنک طابور مقهوری و دین قلعه سنه سوء قصد ایله کلوب نهر تیوقن
 ایالتی یانده حدود اسلامیه ده طونه اوزرینه قوردوغى کوپرسنک برى باشنده مکث واقامت
 پی در پی اخذ او لنان دیللرک تقریری اوزرە یوقار و دن کله جن امداد عسکری و دونهای
 منحوس و مهمات سفاینه هتر قبل ایکن بعونه سبحانه و تعالی بوسنه جانبده او لان عسکر
 هزیمت اثری مکسور و منهزم و مقهور اولمغله بوسنه نک شیخان دلاورلری نهر صاوہ اوزرنده
 او لان پلنگه لرین نهپ و غارت و بلغراد جانلرینه و واردین سمتلرینه هجوم او لاند وغی خبری
 طابور مقهورلرینه واصل اولدقده رؤسای عسکر (منحو سیله کوپر و دن قارشویه) او لان ملاعین
 بینلرندہ شقاق و رأی فاسدلرندہ بربینه مخالفت اوزرە اولملریله چاسار ضلالت شعارک دامادی
 لوئرنگه هر سکی کیندو سنه متعلق او لان عسکر منحو سیله کوپر و دن قارشویه عبور و طمشوار
 اوزرندن بچ طرفیه عنیمت و بلغراد جانبدن دخی فریاد جیلر کاکلده مدیر عسکر هزیمت
 اثرلری او لان اسکندر و دن نام جنرال بد فعل دخی کوپر و باشنده او لان طابور مقهور دن اون
 بیک مقداری کزیده و سرعت و شتابه قدرتی او لان ملاعینی انتخاب دیگری طقوز قطعه، الای
 طوپی الوب استیححال ایله بلغراد بوسنه جانبدن امداد ایچون کیدوب و نیش قلعه سی محافظه سنه
 مقدم وضع ایلد و کی عسکر دن ماعدا بودفعه دخی بر مقدار عسکر تعیین و الیوم قلعه
 مرقومه نک درون و بیرون نده مجموعی التی بیک مقداری عسکری اولد وغی اخذ او لنان دیللر
 خبر ویروب و و دینه قریب هر طونه اوزرنده کی کوپرسنک برو باشنده بقیه قلان طابور
 مقهوریله اشتانهین طال نام جنرال مکث اوزرە اولمغله و و دین قلعه سی محافظه سندہ او لان
 غزات شیخان سهات هر کون و اروب طابور مقهورلرندن دیللر و کله لر الوب و اطرافندن
 حیوانات و مواشیلرین سورمه کله دخی تضییق دن خالی اولمیوب بوندن ماعدا اردل واورتہ
 محارلقدہ محار طائفه می دخی نمیچه ملاعینه اطاعت دن روکر دان وايا فلنوب نمیچه لویه هجوم
 اوزرە اولد قنری خبری دخی طرفیلرینه ورود ایتمکله و دین قارشوسنده جادرلریله
 مکث اوزرە او لان اردل جنرالی وايس نام لعین معیننده او لان عسکری ماعدا
 طابور دن دخی بش بیک مقداری عسکر الوب و محل منبوره دن قالقوب فکر فاسدلری
 اوزرە و دین قلعه سی مقابله سندہ نهر طونه اوزرینه انشا ایده جکلری کوپر و نک و پلنگه نک
 کراسته و مهمات لازمه سن با جمله براغوب و عجاله اردل طرفه شتاب ایله عنیمت ایلد و کده
 کرفتار او لان دیللر صحی اوزرە خبر ویردکارین تحریر و اعلام ایلد و کندن ماعدا تعقیباً

در دولتمدارمه کلان باشقاه قائمه سنه دخی مقدمه تحریر واعلام اولدوغی وجه او زره نیچه
کفره سنه بقیه قلان طابور مقهوری طونه او زرینه قوردوغی گپرونک برو ما شده مکث
و پی در پی اخذ اولنان دیلار دشمن دینک پریشانلئی و قرباً یوقارو طوغر و کیده جکلرین خبر
ویرمیله و دینه موجود بولنان سکز قطعه طونه شایقه لری و چته قایقلریله بیاده عسکر
نهرآ فیلور دین پلنجه سنه اوستنی یاندہ طابوره قریب اطهیه ارسال و ملاعین خاسرینک
حرکت و کوپرسن بوزمغه مباشرت ایلدوکن مشاهده و وزیر مشارالیه طرفه اخبار
ایتملریله در عقب قلعه ده موجود اولان کرک قپوسی خلقی و سائر سواری ایله کتخداسی
حسین زید مجده یه برآ ارسال و محل مزبوره وارنجیه دکین طابور مقهورندن حرکت و نهر
تیوقی مرور وایکی قطعه قالیونلرین و کوپرو طوبازلرین و سائره سن نهر طونه ایله یوقارو
طوغر و تسییر او زره اولدقلرین غزات مسلمین معاینه ایلدکلرنده درونلرندن اولان غیرت
اسلامیه لری مقتصاصنجه شابقه و چته قایقلری نهرآ و سواری عسکری رآ بی محابا هجوم
و کفار خاکسارک قالیونلرندن و قره دن ایلان طوب و تقشکارینه با قلمیوب دلیرانه و غیورانه
اظهار حیث ایتملریله عون و عنایت باری ایله کوپرسن تمام و مهماتیله ضبط وبعض
سفینه لرین دخی درونلرندن اولان کراسته والات ایله اخذ و دینه ایصال و غزات موحدین
وافراساری و اموال غنایم ایله عودت و طابور کفار مخدولاً و مقهور آ نهر تیوقی قارشو
طرفه عبور و بر ساعت مقداری یوقارو ده واقع راومیچه نام مخلده انشا ایلدکلری لوندات
اولرینک اطرافه مقدمه خندق و شرایپولریله استحکام ویرمیله درونه تحصن و بچ طرفندن
کندولره خبر کلنجه محل مزبورده اقامت وایکی قطعه قالیونلری دخی اول مخلده اقامت
ایده جکلرین اخذ اولنان دیلار خبر ویرمیله انسالله تعالی کله حک امداد عسکری وصول
بولدقده عنایت باری ایله او زرلرینه هجوم و جمعیتلرین پریشان و قالیونلرین ضبط ایلک الطاف
الهیه دن مامول اولندوغی و نیش قلعه سنه دخی درون و بیرونندن مقدم و مؤخر وضع
ایلدوکی مجموعی الی بیک کفره خفره اول ملغه قلعه مزبوره نک ید منحوسه لرندن تزع
واستخلاصی عنایت پروردکار ایله جنود نصر تو عودمک یک حمله دلیرانه سنه موقف و مرهون
اولدوغی بدیدار اولوب فتح و تسخیری اول بهاره تعليق اولنیق مناسب حال اول مامغله مامور
اولان عسکرک برکون اول واروب فتح و تسخیرینه سهی و اهتمام اولنیسی تحریر واعلام
ایlesh فللہ الحمد والمنة کفار خاکسارک طرف عساکر منحوسه لری مقهور و منهزم
و مملکتکلرندن احتلال کونا کون ظهوریله حداً ثم حداً ایلدکلری نقض عهدک مقدمه مکافاتی

بدیدار اولوب والحالة هذه عون وعنایت بازی ابله ملاعین مسفورینک دست ضلالت
 پیوستلرینه کرتار اولان نیش قلعه سنک ایدی^۱ اعدادن نزع و تخلیصی اعظم اشغال دن
 و دولت علمه مدن اولوب وبمشیة الله تعالى بواثناده قلعه منجوره نک محاصره سنه و عون حق
 ابله دست دشمندن استنزاع واستخلاصی اسهل و انسب واوفق اولوب وسن وزرای
 عظامک یرار و نامداری ووکلای فیخامک مدبر و کارکذاری اولوب سندن هروجهله دین
 و دولته لایق و عرض و ناموس سلطنتمه موافق خدمات پسندیده ملحوظ هایونم اولملغله
 بوخصوص ایچون سن مأمور واولدن معیتكه تعین اولنا عساکر منصوره دن ماعدا
 بودفعه دخی دستور مکرم مشیر مفخم نظام العالم سابقاً اگریبوز محافظی اولوب بودن
 اقدم قوشه و حوالیسنہ مأمور طوایف عسکره باش بونغ اولان وزیر مغازی احمد پاشانک
 قپوی خلقی و امیر الامرای الكرام روم ایلی بکار بکیلیکی بایه سیله بروجه آرپه لق اوخری
 و پرزرین سجاقلرینه متصرف اولان محمود پاشا دامت معالیه و مستوفی ادمیری و معیتلر نده
 اولان عساکر منصوره ایله معیتكه مأمور و هر رینه رأی صوابیدک ایله حرکت ایلک اوزره
 باشقه باشقه اصر شریفمه تنبیه هایونم اولملغله ایدی اشبو امر شریف واجب الامتنام و صولنده
 بوقت تمام غیرت و حیث زیاده فرصت وقت اولملغله کورهیم سنی دامن غیرتی در میان ایدوب
 و وجه مشروح اوزره معیتكه مأمور اولان وزیر مشارالیه و میر میران موئی الهمایه و سائر
 یانکه تعین اولنان طوایف عسکریدن هنوز کلام مشلر وار ایسه اندری دخی عجالة^۲ یانکه
 کتور دوب درمک و جمعیت و بفضله تعالی هروجهله دشمن دیندن اخذ انتقام و اجرای سنت
 سنیه سید الانام و شفارسان صدور خواص و عوام اوله حق وقتل اولملغله وقت فرصت
 فوت اولمدين عون و عنایت بی غایه صمدانیه یه توکل و معجزات کثیرة البرکات محمدیه یه توسل
 و حسن توجه و دعای خیر ملوکانم ایله تفال ایدوب نیت خالصه و عزیمت صادقه ایله همان
 شهدیدن مکمل و مرتب قپوک خلقی ویرار و کارکذار مستوفی ادمیرک و سائر معیتكه مأمور
 اولان وزیر مشارالیه و میر میران موئی الیه و سائر عساکر منصوره و مهمات و طوپخانه وجبه خانه
 ایله قالقوب اطراف و اکنافه اظهار جلادت ایدرک برکون اول واروب نیش قلعه سنی کرکی کی
 هر طرف دن محافظه و کیجه کوندز دیمیوب حضور و راحتی کندوکه حرام ایدوب دشمن دینه
 کوز اجدرمیوب هرنه طریقه اولور ایسه توفیق باری ایله بای حال قلعه مرقومه یی ایدی^۳
 اعدادن نزع و تخلیص و ظلام کفر و نحو ستریله او لحو الیلدن رفع و ازاله و انشا الله تعالی
 قلعه منجوره قبضه تصرفه الندقدن صکر^۴ تقویت و نظام امورینه اهتمام و دقت و اطراف نده

اولان اعدای دینه دخی ممکن اولدجه ایصال مضرت ایتمکه بذل اقتدار و صرف سعی
بیشمار ایلیه سن بعنایة الله تعالی بو مهم خطیر ک قرین حسن ختم اولمسی واولظرفت کافه
اموری مستقلاً سنت رأی رزین و فکر اصابت قرینکه احاله اولنفعین کرک سئی و کرک
معیتکده اولان عسا کر موحدی حق تعالی نک حفظ و امانه و دیعه ایلدم کورهیم سئی
بو خصوصه عاقلانه و مدرانه و مردانه و دلیرانه حرکت وزنها رصاقنوب بعض عذر و تحاشی
ایرادیله تاخیر مصلحه وقت فرصتک تفویته و خصوصک وقت آخره تعلیقنه بر درلو
جواز کوسترمیوب حاصل کلام قلعه منبوره نک ایدی اعدادن نزع و تخلیص اقصای مراد
شریفم و سندن مطلوب و مامول هایونم اولوب و سنت رشد و سداد که هر وجهه اعتماد
ملوکانه اولمغله سمندر امید اولندیغی او زره موافق توفیق هادی و مقارنت عون باری ایله
بو بابده اعمال همت و بفضلله تعالی برکون اول قلعه منبوره نک ایدی اعدادن استزانغ
واستخلاصنه اهمام و دقت و دنیا و آخرته اذکار جمیله و مثوابات جزیله سزاوار و مظہر
اویله واستحصال رضای هایونه بذل وسع وقدرت وزیاده سیله صرف مکنن ایلک بازنده
فرمان عالیشانم صادر اولمشدر بیور دومکه فی اوآخر حا ۱۱۵۰

— ۱۵۴ —

روم ایلی والیسی اولوب حال نیش جانبدنده ولان وزیر احمد پاشایه حکم که
سنکه وزیر مشار الیه سن بوندن اقدم عوز عنایت باری ایله فتح و تسخیرینه نامزد
قلندیگلک نیش قلعه سی ایچون معیتکده اولان عسا کر نصرت انجامدن اون بر اون ایکی
بیک قدر عسکر افزای و قلعه منبوره یه ارسال و محاصره و تضییق و جنک و پیکاردن صکره
آخرالامر قلعه منبوره نک دروننده اولان جنرال بدفعال استیار و شتاب امان ایله قلعه
ویره عقدی ایچون قوی رهن ویردیکی و فدوة الاماجد والاعیان کتخدال الحاج ابراهیم زید
مجده و سائر طوائف عسکر جلادت کستر ایله صوفیه دن حرکت و اظهار حladت و شوکت
اسلامی ارائت ایدرک نیش قلعه سنه وصولکده بفضل الله الملاک القدر قلعه منبوره طوعاً
ضبط و تسخیر و طوپلرک آغاز لری کیرویه چوریلوب وجبه خانه سی دخی ضبط اولندوغن
بودجه در دولتمدارمه کلان مکتبکده تسخیر اتمش سن الحمد لله على عنہ الاسلام و اهلہ
هذا من فضل ربی وابی ذوالفضل العظیم بونصرت عظیمة ربانیه ولعمت جسمیمه صمدانیه
فتوات جلیله اولمغله عامه قلوب مسلمینه افاضه انواع مسرت و خاصة درون حیت مقرون
جناب خلاقتما به نشاط و انساط کونا کون باعث وبادی اولمشدر جلوه نمای مرأت سنوح

و ظهور اولان مساعی جزیله ک مقبول و مبرور و سنگله بو خدمات جلیله ده معیننده رأی زرینکه موافقت و اتفاق و اتحاد جدید جهوده تشمیر ساق و فاق ایدن عسا کر نصرت ماژرك دخی سعی جمیل مری مرضی و مشکور اولوب دعای خیر اجابت اثر ملوکانه مه مظهر او لمش سز در برخوردار اوله سز نان و نمک پادشاهانه جمله کنیه حلال و خوشکوار و ایکی جهانده یوز یکز آق و همچوار کفره مشرکین اوزرلینه سلاحدکر کسکین و براق اولسون سنک وزیر مشار الیسن ذاتاً واروماً واکتساباً وجرثومه عقل و کیاست و حسن تدبیر و رشد شجاعت جهتمندن وزرای عظامک اکبری واتم وامجدی و خاندان سلطنتیک غرس یعنی وزمان خلافتمک چراغ افروخته سی اولنکله اغور دین دولت علیه مده بذل تاب و توان ایله ایلرو واجداد کدن ظهوره کلان خدمات علیه سندن دخی ظهوره کلی ملحوظ و مأمول ضمیر صفا مصیر پادشاهانه ایدی بحمد الله الواهب التوفيق موفق اولوب حق کده اولان حسن ظن پادشاهانه می تصدیق ایمکله فيما بعد دخی کرک قلعه منبوره نک محافظه و تمییتنده کافه نظام امورنده و کرک سائر اقتضا ایدن خدمات های و مک ائم و اکمال مأمول طبع هایون صفا مقرون پادشاهانه اولمغله حالا قصائص افتتاب عالمتاب عو اطف خیریه پادشاهانه پر و انداز ظهور و قلزم بی کران عوارف جلیله ملوکانه تموج پرداز سنوح و سدور اولوب خاصة خلم فاخره ملوکانه مدن سمور فایضی السروزه قاپلو بربوب خلعت مسرورة الیه بجهت سلطانی واسیاق فاتحه الا کناف خدیوانه مدن بر قبضه شمشیر عدوی تدمیر خاقانی و بش یک آلتون و رأی صوابیدکه موافقت و امریکه متابعت ایله قلعه منبوره نک فتح و تسیخیرنده مساعی جمیله سی وجوده کلان رؤسای عسکر و ضابطان لشکر ظفر مأثر ایچون دخی اون آلتی خلعت و در تیوز سیم چلنک عنایت و احسان اولنوب تبلیغی خدمتیله ... ارسال او لنشدر لدی الوصول مراسم تعظیم و اجلال ایله استقبال و سکا عنایت و احسان اولان خلعت فاخره و کسوه زاهره تلشیم واکتسا و صمصم ظفر ارتسامی میان حیت پروریکه زیور و ذکر اولنان رؤسا و ضابطان ظفر پیکرم ایچون ارسال اولنان خلم فاخره می دخی هر برینه سرالرینه کوره علی صراتهم الباس و چلنکلار ایله دخی غزات موحدینک سرلرین تزین و اظهار مبارکات او فی واکتساب مفاحرت کستر دوام عمر و دولت ابد پیوند و قوام سلطنت عالم پـ ندمه ک دعای واجب الاداسی ایفاسندن صکره کرک قلعه منبوره نک ترتیب اسـباب ضبط و ربط و حراسته واستقرار واستحکامی و کرک سائر اقتضا ایدن خدمات علیه مک تمشیت و نظامنده جد تام و بذل نقدینه اهتمام ایلک بابنده فرمان حالیشانم صادر او لمش در بیور دومکه

- ۱۵۵ -

بروجه مالکاوه ملاطیه متصرفی رشوان زاده محمد پاشایه حکم که
 مسقو کفره‌سی و نمیجه ملاعینی بر برلریله اتفاق وبلغته نقض عهد و میثاق ایدوب بلاد
 اسلامیه به طرف طرف هجوم واستیلا اتیریله بخلالده غز او جهاد عامه مؤمنینک اوزرلرینه
 فرض و واجب اولوب لکن ملاعین مسفورینک ایصال کید و کزندلرندن ناشی بوقیش
 سرحدات اسلامیه نک توفیر و تکشیر عسکر ایله محافظه‌لری مهم و مقتضی اولمغله اوغلک
 کلیس واعز از متصرفی سلیمان پاشایه بشیوز نفر کزیده و پاک سواری ایله بوسنه مبارکه
 روز قاسم‌نده بابا طاغنده بولنیق اوزره مرعش ایالتی توجیه و وقت مرقومه‌ده کلوب
 ایرشمی فرمانم اولوب و سفیکه میرمیران موئی‌الیه‌سن سنک دخی بوسفرهایونه کلک لازم
 کلشیکن پیرو علیل اولمکدن ناشی سفردن عفوک ایچون ابطال‌رجال کیرداردن اولمک اوزره
 پاک و مسلح الی نفر واوزرکده اولان ملاطیه سنجاغی ایچون دخی کذالک مسلح و مرتب
 اوچیوز نفر مجموعی اوچیوز الی نفر کزیده و پاک سواری عسکریله بران اول تجهیز و ترتیب
 واوغلک میرمیران موئی‌الیه معیتی ایله ان شا الله تعالی روز قاسم‌ده باباطاغنده بولنیق اوزره
 ارسال و تسییر ایلک شرطیله کنندک سفردن عفو اولنیش‌سندر ایمدی اشبوا مرشیریم ...
 ایله وصولنده بروجه محرر سنک سفردن عفوک ایچون الی و ملاطیه سنجاغی ایچون
 اوچیوز مجموعی اوچیوز الی نفر کزیده و پاک مسلح و مرتب سواری عسکری . ان اقدم
 تجهیز و ترتیب واوغلک میرمیران موئی‌الیه کنندک سفردن عفو اولنیش‌سندر ایمدی اشبوا مرشیریم
 ایله تمام دین میین و دولت ابد قرینه خدمت ایده‌جک اوقاندن اولمغله کوره‌یم سفی غیرت
 و حمیت ایدوب ذکر اولنان اوچیوز الی نفر سواری عسکری بر آن و بر ساعت اول
 ترتیب و تجهیز واوغلک میرمیران موئی‌الیه کنندک سفردن عفو اولنیش‌سندر ایمدی اشبوا
 طاغنده موجود بولنیق اوزره سوق و تسییر ایلیوب بطائت ورخاوتندن غایه‌الغايه حذر
 و مجانبنت ایلک بابنده فرمان عالیشانم صادر اولمشدر فی اواسط حا ۱۱۵۰

- ۱۵۶ -

دریا قپودانی وزیر سلیمان پاشایه حکم که
 بعونه سبحانه و تعالی قریم طرفنک محافظه و محارسه‌سی اهم مهام دین و دولت علیه

وأقدم لوازم سلطنت سنية مدن أولمغله حالاً معينة كده أولان دونمای هابون سفاینندن بر قطعه
 قاليون و طوبنياز قاليوني ايله قوغوش طوبلي باليمز أولمغله اوزره بش قطعه جكدرى وقدوة
 الاماجد والاعيان فرقته لر اوزرينه باش بوج أولان قزل حصارلى مصطفى قپودان زيد مجده نك
 اق دكزده انشا ايتدروكى اون قطعه فرقته لر ايله ترسانه عاصمه مده انشا أولنان فرقته لر دن
 يكرمى قطعه فرقته لر و بوندن اقدم استانه سعادتمدارمه كاوب و حالاً وجه مشروح اوزره
 محافظه مرقومه ايچون تعين أولنه جق سالف الذكر قاليون و جكدريلر و فرقته لر اقتضا ايدن
 مهمات لازمه لرينى دونمای هايونه نقلنه تعين أوليان سالف الذكر طوبنياز قاليون نك محافظه
 مرقومه تعين أولنسى واليكونيه جق قاليون قپودانلر دن كليبولي حسن قپودان و برى دخى
 حسن قپودان مثللو أولمغله مومى اليه قزل حصارلى مصطفى قپودان زيد مجده نك انتخاب
 واختيار ايلادوکى رؤسا و نفرات اليكونيه فرمانم أولمغله ايهدى سنكه وزير مشار اليه سن
 ذكرى مرور ايدن بر قطعه قاليون ايله طوبنياز قاليوني و قوغوشلى باليمز أولمغله اوزره
 بش قطعه جكدرى و اوتوز قطعه فرقته بي دونمای هايون دن افراز سالف الذكر فرقته لر
 مومى اليه قزل حصارلى مصطفى قپودان زيد مجده دى باش بوج نصب و رؤسا و نفرات دن مومى
 اليه انتخاب واختيار ايلادوکى معينة تعين و قاليون نرە دخى مومى اليه حسن قپودان ايله
 اكمايل بر قپودان مأموراً قريم محافظه سيقچون اليقيوب دستور مكرم ... قريم جانبي
 سر عسکري وزير محمد پاشا ادام الله تعالى اجلاله نك رأى صواب ديدى اوزره بعونه تعالى اعداي
 دين ميديندن قريم طرفليينك حفظ و حراسته و سائر فرمانم أولان خدمات دين و دولت
 عليه مده بذل اقتدار و سعي ييشمار ايملريچون هر برلينه كركى كى تنبئه و تأكيد ايلادوكندن
 سن سائر دونمای هايونم سفایننى معينه كه الوب معتاد اوزره لوازم مهماتى كورماتك ايچون
 امر شريف واجب الامتثالم ايله مباشر تعين أولنان ... معرفتيله استانه سعادتم طرفه
 عنزيمت و كلوب ترسانه عاصمه مبادرت ايلاك باينده فرمان طاليشانم صادر اولمشدر

في اواسط ح ١١٥٠

- ١٥٧ -

كوريجه وايپك وياقوه مع التون ايلى و پرزرین و پرمدى قاضيلغنه
 بوندن اقدم بعنة نقض عهد ايله نيش و اطرافه استيلا ايدن نمچه ملاعىنى قوصوه
 طرفه كلد كلرندن قدوة الامراء الكرام حالاً رتبه ميرلو الق عنان و احسانم أولان محمود پاشا
 زاده حسن دام عنزه ذاتنه أولان غيرت دينيه و حيت اسلاميه مقتضاسنجه يانشه أولان اتبع عليه

بعونه تعالی ملاعین مسفوره نک او زرلرینه هجوم وا کثیرن طعمه شیر شمشیر و قهر و تدمیر
و دفع شر و مضر قلرینه بذل و سعی وقدرت و اظهار غیرت و حیثت ایلدوکی اول طرفه دن
ورود ایدن کاغدر و ساڑ عرضه و محضر لر ایله اعلام او لنو ب و فهابعد ذکر اولنان قوصه
واطراف و حوالیارینک حفظ و حراسته دشمن دینک قهر و تدمیر لری و دفع شر و مضر تلرینه
اهتمام تام ایلک او زره میر موی ایله یانه بر مقدار عسکر ک تعین او لنسی ایچون استمداد ایمکله
بعونه تعالی بوندن صکره دخی او لحوالیارده ظهور ایدن اعدای بد آیینک و عصیان ایدن
رها کفره سنک قهر و تدمیر لری و شر و مضر تلرینه اندفاعی ایله سکان ولایته ایه سبیلک
حفظ و حراسی و تأمین و تطمیی اعظم امور دین و اقدم مهام دولت علیه مدن او لمغله
خصوص من بور ایچون میر موی ایله امر شریفمه مأمور اولوب و تحت قضالریکزده واقع
او جاق زاده وبکزاده لر و اتباع و اشباع صاحبی اولان اعیان ولایت و سایر ضرب و حر به
 قادر ایش ارلری و پرمدی قضائیه سا کن تیمور بلوکباشی یانده موجود اولان عسکریله
میر موی ایلک یانه تعین و میر موی ایله جمله سنک او زرلرینه باش بوج نصب او لنو ب
و ... مباشر تعین او لمشدیر بو خصوصی تقویت دین میان و امداد و اعانت ذمراه مسلمین
ایچون واجب الدوا ولازم الاستعجال او لان امور دینیه دن او لوب امور ساڑه قیاس او لحامنه
سز که قاضیلر سز اشبو امر شریف واجب الامتثال وارد و غی کی تأخیر او لنبیوب بر کون
اول و بر ساعت مقدم مباشر مرقوم معرفتیله ذکر اولنان قضاء لرده سا کن او جاق زاده
وبکزاده لر و اتباع و اشباع صاحبی اولان اعیان ولایت و ساڑ حرب و ضربه قادر ایش
ارلرینی و مرقوم تیمور بلوکباشی نی یانده موجود او لان عسکریله تعجیل علی التعجیل او لرندن
ویرلنندن اخراج و بروجہ مسارت میر موی ایلک یانه ارسال و رأی صوابیدی او زره
حرکت ایله کرک قوصه و کرک او لحوالیارک مکاید اعدادن حفظ و حراسته و اهالیسنک
و ابناء سبیلک تأمین و تطمیف نده بذل و سعی وقدرت ایلیه سز و سنه که مباشر موی
تنییه و تأکید ایله بران اقدم از سالرینه اهتمام و دقت ایلیه سز و سنه که مباشر موی
الیه سن مأمور اولدیگن او زره ذکر اولنان قضاء لرده او جاق زاده وبکزاده لرین و اتباع
واشباع صاحبی اولان اعیان و ساڑ ضرب و حر به قادر ایش ارلرین و عسکریله بلوکباشی
مرقومی او لرندن ویرلنندن اخراج و بر فردی صیانت ایتمیوب و ایچلرندن بر فردک محل
مأموره کتمیوب بر تقریله ولایتلرندن قلمقدن بغایت توقی ایلیوب بر کون اول قلدروب
کوتورو ب مأمور اولدفلری او زره میر موی ایلک یانده موجود ایتدرمکده زیاده سیله سعی

ودقت ایلیوب خلافندن بغايت احتراز و احتساب ایلک باينده فرمان عاليشـانم صادر اوبلشدـر . في اوائل حـا ۱۱۵۰

— ۱۵۸ —

سابقاً وزير اعظم اولوب حالاً بوسنه واليسي اولان على پاشايه حـكمـه [۱] سـنكـه وزير مشـار اليـسنـ حالـ رـكـاـ هـاـيـونـهـ مـكـتـوبـ كـونـدرـديـكـ قـايـكـدهـ بـوـسـنـهـ حدـودـيـنهـ كـلاـنـ نـمـيـچـهـ مـلاـعـيـدـنـكـ بـعـونـهـ تـعـالـيـ قـهـرـ وـتـدـمـيرـلـرـيـ دـفعـ شـرـ وـمـضـرـ تـلـنـدـهـ اـهـتـامـ وـعـسـاـ كـرـ اـسـلامـ اـيـلـهـ عـيـالـتـ (ـاـيـالـتـ)ـ بـوـسـنـهـ دـنـ اـخـرـاجـ وـحـدـودـلـرـيـنهـ دـكـينـ سـكـنـزـ سـاعـتـ تعـقـيـبـ اـيـدـوبـ اـنـجـقـ بلاـ فـرـمـانـ حـدـودـلـرـيـنهـ تـجـاـوزـ اـولـيـوبـ وـاـولـ مـحـلـدـنـ عـسـكـرـ اـسـلامـ مـنـصـورـاـ وـمـظـفـرـآـ عـودـتـ اـيـلـدـكـلـرـيـ تـحرـيرـ اـولـيـشـ چـونـكـهـ نـمـيـچـهـ كـفـرـهـ سـنـكـهـ نـقـضـ عـهـدـ وـحدـودـ اـسـلامـيـهـ يـهـ تـجـاـوزـ اـيـلـدـكـلـرـيـ ظـاهـرـ اـولـوبـ بـوـنـدـنـ صـكـرـهـ مـسـفـورـلـرـكـ مـلـكـتـلـرـيـنهـ چـتـهـ طـرـيقـهـ وـافـرـ وـجـهـلـهـ اـيـصالـ خـسـارتـ لـابـدـ اوـلـمـغـلـهـ اـمـرـشـرـيفـمـ وـصـوـلـنـدـهـ نـوـجـهـلـهـ مـمـكـنـ اـيـسـهـ عـاقـلـانـهـ وـمـدـرـانـهـ حـرـكـتـ وـبـعـونـهـ تـعـالـيـ مـقـتـضـاـيـ وقتـ وـحـالـهـ كـورـهـ كـفـرـهـ مـسـفـورـهـ نـكـ خـانـماـنـلـرـيـنـ سـوـزانـ وـقـتـ وـسـيـ وـاسـتـرـقـاقـ اـيـلـهـ مـلـكـتـلـرـيـنـ دـنـيـ الـانـ وـتـالـانـ مـثـلـلـوـ حـرـكـتـ اـيـتـدرـمـكـهـ وـخـانـهـلـرـيـنهـ القـاـيـ حـيـرـتـ وـدـهـشـتـ اـيـتـدرـمـكـهـ اـهـتـامـ وـدـقـتـ اـيـلـيـهـسـنـ حـالـ اـقـتـضاـيـ اـيـدـنـ مـصـارـفـ مـهـمـهـ سـفـرـيـهـ وـخـرـجـ وـمـصـارـفـ اـيـچـونـ خـزـيـنـهـ هـاـيـونـدـنـ سـكـاـ اـيـكـيـوـزـ اللـيـ كـيـسـهـ اـيـچـهـ اـرـسـالـ اوـلـمـغـلـهـ انـشـاـللـهـ تـعـالـيـ وـصـوـلـنـدـهـ مـبـلـغـ مـرـقـومـهـ هـرـنـهـ وـجـهـلـهـ اـقـتـضاـيـ اـيـدـرـاـيـسـهـ رـايـ وـمـعـرـفـتـكـلهـ لـزـومـيـ اوـلـانـ مـحـلـلـرـهـ خـرـجـ وـصـرـفـ اـيـلـهـ اـيـرادـ مـزـبـورـهـ نـكـ مـحـافـظـهـ وـ مـحـارـسـهـ سـنـدـهـ بـذـلـ سـعـيـ قـدـرـتـ وـصـرـفـ نـقـيـدـنـهـ بـابـ غـيـرـتـ اـيـلـكـ باـيـنـدـهـ فـرـمـانـ عـالـيـشـانـمـ صـادـرـ اوـلـشـدـرـ بـيـورـدـوـمـكـهـ

في اواسط مـ ۱۱۵۰

— ۱۵۹ —

ارـكـلـيـ وـشـيلـهـ وـاقـاوـهـ وـكـوكـسـنـ وـاـيـچـهـشـارـ وـسـائـرـ اوـلـحـوـالـيـلـرـدـهـ وـاقـعـ اـسـكـلـهـلـرـكـقـاضـيـلـرـيـنهـ مـقـدـماـ مـبـاـشـرـ تـعـيـيـنـ اوـلـنـانـ درـكـاهـ مـعـلامـ مـتـفـرـقـهـلـرـنـدـنـ الحاجـ مـصـطـفـيـ وـيـكـيـچـرـيـ اوـجـاغـيـ طـرـفـنـدـنـ تـعـيـيـنـ اوـلـنـانـ طـورـنـاجـيـ باـشـيـ يـوسـفـ زـيدـ مـجـدـ هـاـيـهـ وـكـتـيـخـداـيـرـلـرـيـ وـيـكـيـچـرـيـ سـرـدارـلـرـيـ وـاسـكـلـهـ اـمـيـنـلـرـيـنهـ وـسـائـرـ ضـابـطـاـنـ وـاعـيـانـهـ حـكـمـكـهـ

قرـيمـ وـاقـكـرـمـانـ جـانـبـلـرـيـنهـ مـأـمـورـ عـسـاـكـرـ اـسـلامـكـ تحـمـيلـيـ وـصـوبـ مـأـمـورـهـ نـقلـ وـتـسـيـرـلـرـيـ اـيـچـونـ سـنـكـ مـبـاـشـرـمـوـمـيـالـيـهـسـنـ مـأـمـورـ اوـلـدـوـغـلـكـ وـجـهـلـهـشـيلـهـ وـاقـاوـهـ وـكـوكـسـنـ

[۱] حـكـيمـ اوـغـلـيـ عـلـيـ پـاشـا

واچه شار وسائِر سفاین قشامه‌سی ممکن اولان اسکله‌لردن عسکر تحمیل و نقلنه صالح بولدوغك قایق وسفاینک دومنلرین الوب اركلی اسکله‌سننه جمع ایلک مراد ایلدیککده قاضیلری سفاین رؤسائسه صاحب چیقوب بونلر کراسته نقلنه مخصوص‌صدر دیو جواب ایله امور مهمه‌نک تعطیلنه باعث حرکته حسارت ایلدکاری اعلام اولنوب بوکونه دولت علیه‌مک جلائل امورندن اولان عسکر نقلی کبی خطیر عظیمک تعطیل و تأخیرینه باعث اولنلرک حقلرندن کنمک لازم کلشکن فیما بعد بصیرت اوزره حرکت و امور مهمه‌نک تأخیرینه باعث حرکت‌دن بغايت مجانبت ایتلری شرطیله بودفعه يالکز تهدیدايله اكتفا اولنوب اشبو امر شریفم اصدار . . . ایله ارسال اولمشدر ایدری وصولنده سرکه موئی‌الیهم سر اسکله‌لریکزده موجود بولنان قایق وسفایندن عسکر تحمیلنه صلاحیتی اولنلری معرفت شرع و مقدماً مباشر تعیین اولنان موئی‌الیه الحاج مصطفی فید مجده معرفتی و جمله اعیان ولایت و ضابطان معرفت‌لریله بالاتفاق افزای و انتخاب و عسکر تحمیلی ایچون سریعاً وحالاً ارکلی اسکله‌سننه ایصال ایدوب اعذار واهیه ایرادیله علت و مخالفت ایدنلرینی بلا تردد اخذ و قلعه‌بند و سرکه ارکلی قاضیسی و مباشر وسائِر موئی‌الیهم سر ذکر اولنان سفینه‌لر ارکلی اسکله‌سننه و اصل اولدقترنده دومنلرین بعد الا خراج سفینه‌لرک مقدارلرینی ورئیسلرینک اسکله‌سننه و شهر تلرینی تحریر و دفترینی عجلةً استانه سعادتمه ارسال وسفاین مرقومه اولبهاره‌دک وصوب مأمورلرینه ایصال ایلیه سر . شویلکه بومهم جلیلده بوندن صکره دخی ایچلریکزدن برقیکزک مقدار ذره قصور و تکاسی ویا خود تعطیل مصلحته بادی ادنی حرکتی ظهور ایتمک لازم کلور ایسه بلا امان جزاً ترتیب اولنه جفن مقرر بیلوب اکا کوره جمله کن ز مزید تیقظ و انتباه اوزره حرکت و سرموم خلاف‌فدن غایه‌الغایه انقا و مجانبت اولنق بابنده فرمان عالیشان صادر اولمشدر فی اوائل ذا ۱۱۵۰

— ۱۶۰ —

حالاً اناطولی صاغ قولی سوری‌جیلری طور ناجی باشی علی و سایمان زید مجدهایه حکم که ایدین سنجه‌جاغنده واقع قضالردن برغمه وایلیجه و نواحیسی وصومه وایازمند و منمن و کوزل‌حصاری و ایورندی و قوزاق فضالرینک یکی‌چری سردارلری و با فرمان عالی بیراقلری کشاده اولنان سردنه‌کچدی اغالرندن بویدن چقن عرب اوغلی اسماعیل ایله

ایار منددن ملا خلیل و بیراق کله جک عتیق اغالدن واپیچه‌ده قوجه بیراقدار و صومه‌ملی اسماعیل و صومه ن حاجی کریم اوغلی اسماعیل بونلر بو سنه مبارکده رافع سفر هایون نصر تقریون ایچون صاغ قولک ساڑ قضالری سردارلری ایله بیراقداری کشاده اولنان سردسکچدی آغالری و بلا بیراق عتیق اغا و علمدارلر ایله معاً اول بهار حجسته آثار نوروز فیروزندہ ادرنه صحر اسنده اردوی هایونمذده موحد بولونق اوزره مأمورلر اولمغله بودفعه میرالامراءالکرام حالا صرعش بکلر بکیسی اولوب بکرش محافظه‌سنده اولان الحاج ولی دام اقباله معینته واروب اقتضا ایدن خدمات لازمه‌لرده میرمیران موئی‌الیهک رأی و امری اوزره عمل و حرکت برله استخدام اولنلری فرمان اولنغین ... ایله ارسال اولنشندر ان شاء الله تعالى وصولنده ستر که صاغ قول سوریچیلری موئی‌الیه‌ماستر بالاده تحریر اولنان سکن عدد قضالرک سردارلری عموماً قضالری یکیچریلری و قول اوغللری نفراتلریله ایکی عدد مسطور الاسم سردسکچدی اغالرین دخی بیراقلری التنه تحریر ایلدکلری نفراتلریله و بلا بیراق اولنق اوزره ایکی عدد عتیق اغا ایله قوجه بیراقداری کندو ادمیریله اخراج و چاردق نام محلدن کلیبیولی طرفنه مرور ایله برکون اول واروب مأمور اولندقلری بکرش محافظه‌سنده میرمیران موئی‌الیهک معینه‌نده موجود اولنلریچون ارسال و هر برلری دخی قضالرندن چیقوب محل مأمورلرینه وارنجه نفراتلرینک ضبط و رباطلریله مقيداً و هرق ر فردی خلاف شرع شریف رنجیده ورمیده ایدلیوب وقضات و فراده مکث و آرام ایتمیوب ویوللره ایق سوریمیوب ورعايا فقراسنه وابناء سبیله وبرفرده ته‌ری اولنامق وجهمه تکمیل نفراتلریله ایریشوب خدمات لازمه‌لرندن قیام ایلدکلریچون مؤکد تنبیه ایدوب خلافندن بغايت احتراز ومحابیت ایلیه‌سز دیو وزارت ایله درکاه معلم یکیچریلری اغا‌ی اولان دستور مکرم مشیر مفخم نظام العالم وزیرم عبدالله پاشا ادام الله تعالى اجلاله طرفندن مهرلو مکتوب ویرملکله وجه مشروح اوزره عمل اولنق بابن‌ده فرمان عالیشانم صادر اولمشدر بیورد دومکه

فی اواسط را ۱۱۵۰

— ۱۶۱ —

ایلیصان سنچاغی متصرفی اولوب لواه منبوردن بیک نفر میری پیاده لوئنرات تحریرینه مأمور قپلان بک زاده مصطفی دام اقباله و مباشری خاصه سلحشورلردن محمد زید مجده‌یه ولوئنرات مرصووه یوزیاشیلرینه حکم که اشبو سنه مبارکده نیشه وقوصویه مأمور میری لویداتک و ساڑ طوالف عسکریه‌نک

بر آن اول محل مأمورده موجود و لنگری لابد و بومرامک سریعاً حصولی ایچون متعینان
 رجال دولت علیه مدن مقدم و سریع بر کسننه نک سوریجی نصب و تعین قلمنسی واجب و متهم
 اولمقدن ناشی روم ایلینک اورته وصول قوللرندن نیش و قوصوه ایچون ترتیب اولنان میری
 لونداتک وایالت روم ایلی زعماً وارباب تیماری اول امرده محللرینه ایصال دن صکره صول
 قولده اولان پیاده او جاقلری عسکرینک دخی اردین الوب سوروب نیشه ایریشدیرمک
 معتبران رجال سلطنت سنه مدن رکاب کامیابده میراخور ثانی اولان محمود دام مجده خط
 هایون شو کتمقر و نمله منون شرفیافتہ صدور اولان امر عالیشانم موجبنجه بودفعه مخصوصاً
 سوریجی نصب و تعین وصوب مأموره بعث و تسمیر اولنگله سنکه میر بیران مویی اليه سن
 سندخی طرفکه خبر واردوغی انده تحریرینه مأمور اولدوغلک لوندات ایله قالقوب ان شا الله
 تعالیٰ سوریجیءَ مویی اليه دن مقدم سریعاً و عاجلاً نیشه وصوله ابتدار ایلک فرمانم اولمغین
 اشبو امر شریفم اصدار ... ایله ارسال اولنشدر ایدی وصول بولدغی انده قطعاً توقف
 وارام ایتیوب تحریرینه مأمور اولدوغلک لوندات و قپوک خلقی ایله قالقوب سوریجیءَ مویی
 الیدن مقدم بهنه تعالیٰ بر قدم اقدم و بران مقدم تعجیل علی التعجیل نیشه وصوله مسارت
 ایلیه سن ایشه مباشرت اوله حق وقتک حلولی قریب اولدغی اجلدن عوق و تأخیر و جهله
 جائز اولمیوب سوریجیءَ مویی اليه حکمکزده ظهور ایدن شکر و شکایتی مهم و مؤثر
 اولنگله شویله که مقتضای مأموریتکه مغایر ادنی قصور و رخاوتك اعلام اولنق لازم کلور
 ایسه بلاشک مظهر غضب شاهانه اوله جذک مقرردر اکا کوره منید بصیرت او زره
 حرکت و سرکه سائر مویی اليهم سر با جمله نفراتکزی بیراقلریکز الله آلوب میرمیران مویی
 اليه معیتی ایله بر قدم اقدم صوب مأموره وصوله مبادرت ایدوب اکر سرک دخی تکاسل
 و تصویریکز خبر ویریلور ایسه بلاامان جزا کز ترتیب اولنور اکا کوره حرکت و اثنای
 راهده و قونوب کوچدیککزی یرلدە نفراتکزی بروخوشجه ضبط و ربط ایدوب بر فردک
 مجاناً نسنه سی المدن و خلاف شرع شریف کمنه یه جور و تعدی اولندن و میرمیران مویی
 اليه دن کیرویه قالمقدن و خلاف امر عالی وضع و حرکت دن غایة الغایه اتفا و مجانب اولنق
 بابنده فرمان عالیشانم صادر اولنشدر فی اواسط را ۱۱۵۰

— ۱۶۲ —

یکی ایلی قاضیسنه و یکی ایلی خاصی و یوده سی ... زید مجده یه و یکی ایلی میر عشیرتنه
 و سائر و قبائل کتخدالرینه حکم که
 سفرلر تھریجی ایله اناطولی طرفلری ولایدن خالی اولوب و موسم بهار حلول ایمک
 ادبیات — ۶

حسيمه اشقيا وحرامزاده لرك ظهوري احتمالدن بعيد او نامغله بو كونه ظهور ايدن اشقيا يه
قطعاً امان وزمان ويرليوب وبر ايكن ايكي او ملرينه قو نليوب ايما كانواخذو استيصالريله
تامين بلاد وترفيه عباد لازم ولا بد او ملقدن ناشي سنكه يكى ايل خاصي ويوده مومي
اليه سنه اول امرده مرور وعيور ايديكاك محلرده عشائر وقبائل خلقي كركى كبي ضبط
وربط ومنظمه شقاوت اولان كمسنه خبر ويرلدكده اخذ ودعوای حق وتعيين ماده ايدن
خصها سيله ترافع شرع وبر مقتضاي شرع مطهر احراق حق او لندقدن صكره حقنده شرعاً
اقتضا ايليان تأديبات اجرا اولنق فرمانم او لمغين اشبيو امر شريفم اصدار ... ايله ارسال
او لنشدر ايهدى وصولنده برمونال محرر ابتداي امرده مرور وعيور ايديكاك اماكن
ومواضعده عشائر وقبائل خلقي ضبط ورباطه دقت ومنظمه شقاوت او لانلر خبر ويرلدكده اخذ
ودعوای حق وتعيين ماده ايدن خصها ريله ترافع شرع ومقتضاي شرع قويم او زره احراق
حق ايلدكده صكره شرعاً لازم كلان تأديبلري اجرا وترتيب ايله شر ومضرت اشقيادن
ابناء سيلى وعباد الله تخلص وتأمينه سعى بليغ ايليه سنه وسز كعشيرت وسائر عشائر وقبائل
كتخدالري سز عشائر وقبائل ايچينده او ته دنبر و سز اك دولت عليه مه او لان صداقت واستقامه كز
مسلم اولوب اشقيا يه صاحب حكمه و ايچلري كيزده شقاوت به تعدى اي دنله ميدان ويرمك كي
ناصر ضي حرکت بو وقته دك سز دن صدور ايتميوب بوندن بويله دخى هر حالده ادبانه حرکت
واشقيا مقوله سنك اخذ واله كتور ملرينه ويوده كزه اعانت ملحوظ او نامغله كوره يم سزى
بو بابده ويوده مومي اليه امر ورأينه متابعت وعشائر وقبائل كز رجالي كركى كي ضبط
وربطه مبادرت وظهور ايدن اشقيانك ويوده مومي اليه معرفتيله اخذ واله كتور ملسنه سعى
ودقت ايليه سز لكن بو خصوص مجرد ابناء سيل وعباد بلادك دست تطاول اشقيادن
تامينلري ايچون اراده او لنش بر كيفيت اولوب بو بابده بر فرددن بر اچه المنسنه وشقاوتده
علاقه سى او ليانلري تفحص او لمحه قطعاً رضائي هايونم او نامغله شويله كه معاذ الله تعالى
فرمان هايونمه مغایر بو حاتى جلب ماله وسيله اتخاذ امكله خلاف شرع شريف بر
فرده جور و تعدى وشقاوتده علاقه سى او ليانلره تعرض او لنديني و كمسنه دن بر اچه الدينى
خبر النور ايسه جمله كزك بلا امان حقلري كيزدن كنه جكى محقق بيلوب اكا كوره حرکت
و خلافندن بغايت حذر و مجانبته او لنق باينده فرمان عاليشانم صادر او ماشدري بوردومك
في اواخر زا ٨١٥٠

ومیر میران کرامدن قوز محمد پاشا و مرتضی پاشا و سائر میران میران فیخام و سردنگچدی
اغاسی رکابدار سلیمان و یکیچری ضابطی ... زید مجدهایه وبشویان اغاسی و بوستانیان نفراتی
ضابطانی و ساز سردنگچدی افشاری و سواری و پیاده اصناف عسکریه و رؤسائمه و عموماً
افراد عسکریه به حکم که

سنکه سر عسکر مشار الیه سن مرّة بعد اخری توارداید تحریراتکه بناءً ملتزماتک
قرین اسماف ملوکانم اولوب عجالة الوقت ممکن صرتبه معینتکه ترتیب و تعیین و بروجه مفردات
دفتری ارسال و تسییر اولنان عسا کردن بشقه اردوی هایونم دخی اشبو ماہ ذی الحجه نک
اوچنجی اثنین کونی و ضرب خیام اولان صحرای داود پاشایه سایه انداز ترول اولوب هان
ماه منورک ... کونی ادرنه به و درعقب اندن دخی نیش و و دین سمتلرینی قولله به رق
صوفیه جانبکه توجیه مطیعه سرعت و جانبدیندن عسکر ایله امداد واقضا ایدن طرفه عسکر
ایله اعانت واردوی های نزک کتمی ایحاب ایدن سمنه بالذات اردوی هایونم اسرای
کتائب عنیت ایده جکی مصمم و بوندن بولیه اقتضا ایدن امداد واعانته قطعاً قصور و فتور
اولنیه جنی مسلم اولمغله بو خلاله تأیید و معاضدت رب العزت برله اطه کبیر قلعه سنک ایادی
منحوسة اعدادن فتح و تسخیری مطلوب هایونم اولوب و سنکه سر عسکر مشار الیه سن
سنک بو آنده ک جلوه کر منصه ظهور اولان مفاخر پسندیده ک مثبت صحابی لیل و نهار اولوب
فیا بعد دخی سمندن تکمیل ناموس دین و دولتم خصوصنده نجه نجه آثار سعیده مامول
و منتظر اولدوغندن غیری خاصةً بوصرام خیر انجامک حصولی سمندن و معینتکن اولان
وزیر دلیر مش پاشا و میر میران کرام و سائر رؤسا و ضابطان و افراد و عسا کر غیرت
ارتسامدن ملحوظ خسروانهم اویغین ایمدى اشبو امر شریفم ایله وصولنده سنکه سر عسکر
مشار الیه سن اوائله اولان غیرت خداداد مقتضا سنجه کم جمیتی میان جانه بند و قشلاقه
بولنان واولو الیلدہ تز الدن جمعی و احضاری اسهل اولان عسا کری معجلان یانکه جلب
و جذب ایله هیأت مجموعه کزی تسویه و منظم و لوازم قلعه کری بی ترتیب و تمیمدن صکره
متوكلاً علی الله و متحداً عن روحانیته رسول الله یریکز دن حرکت واطه کبیر قلعه سی او زرینه
سوق کتیبه مهابت دو شمنه قطعاً کوز آچدر میوب کمال اتحاد درون و اتفاق قلوب میمفت
مقرر ایله محاصره و تضییق یله بلطفه تعالی علی ای حال نوجهه اولور ایسه اولسون
قلعه منبوره بی فتح و تسخیر و اولو الیلدی وجود اعدادن تعطیل و تطهیر ایدن
منظومه جلیله سابقه کی بو وجهه تذیله بذل همت و صرف ماحصل قدرت ایله سن

وسزکه سر عسکر حیت مأثرم مشار اليه ک معیته ده اولان وزیر غیرت سمير
گمش پاشا و میر میران کرامک بهادر و نامدار لرندن قوز محمد پاشا و مرتضی پاشا و سار میر میران
کرام و سر دنگچدی اغاسی و یکی چری ضابطی موئی اليه ما و سار ضابطان و رؤسا و با جمله
پیاده و سوار افراد و عساکر شجاعت شعار قوللر سز جمله کزی خبر الناصرین اولان الله
عظيم الشانه و دیعه و امامت ایلدم و دعای خیر ملوکانه و توجهات سینیه شاهانم سز کله بیله در
کوره هم سزی هر خصوصده سر عسکر مشار اليه امر و رأیه متابعت و جمله کز کوکل بر لکی
ایله اعدای دیندن اخذ ثار و انتقامه مبادرت و فتح و تسخیرینه و دین و دولت علیهم اغور نده
هر بریکز پسندیده اوله حق خدمت وجوده کتو رمکه سعی و دقت ایله سز ظهوره کلان خدمت
و غیر تلریکز بر درلو ضایع او لمیوب حال و شانکزه کوره مکرم و معزز اوله جفکز محقق ده
اکا کوره جان و باش ایله چالشوب تحصیل نیکنام ایله دارینده مسعود او لمغه تشہیر ساق
غیرت و شد منطقه حیت ایلکز با بنده فرمان عالیشانم صادر او لمشدیر بیور دومکه

فی اوائل ز ۱۱۵۰

- ۱۶۴ -

سابقا وزیر اعظم اولوب حالا بوسنه والیسی اولان وزیرم علی پاشایه حکم که
بحمد الله تعالی بودفعه ایدیه اعدادن نزع واستخلاص اولنان او زنجه قاعده سی اکرچه
روم ایلی ایالتنه تابع اولوب یکی روم ایلی والیلری طرف لرندن رؤیت امورینه اهتمام او لنبیوب
بودفعه فتح و تسخیری سنکه وزیر مشار اليه سن سنک طرف کدن واقع او لمغله رؤیت اموری
بوسنه طرفندن کورلک او زره امر شریفم صدورینی التماستک او زره عمل
و حرکت او لنق فرمانم او لمغین اشبو امر شریفم اصدار ۰۰۰ ایله ارسال او لمشدیر ایدی
وصولنده سنکه وزیر مشار اليه سن فرمانم او لدوغی او زره ذکر اولنان او زنجه قلعه سنک
امورینی فیا بعد بوسنه طرفندن رؤیت و نظارت واستحکام و متأتی امرینه منید دقت ایدوب
روم ایلی طرفندن قلعه منبوره نک رؤیت امورینه مداخله و تعرض او لنماق بابنده فرمان
عالیشانم صادر او لمشدیر فی اواسط ز ۱۱۵۰

- ۱۶۵ -

بوجاق سر عسکری حلیم کرای سلطان زید علویه حکم که
اعدای دین میهن اولان نمیچه ملاعینی کچن سنه بوسنه مملکتی او زرینه علی الغفله بر قاچ
قولدن هجوم ایدوب لکن معاضدت و تأیید جناب منتقم ایله نه کونه مظهر قهر و هزیمت

ونوجهه مبتلای مذلت وندامت اولدینی جمله نک معلومی و توفیق هادی ایله کفره مسفوریندن
 فیا بعد دخی اخذ ٿار و مملکت لرینی یغما و تالان ایلک بوسنه دلاور لرینک جایکیر ضمیر لری
 اولقدن ناشی صعره صوینی فارشویه عبور ایله مملکت اعدایی تاخن و تاراجه حاضر و آماده
 او لم لریله بوجاق جانبیلر مدن اوچ بیک نفر کزیده عسکر تاتارک دخی سر زلر ایله معاً همعنان
 موافقتلرین الماس ایلدکلرین بوسنه والیسی وزیرم علی پاشا کاغدلریله اعلام و استرحام
 ایتمکله ذکراولنان بوجاق عسکر ندن اوچ بیک نفر تاتار عسکری افزای و سلطانین مدن بر مرد
 وجسور باش بوع ایله معجلاء بوسنه یه تسییر و ارسال اولنق فرمانم او لم گن اشبو امر شریف
 اصدار و ... ایله ارسال او لن شدر ایدی وصولنده سنکه سر عسکر مویی ایله سن بروجہ
 محرر بوسنه دلاور لریله معاً تاخن و تاراج ممالک اعداده بولنق او زره بوجاق عسکر ندن
 اوچ بیک نفر کزیده عسکر تاتار صبا رفتاری افزای و سلطانین عسکریله او زر لرینه جری
 وجسور بسلطانی باش بوع نصب و تعیین ایله یمنه تعالی بران اقدم و بر قدم مقدم معجلاء
 بوسنه والیسی مشار الیک یانه ارسال و وارد قلنده وزیر مشار الیک رائی و امری او زره
 عمل و حرکت ایلمرنی تنبیه و افهام ایلیه سن و سنکه باش بوع نصب او لنان سلطان
 مویی ایله سن ان شاء الله تعالی کال سرعت و شتاب ایله برساعت اول وزیر مشار الیک یانه
 واروب اتمام مصلحته دک رائی و امرینه متابعت ایدرک خدمات مقبوله وجوده کتور مکه اقدام
 تام ایلک بابنده فرمان عالیشانم صادر او لم شدر فیاواخر ذ ١١٥٠

— ٦٦ —

اوی والیسی اولوب افکر مان محافظه سنده اولان وزیر محمد پاشایه و افلاق محافظه سنده
 اولان مرسین بکلر بکیسی ولی و تیمور سلیمان دام اقبال ہمایه و نیکبولیدن ابرائیله وارنجہ
 نهر طونه ساحلنده واقع قاضیلرہ و سلسیتھ متلسی و یکی چری ضابطان و امنا و نظار
 و هنر لجیلرہ حکم که

حالا افلاق و یوده سی اسکرلت زاده قسطنطین و یوده اردی هایونه عرض حال
 کوندروب عسکری و غیری عسکریدن بلا امر و دین و نیش و بندر و سائر محللرہ مأمور
 اولوب یدلر نده منزل حکمی او لمیانلر راه راستی اولان سلسیتھ و نیکبولی یولندن کیتمیوب
 نهر طونه یی ابرائیل و یا خود سائر اسکله لرک برندن عبور وایاب و ذهاب خلاف طریق اولان
 افلاق حدودندن مسرور و قریب بقریه کزو ب مفت و مجاناً رعایا فقر اسنندنیم و یه جلک الوب
 ویر میانلری و قراده بولنان قپودانلری تحویف و تهدید و ضرب شدید ایله ضرب و ترصین

ایله پرا کنده و پریشان و منزلخانه‌لرین خراب و بباب او مسنه باعث اولوب ولايت افلاقت نفس
بکرشه کیدن طریق‌دن غیری طریق جاده‌سی او لمدیغن بیلدروب رعایا فقراسنه مرجمه
استانه سعادت‌دن و کرک اردوی هایون و کرک ولات و متسلملر خوتین و بندر وروم ایلی
جانبلندن مرور و عبور ایدوب یدلرنده منزل امری او لیمانلر راه راست‌دن مرور ایتلریلوب
طریق راست‌دن انحراف ایدنلر بلا تردد اسم و رسملریله عرض واعلام اولنوب اولوجهه
ظاهر اولان تعدیلری منع ودفع ورحاایا فقراسی حمایت وصیانت اولنق بابنده امر شریفم
صدوریخ استدعا والتماس ایتمکین یدلرنده منزل احکامی او لیمانلره وجه مشروح اوزره
تصیر قایغی و منزل بارکیری ویرلیوب تعدیلری قلع ودفع ومتذبه او لیمانلر اسم ورسملریله
عرض واعلام اولنق فرمانم او لغین اشبوا امر شریفم اصدار وارسال اولنق‌شدر ایمدی
وصولنده سزکه وزیر هشار الیه ومیرمیران مویی الیه‌ماسز بزوجه مشروح یدلرنده منزل
احکامی او لیمانلره تصیر قایغی و منزل بارکیری ویرلیوب ورحاایا افلاقه وجهه من الوجه
تعرض و تعدی ایتلریلوب منع ودفع ومتذبه او لیمانلری اسم ورسملریله عرض واعلام
ایلیوب هر حالده فقرانک حمایت وصیانت‌ترینه اهمام ودققت اولنق بابنده فرمان عالیشانم
صدر او لمشدر فی اوائل م ۱۱۵۱

— ۱۶۷ —

ادرنه بوستانجی باشیلغی مجدداً کندویه عنایت و احسان او لان سلیمان دام مجده یه حکم که
سفر هایونم تقریبی ایله مملکت حکامدن و طوایف عسکریه‌دن خالیدر دیو قطاع
طریق وحیدود اشقياسی محل بمحل ظهور ایده جکلری وسفره کلان اصناف عسکریه
و اولاقلره وابناه سبیل وسائز عباداللهه مضرت ارشدره جکلری احتمالدن بعید او لیوب
سکا سمت و مناسب او لان محلارک محافظه‌سی سنک عهده که احاله قلنمق و بندره واردوی هایونه
مرور ایده جک طوایف عسکریه‌یی بیرده اکاندر میوب معجلاء صوب مأمور‌لوینه امرار
ورعاایا فقراسنک نفوس و اموال و مزروعات و محروقات‌لرین صیانته ابتدار و هر حالده جسورانه
حرکته سعی بیشمار ایلک شرطیله عواطف علیه ملوکانه‌مدن ادرنه بوستانجی باشیلغی سکا
عنایت و احسانم اولوب و کچن سنه بندر و اساقچی قولی ایچون ادرنه‌دن بالقانه‌دک او لان
 محلاره ادرنه بوستانجی باشیسی قدر کفايه بوستانی نفراتیله کار کذار اوسته‌لر کوندرمک
اوزره امر شریفم ویرلسلکه ایمدی سنکه ادرنه بوستانجی باشیسی مویی الیه‌سن بوسته
مبارکده دخی سابقی اوزره بندر قولی ایچون ادرنه‌دن بالقانه‌دک واردوی هایونم طرفی

ایچون اقتضا ایدن محلاره دک طرفکدن کار کذار بوسنانی اوسته لری ایله کفايت مقداری بوسنانجیلر تعین و اومقوله قطاع طریق و حیدود اشقياسنی تجسس و تفحص ايدرك نه سمتارده ظهور ايدرلر ایسه قطعاً امان وزمان ویرمیوب على ای حال اخذ واله کتوروب دفع شر و مضر تلریله طرق و مسالیک تأمین و تطمینه اهتمام و دقت و جابینه کیده جک طوایف عسکریه دن کرک ادرنه دن و کرک سالف الذکر محلاردن مرور ایدنلری قطعاً اکلندر میوب کمال سرعت و شتاب ایله صوب مأمور لرینه ایرشد رمکه و رعایانک نفوس و اموال و مزروعات و محروقات لری صیانته مبادرت و کوندر دیکث اوسته لره دخی وارد قلری محلارده رعایانک اهل و عیاللریله سا کن اولد قلری اولری اوزر لرین. قونمیوب بر مناسب محله قونوب و بر فرد ک مغمت و مجاناً یم و یمک لرین و بغير حق اچه لرین المیوب و شقاوتده علاقه سی او لیانلریه تعرض ایتمیوب انجق قطاع طریق و حیدود اشقيالرین آرایوب بوللرینی کرکی گی تفهم و تدین و اکر فرمان هایونم مخالف حرکتلری مسموع اولور ایسه بلا امان جرالرین ترتیب اولنه جنی تعلم و تلقین و کندک دخی امر شریفمک انفاذ و اجراسنه سعی بایغ ایدوب خلافتندن غایة الغایه اتقا و مجانبدت ایلک باشده فرمان عالیشانم صادر او لمشدر بیورد دومکه

فی اواسط م ۱۱۵۱

-- ۱۶۸ --

اسکندریه سن جانی متصرفی احمد پاشایه و در کاه عالی یکی چریلری و پیاده سلحدار وجبه جی و طوپجی و طوپ عربه جیلری او جاقلری طرف لرندن تعین اولنان ضابطان زید مجدهمه و بزره پلنجه سنده اولان فرقه هر قته لر قپودانلرینه حکم که دولت علیهم نمچه کفره سندن اخذ انتقام ایچون بوندن اقدم فتح الاسلام صحراسنه ضرب خیام اقامت ایلد کدن صکره قارشو طرفه امرار اولنان وزرای عظام و میرمیران کرام و یکی چری اغاسی وا جاقلر ضابطانی ایله سائز عساکر اسلام ابتدا ایرشودن اولان کفره نی قهر و تدمیر و بامده مهادیه یورمیوب کفره نک طابور نخوستی کذلک طرد و تبعید و مهادیه قلعه لرینی اخذ و بعده کلوپ جوانب جاده سندن اطه قلعه سنی دخی کمال صرتبه تضیيق و حالا خبیط و تسخیری قوه قریبیه کلوپ هر حالده مردانه و دلیرانه غیرت و حمیت وقتلری اولوب لکن عسکر ک ایچنده بعض کندویی بلز اراذل وا شیخا ص مقوله سنک کیرویه کتکلاری اخبار او لغله او مقوله عسکر اسلامی و سن جان شریفی براغوب کیرویه کیدنلر ک من بعد مرور ایمه که رخصت ویرلمامک فرمانم او لغین بوباده جمله کن بالاتفاق حرکت آئک

اوزره مأمور و تعین قلقمش سزدر ايمدي سزكه موئي اليهم سز جمله كز بو امر خطيرده
متقانه حرکت و عسکري طاچه سندن برفرك او طرفه داره مرسولينه رخصت ويرميوب
نم و معتبرين محکم سد و بند و مرسوردن منع و صدایدوب داماترك ارام و راحت ايله بومهم
جسيمه نظارت وزهار وزهار بر نفرك مرسولينه رخصت کوستركن و ادنی تکاسل
ورخاوتدن هر بر يكز غایه حذر و مجانبته ايلكز باينده فرمان عاليشان ... في اواسطه ١١٥١

- ١٧٩ -

ودين محافظه سنه اولان حسين دام اقباليه و دين قاضيسنه و مباشر تعین اولنان
او طه باشی مصطفی زيد مجده يه ويرلو اغالرينه حکم که

اول طرفه وارد اولان ذخیرك بران اقدم و برساعت مقدم کال سرعت و شتاب ايله
اردوی هایونه وصول و لحو قلربی اقدم مهم لازم الاهتمامدن اولوب و بو خصوصیک بر وفق
دلخواه اتمام و تهشیتی دين يرلو اغازی طرفه دن هر بر ذخیره سفینه سنه منابه طریقیله
معین واشكذار بر ادمک تعین اولنسی لازم ولا بد اول مبلغه ايمدي اشبو امر شریف
مباشر موئي اليه ايله وارد قده سنه هير ميران موئي اليه سن دينه و اصل اولان هر بر ذخیره
سفینه سیچون منابه وجهمه يرلو اغالری کندو طرفه دن اولمق اوزره قیصه واشكذار بر ادم
تدارک و اماده اتدروب ذخیره سفینه سندن بری کلديکی انه مباشر موئي اليه معرفتیله
مؤکل مرقومی سفینه يه وضع و قنگی اغانک طرفه دن و کیل اولمش ایسه موکانک اسمی و وکیل
مرقومک دخی اسم و شهرتی و سفینه يه وضع اولندیغی تاریخی میان طرفکزدن برینه کاغد
ویروب بوجانبه کلدکده کاغدی ابراز اتمک و بریرده اکنیمسزین مسارعة کلک اوزره
على جناح الاستعجال اردوی هایونه سوق و ارسال و سزکه يرلو اغالر سز بو خصوص دین
میان خدمتی اول مبلغه فرمان اولدیغی اوزره هر بر يكزدن طرفکزدن ایش عهد سندن کلکه
 قادر معین بر ادمی حاضر و مهیا ایدوب ذخیره سفینه سنه کلدیکی انه هير میران و مباشر
موئي الهمما معرفتیله سفینه يه وضع وارساله ابتدار و سنه مولانای موئي اليه سن بو مهم
خطیرده سندخی بذل اقتدار ايله سن شویله که معاذ الله تعالی مغایر امر عالی بر يكزک
تکاسل و رخاوتکز ظهور اتمک لازم کاور ایسه صکره بر در لوعذر و عملکز مقبول اولیوب
شامت اليه سن چکه جکه محقققدر اکه کوره حرکت و مقدار زره خلافه دن غایه غایه حذر
و مجانبته ايلكز باينده فرمان عاليشان صادر اولمشدر في اوآخر ر ١١٥١

— ۱۷۰ —

و دین محافظه سندہ اولان حسن پاشایه حکم که

بو خالالدہ و دین ده و و دین دن اشاغی بعض محللرده حموله لرینی اخراج ایتمش بو شو خالی
فر قته لرہ و ولیقلر و ساڑ کبیر و صغیر سفینه و قایقلر اولدینی اخبار او لغله او مقوله حموله دن
خالی فرقته لرہ و ولیقلر و ساڑ سفاین و قایق مقوله لرینه اجناس ذخایر تحمیل و مسارعه
ارسال و تسییر او لغله فرمانم او لمغین اشبو امر شریفم اصدارو ... ایله ارسال او لغله دن
ایمدی و صولنده سنکه میر میران مویی الیه سن و دین دن اشاغی اولان محللرہ طرفکدن مقدم
وایشکذار آدمدر تعیین واو مقوله حموله دن خالی بولنان فرقته لرہ و ولیقلرہ و ساڑ سفاین
و قایقلرہ مع جلا بولنان اجناس ذخایری وضع و بر سفینه بو شو خالی قلاماق وجهمه جمله سنی
عجاله و مسارعه بر آن اقدم و بر قدم مقدم بوجانبه ارسال و تسییر ایدوب وبایدہ بوندن
بویله مقدار ذره رخاوت و تقصیر ایله معاتب او لمقدن غایه الغایه حذر و محابیت ایلسکنر با بنده
فرمان عالیشانم صادر او لغله دن بیور دومکه فی اواخر ر ۱۱۵۱

— ۱۷۱ —

نیش محافظی اولان وزیر کوپریلی زاده احمد پاشایه حکم که
اطرافدن نیش قلعه سنه سوق و تسییری فرمانم اولان ذخایر نیشن جمع و توثیق او لغله
اوزرہ بوندن اقدم امر شریفم صادر او لمشیدی الحالة هذه اردوی هایونم طرفندن
ذخایر ک قلتی او لمقدن ناشی نیشده مجتمع اولان ذخایر دن انجق موجود او لان دقیق ک بر کون
اول اردوی هایونم طرفنه کلیی مقتضی او لمغله اشبو امر شریفم اصدار و ... ایله ارسال
او لغله دن ایمدی و صولنده بروجه محرر نیشده شمیدی یه دکن جمع و حفظ او لنان ذخایر دن
موجد بولنان هر قنی امر شریفم واردینی کون نهقدار عربه بولنور ایسه اول باول ینه
پیدرپی تدارک او لنان عربه لرہ وضع و تحمیل و اثنای راهده یه و ده مکث و توقف ایتدر میوب
واردین کسیمیوب متواالیه بر کون اول کلک اوزرہ هر بر قافله اوزرلرینه طرفکدن مقدم
ادملر تعیین و بروجه تعجیل اردوی هایونم سوق و تسییر ایدوب مقدار ذره قصور و تکاسلن
بغایت حذر و محابیت او لغله با بنده فرمان عالیشانم صادر او لغله دن بیور دومکه فی اواخر ر ۱۱۵۱

— ۱۷۲ —

دریا قیودانی وزیر سلیمان پاشایه حکم که
سنکه وزیر مشار الیه سن مقدمما طرفکدن وارد او لان قائمہ مسرت دائمہ ده ذاتکده

اولان غیرت و حمیت و مأثر فتوت و جلالات مقتضاسنجه امور مأمور به کده کال رشد
ورؤیت اوزره حرکت و ممالک محروسه سوء قصد نیت فاسدیله هسقو کفره سنک بوشه
تجهیز ایلديکی سفاین منحوسه سنک ابتدای امرده کذرکاهلرین سد و ضبطه دقت
اما کدن ناشی ملاعین مسفورین خلاص ورها بوله میه جقلرین تیقن ائملى اسپیله سفاین
منحوسه لرین احراق بالنار و سفینه لری جوارند، قرهده طپراگه تحصن ایدن کفار خاکسار
دخی بی سپر بیابان ادباز اولدقلری ذکر و تحریر اولنوب و درعقب بودفعه دخی جناب امارت
مأب بالفعل قریم خانی منکلی کرای خان دامت معالیه و کفه سر عسکری وزیرم محمد پاشا
طرفلرندن توارد ایدن قوامده دخی کذلک بوشه مبارکده قریم و داخلنده سوء قصد
نیت کاسدیله بغته اور قلعه سی طرفلنده ظهور وانده بعض مرتبه ایقاد نائمه شر و شور ایدن
طابور مقهور دشمنی خان والا شان و سر عسکر مشار الیهم معيتلرنده اولان عسا کر غیرت
مأثر ایله بالاتفاق ایکی قوناغی بر ایدرك استقباله ایلغار و بر قاج کون علی التوالی اور اطرافنده
خارج جنده دشمن دین ایله محاربه بذل اقتدار و مواضع متعدده ده یخد ملاعین عرصه
شمیر اتشیار و نیجه لری قید اسره کرفتار وبقیة السیو فلمی افتان و خیزان فرار ایلدکارندن
صکره مجاهدین اسلام عقبدار لقلرینه ابتدار ایلدکاری بیان و تذکار او لمغله بخبر مسرت
اژدن خاصة جناب خلافتیاًم اندساط درون و عامه عباد مؤمنیه حظوظ موفور کون کون
حاصل او لمشر در هذا من فضل ربی بر قاج سنه دن برو سپرده عهده اهتمامک قلنان جلائل
مورد جلوه ریز بروز ایدن سعی جمیل و غیرت و همت جزیلک حقکده اولان حسن ظن
شاهانه مؤید و مصدق او لمغله سنک و کمر بسته متابعتک اولان قپودانان ورؤسا و باجلمه
شجعان غیرت اهتمانک سعیلریکیز مبرور و خدمتکیز مقبول و مشکور او لمشر در برخوردار
ونعم عن داریندن حصه مند و بهره دار اولا سر حاليا حقکزده نسایم نوازش والتفات
ملوکانه وزان و عمان بیکران عنایات خسروانه موج زنان اولوب عوارف جلیله خدیوانه مدن
سکا سمور فایض السروره قاپلو برشوب خلعت مورث البهجه سلطانی و محمول فلک معيتك
قلنان قپودان ورؤسا و ضابطان و شجعان غیرت نشانه الباس و اکسا ایچور دخی ...
خلع فاخره انعام واحسانم اولوب تبلیغ و ایصالله مأمور ... ایله ارسال او لنشر در ایدی
وصولنده تشریفات هایونم بعد الاستقبال دوش حمیتك اکسا و معيتكده اولان قپودانان
وسائر شجعانه احسانم اولان خلع فاخره بی على قدر مراتبهم الباس برله دوام عمر و دولت
ادعیه سی یکیز بان ایفادن صکره مساعدة وقت حال درکار او لمقدن ناشی عون و عنایت

باری ایله قبل الشتا اوزی قلعه سنک ایدی دشمندن نزع و تخلیصی لازمه عهده دیانت
و واجبه ذمت حیت اولوب لکن قلبرون قلعه سنک استخلاصی مهم و مقتضی اول مقدن ناشی
خان ذیشان و سر عسکر مشار الیهم بالاتفاق هیأت مجموعه لریله قلبرون اوزرینه حرکت
اتمک اوزره مأمور لر اول ملریله سندخی برعقدار دونمای هایونم سفایینی یکی قلعه واول حوالی
محافظه سیچون اندہ و قشلایه مناسب یزلرده ایها وبقیه سیله کندک اقکرمان واند اوزی
و قلبرون حوالی لرینه عنیمت و مستعیناً بالله تعالی قلبرونی ید اعدادن بعد التسخیر مقصود
بالذات اولان اوزی قلعه سنی استخلاص ایچون بندر سر عسکری وزیر نعمان پاشا طرفنه
حواله سمع و کوش بصیرت و کشايش عقدہ کاره دیده دوز نظارت برله او جانبلرده حاضر
و اماده بولنوب و بو خلالده توارد ایدن خبر لر کوره بندر جانبلرینه سوء قصد فکر
فاسدیله اق صوی صروز و طوره جانبلرینه القاء خس و خاشاك شر و شور زعم باطنده
اولان طابور مقهور اعدای بندر سر عسکری مشار الیه معینه اندہ اولان دلاوران اسلام
و بوجاق سر عسکری بهادرانندن تاتار عدو شکار صریح انتقام ایله استقباله مس ارعت
و با جمله اجنباد غیرت اعتیاد اسلامیه کال جنبش و خواهش ایله اشغال ناڑه حرب و قتاله
قیام و مبادرت ایلدکارنده عدوی دین خذلان قرین هجمة طاقتکداز دلاوران اسلامه
تاب آور مقاومت اوله میه جغدن رسیده رتبه یقین اتمکدن ناشی رجعت قهقهه ایله بش
ساعت مقداری کیرویه فرار و غزات حیت شعار کرمیت اوزره عقبدار لقلرینه ابتدار
ایلشلر بوصورته الطاف بی پایان الهیه دن مأمول اولدوغی اوزره او جانبده دخی طابور مخدوله
تزلزل طاری اولوب باد نصرت جانب اسلامیاندن وزان اولدقده بندر سر عسکری مشار
الیه دخی برآ هیأت مجموعه سیله بمنه تعالی هان اوزی قلعه سی استخلاصنه نامزد اوله جنی
واقیکرمانده واول حوالی لرده الاآن موجود اولان دونمانک دخی بحرآ سنک ایله تعین
قلنه جقلری محقق و مقرر اول ملله اول وقت سز هیأت مجموعه کز ایله او حوالی لرده حاضر و مهیا
بولنکز حسیله کیفیتی خان و بندر و کفه سر عسکری مشار الیهم ایله بعد المعاينة کوکل بر لکی
ایله اتمام کاره قیام و حصول مرامه اهتمام تام ایدوب بلطف الله تعالی او زی قلعه سنی ایدی
کفاردن نزع و تخلیصه بذل ماحصل اقدام اتمک اوزره شمدیدن اول طرفه مأمور تعین
قلنمیش سندر ایدی بوباده دخی کم غیرتی میان حمیته بند و عنایت عزیز ذوات قامه قلمکز
ربط ایدوب وجه محروم قدر کفایه دونمای هایونم سفایی ایله قالقوب او جانبلر واروب واروب
مشار الیهم ایله خبر لشکر کاردنه قلبرونی تخلیصی بعده بمنه تعالی او زی استخلاصی

ایله بوایشلرک بروفق دخواه اوزره پذیرای اختتامنے سعی بیشمار و منطق جیله بو وجہله
دخی تذییله بذل اقتدار ایلیوب بیوجه ایراد ایده جکا عذر و علتک قطعاً اماله سمع
قبول اولنیه جغی یقیناً محقق بیلوب اکا کوره حرکت ایلک بابنده فرمان عالیشانم صادر
اولمشدر فی اوائل جا ۱۱۵۱

- ۱۷۳ -

ودینلی علی زید مجده یه حکم که

بو خلالدھ نیچه کفره سی پوزور فه (۱) طرف لرنده کورندیکی اخبار و آنها اولنگله امیر الامراء
الکرام چته جی عبدالله پاشا دامت معالیه بعض طوایف عسکریه اوزرلرینه باش بو غ نصب
اولنوب طریق جدیددن اولحوالی یه واروب قهر و استیصال دشمنه و مقدمما دولت علیهم
اطاعتی قبول ایدن پوزور فه رعایاسی اطاعتندن روکردان اولدقدی واقع ایسے بعد
آمام الذمه انلر کد خی تاخن و تاراجلرینه مأمور اولنگله سنکه موئیالیه سن بالاتفاق حرکت
ایدرک سندخی معیته تعین قلنمش سندر ایدی امر شریفم وصولنده قالقوب میرمیران
موئیالیه که معیته طریق جدیددن بالجمله نفراتکله اولحوالیده واروب قهر و تدمیر اعدا
وسائر خدماته میرمیران موئیالیه ایله اتفاق و رأینه متابعت و سندن مأمول اولان غیرت
و حمیت اظهاره بذل مقدرة ایلک بابنده فرمان عالیشانم صادر اولمشدر فی اوائل جا ۱۱۵۱

- ۱۷۴ -

بروجه آرپلچ دوقه کین سنجاغنه متصرف اولان وزیر محمود پاشایه حکم که
ایالت روم ایلنك زعما وارباب تیارندن بعضی مجرد مشاق سفردن تخلیص کریبان
ومتصرف اولدقلری زعامت و تیارلری محصولاتی مساکل ایلک ایچون وزرا و میرمیران
و امراء دفتر لولرندن اولمک اوزره بر طریقه قیدلرینه شرح ویردیوب تقلیل عسکره باعث
اولدقلرندن ناشی تکشیر عسکر ایچون اولمقوله قیدلرین شرح ویردرن زعما وارباب تیارک
دفترخانه امراء شرحلری رفع و ترقین و فیما بعد سنجاقلری عسکری پر اقلری التنده خدمات
هایوندہ بولنیق اوزره مجدداً قیدلرینه شرح ویردرلمی فرمان اولنوب واسکندریه (۲)
سنجاغنه ایپک ناحیه سنده مسو و صار نام قریه وغیریدن یکرمی بیک اچه زعامته متصرف
مصطفی و بودیک لوفچه نام قریه وغیریدن اون درت بیک سکیز یوز اچه تیاره متصرف دیکر

(۱) پسار و فچه، پسار و ویچ - (۲) اشقدره

مصطفی و بنه قریه مرسومه وغيریدن اوچ بیک اچه تیماره متصرف مصلی ويرده نام قریه
 وغيریدن طقوز بیک اچه تیماره متصرف حسن وصقوه نام قریه وغيریدن طقوز بیک اچه
 تیماره متصرف بكتاش ولوغو فيچه نام قریه وغيریدن اوون درت بیک اچه تیماره متصرف عمر و
 ورنیک نام قریه وغيریدن التی بیک اچه تیماره متصرف سنان نام بر نفر زعیم والتی نفر ارباب
 تیمار ایچون دفتر لولرندن او لمق او زره ایالتلر طرفندن کلان دفتر ناطق اولوب وحالا شرحلری
 دفتر خانه هامر مدن رفع وترقین او لمنگله ایدی اشبو امر شریفم وصولنده مذکور لره
 فيما بعد سنجاغی عسکریله الای بکیسی بیرانگی التقدیه خدمات هایوندہ موجود بولنق او زره
 طرفکدن تنبیه و تأکید ایله برساعت اول ارسال وبروجه مسارت واروب سنجاغی عسکریله
 بیرانگی التقدیه موجود بولنق قلری حالده زعامت و تیمارلری اخره توجیه او لنه جغی دخی
 افهم ایملک بابنده فرمان عالیشام صادر او لمشدیر بیوردومکه فی اوائل جا ۱۱۵۱

— ۱۷۵ —

اطه قلعه سی محافظی اولان ابو بکر پاشایه حکم که

اوردو بیچه و بر اطنه وناقو ویچه نام قریه لرک اهالیلری فتح الاسلام جانبیه آمدشده ایدن
 طوائف عسکریه نک تعديلرندن زده لنوب مکدر الاحوال وحمایت وصیانتلری لازمه
 وقت وحال او لمقدن ناشی فيما بعد کندولری ظلم وتعذیدن وقايت وصیانت ایملک فرمان
 او لمغین اشبو امر شریفم اصدار و ... ایله ارسال او لمشدیر ایدی وصولنده قرای مذکور لر
 اهالیلری مظالم وتعذیاتدن وقايت وصیافت ایله اوده حال او لمدرینه منید سعی واهتمام
 و خلافندن اتفاء تام ایملک بابنده فی اوائل جا ۱۱۵۱

— ۱۷۶ —

بندر سر عسکری وزیر نعمان پاشایه و معیننده اولان او زی والیسی وزیر محمد پاشا
 و انقره و کنفری سنجاقلری متصرفی وزیر سلیم پاشا و خداوندکار سنجاغی متصرفی وزیر
 مصطفی پاشا و سیواس والیسی وزیر یعقوب پاشا و وزیر حسین پاشایه و مرعش بکلر بکیسی
 ولی پاشا و سایر میر میران کرام و سابقاً کتخدای صدر اعظمی شریف خلیل زیده مجده به
 وبال فعل رکاب هایوندہ قپو جیلر کتخداسی اولوب حالا مأموراً اول طرفده اولان محمد
 دام مجده یکی چری ضابطی ... و بلوکات اربعه اغواتی زیده مجدهم و کتخدالری وسپاه
 و سلاحدار تر قیلو اغالری وجبه جی و طوچجی و طوچجی و طوب عربه جیلری ضابطانی وایلات

والویه الای بکیلری و میری و سائر بالجمله اجناس عسکریه رؤسا و ضابطانه و عموماً افراد عسکریه یه حکم که

مقدماً نقض عهده جسارت ایله حدود اسلامیه یه سوء قصد فکر فاسدنده اولان مسقو کفره سنک بوسال یمن اشتمانده عون ملک مستغان ایله قهر و تدمیری اقدم آمال پادشاهانه اولوب ملاعین خیبت قرین بندر حوالیلرینه کلک لازم کاور ایسه قلعه ده بعيد محله استقبال برله بنمه تعالیٰ تهر و تدمیر و بعده اوجانبلرده کلید ممالک محروسه اولان اوزی قلعه سی دخی ید منحوسه لرندن تخلیص و تطهیر اولنق لازمه حیت سلطنت ظفر قرینم اولمقدن ناشی سرکه سر عسکر و سرکه معینه اولان وزرای عظام و میرمیران کرام و رجال و ضابطان موئی اليهم سرکه هیأت مجموعه کز بووجه اوزره ترتیب و تنظیم اولندوغنه بناءً بوندن اقدم وارد اولان قاوهده کروه مسافورینک جانب مزبوره قصد فاسدی ظاهر اولمغله ذاتکده اولان غیرت و حیت مقتضاسنجه معینکده اولان وزرای عظام و میرمیران کرام و سائر اجتهاد غیرت ارتسام ایله مستعيناً بالله تعالیٰ بندردن حرکت و نهر طوره نک برو ساحلیله عدوی دین اوزرینه سوق کتابی عنیمت و بندره او تو زایکی ساعت بعد مسافده اولان صولنجین نام محله نصب اعلام جلادت اولندینگی اشناوه طابور مقهور اعدا محاذی خیم عسا کر ظفر اتماده واقع نهر طوره یه جاری مولوکیش و کاوج نام دره لر بیننده طوره یی مرور نیت فاسدیله ظهور ایمه کله اتفاق ارا ایله ملاعین خاسرینی قصد عبوردن منع و صد وابواب ظن و تصور لرن بندو سدا یچون مناسب محلارده متريسلر و طابیه لرانشاو ترکیب و درونلرینه طوپلر تعییه و ترتیب اولنوب وقت غروبده اعمال ادوات طوب و خبریه مباشرت ایله اجرای صنایع اتشیازی وایفای مراسم معركه پردازیده اظهار صنعت و مهارت و قارشو طرفدن بوجاق سر عسکری حلیمکرای سلطان زید علوه دخی بالمعیه اولان مرعش بکلر بکیسی هیرمیران موئی اليه ولی پاشا وبالجمله جنود تاتار و سائر عسا کر غیرت شعار ایله وقت سحره دک اشغال ناڑه جنک و حرب وقتی و افر رؤس مقطوعه و میتا نجه دیملرین اخذ ایله کفار خاکسارک باشلرینه جهانی تنک و تار اتملریله ایکی جانبین غزات حیت سهانک بوکونه ثبات و متناس و بوجهمه شجاعت و جلادتی مخاذیل کفاره احراز دستیایه عبوردن ایراث یائس و خرمان حالتلرین نمایان ایمکین هذا لحمد على المسحر طابور مقهور خائباً و مأیوساً رجعت قهقری ایله عودت و کلدوکی طریقه رفع خس و خاشاک ثقلت ایلدوکی ذکر و بیان اولنوب و بودفعه اوجانبلردن توارد ایدن اخباره کوره جنود اسلامیه نک تقدیم مراسم و فرق برله ساق

واحد اوپر و قیام و از درون جنک و حر به دلیرانه و غیورانه تشمیر بازوی اقداماتی تکرار
اعدای دینک مسمو علی‌ری اولدقده جنود ظفر موعود اسلامیه نک جمله طاقتکداز
شیرانه‌لرینه تاب آور مقاومت اوله میه جغن فهم و درک آنکدن ناشی طابور مقهور دشمن فراره
شتاًبان و کمال سرعت ایله اق صوی صرور ایچون بی‌سپر راه خذلان اولوب چار پاری ناتوان
وهالک و بی‌جال اولمغله اشناه راهده نهر طور لده الی ساعت بعید محله بیم جانه بر مقدار طوب
وکله و هاون و قورشون و ذخیره‌لرین یره‌دفن ایلدکاری اخذ اولنان دیللرک تقریر ندن رسیده
رتبه یقین اولدقده انده اولان عساکر حیت مأثر مدن یکرمی بیک مقداری جنود غیرت
نمود افزای و ترتیب و معیته‌لرینه بر مقدار طوب و ادوات تنظیم واوزر لرینه دخی میر میران
کرامدن بر جری و جسوری باش بوع نصب واو وجهه دشمنی تعقیب ایتدرمک اوپر
اولدوغکز محقق اولمغله بوباده سزک بالاتفاق ظهوره کلان حسن تدبیر و اهتمام و میدان
جهادده ثبات اقدام و ننت و اقدامکز مقبول و مشکور اولمشدر جمله کیز بر خودار و عن
داریندن حصه‌مند و هر دار اوله سز طابور مقهور که بوجله منید کسر و شناعت و رهین
قهر و فضاحت اولمی الطاف خفیه الهیه‌دن مأمول و منتظر اولمغله الحالة هذه مقتضای
مأموریت کیز که ثمره و نتیجه‌سی عون باری ایله ایدی اعدادن اوپر قلعه سنک نزع و تسخیر
واولحو الیلرک دخی لوث وجود اعدادن تطهیری اولمک حسبیله جمله کزک لاول لوازم و فاقی پیش
نهاد و توفیق هادی یه استناد ایدرک هیأت مجموعه کز ایله اوپر استخلاصنه مأمور و تعین
قلنمش سزدر ایدی اشبو امر شریفم . . . ایله وصولنده حال قریم خانی اولان منکلی
کرای خان دامت معالیه ایله کفه سر عسکری وزیرم محمد پاشا بوسنہ مبارکه‌ده اور طرفانه
کلان طابور دشمنی بالکلیه استقبال واوج کون مقداری بالدفعات واقع اولان حرب و قتالده
یحد ملاعین طعمه شمشیر استیصال و بقیة السیو فلری منهزمآ راه خسروانه فراره استعجال
و عقبدار لقلر ایچون حالت و سبکبار قتی و افر غزات حیت شعاری تسییر و ارسال آنلریله
طابور مقهور مملکت منحوسه‌لرینه طوغری منهزمآ فرار ایلدوکی و بحر آ دریا قپودانی وزیرم
سلیمان پاشا دخی یاننده اولان دو تمای هایونم ایله سفاین اعدانک کذر کاهلرین سد ایمکله
ملاعین دوزخ مکین بو وضعیت دن خلاص و رها بوله میه جقلرین درک و اذعان ایتلرندن ناشی
سفینه‌لرین احراق بالنار و قره‌ده طابور شکلنده ترتیب ایلدوکی مخاذیل کفار دخی صحرانورد
ادبار اولدقلری مقدمه کلان کاغدر ندن معلوم هایونم اولدقده برآ خان و سر عسکر مشار
الیمها بالمعیه هیئت مجموعه‌لریله اوپر استخلاص ایچون قلبرون سمتنه واروب اوپر ایزینک

کلیدی مثابه سند اولان قلبرونی بعدالتسخیر سرک جانبکزه حواله کوش بصیرت و كذلك پودانم مشارالیه دخی دونمای هایونم سفایی ایله بحر آ اقکرمانه واندن قلبرون طرفانیه واروب اطرافه دیده کشای نظارت و طرفکیزدن خبر ورودنده بحر آ وبرآ بالاتفاق عنایت ربانیه ایله اوزی قلعه سنک نزع و تخلیصنه مبادرت واو طرفانی دخی وجود بدبور اعدادن تنظیفه بذل جهد و همت ایملری نامه هایونم واو امر حمیت نو نمله هر برینه بشقه بشقه تنبیهات هایونم شرف دور اولدینگی معلومکیز اولدقده سرک هیئت مجموعه کز ایله متوكلاً علی الله اولدوغکیز محلدن حرکت و بو خصوصده سرکله بالاتفاق حرکت ایله اوزی تسخیرینه بوجاق سر عسکری سلطان مومنی ایله دخی بشقه امر شریفمله مأمور اولمغله سلطان مومنی ایله ایله جمله کز بالمعیه اوزی سمتنه طوغری نشر رآیات عنیمت و هنکام حرکتکزی واو جانبلره وصولکزی مشارالیمه اعلان واشارت و جمله کز مراسم وفاوه کمال رعایت ایدرك کمر غیرتی بندمیان حمیت و تأیید معاضدت رب عزت برله اوزی قلعه سنی ایدی کفاردن نزع و تسخیر واو طرفانی دخی لوث وجود اعدادن تصفیه و تطهیره جمله کز نثار نقدینه قدرت و مکنت ایدوب بو غاٹله نک اندفاعیله دخی تکمیل خدمت وبو وجمله تحصیل مراضی پادشاهانه مه صدق جهد و همت و ابقاء تام و شانه مسارت و مبادرت ایملکز بازنده فرمان عالیشانم صادر اولمشدر فی اواسط حا ١١٥١

— ۱۷۷ —

بندر سر عسکری وزیر لقمان پاشایه حکم که

دولت علیهم بوحام فوز انعامده دشمن دیندن اخذ انتقام و خصوصا مسقو کفره سنک ایدی منحوسه لرینه کرفتار اولان اوزی قلعه سنک نزع واستخلاصی ایله بکام اولمک ایچون ترتیب عسکر و تجهیز لشکر ایله تنظیم اسباب مهمات و تمیم لوازم ادواته سعی و اقدامی بالغ بلغ اهتمام امکله بتائید الله تعالی طرف فتوحات جلیله و سنه و حات جمیله میسر و نیچه و مسقو مثللو اعدای دین اینما کانو مقهور ومدرس اولوب بویله وقت فرصتی غنیمت عدو اولنق موافق قانون حزم واحتیاط وفي الاصل مقصود هایونم و جمله دن مطلوب ضمیر حمیت مقرونم اولان اوزی استخلاصنے بذل اقتدار لازمه وقت وحال اولدوغنه بناءً او لحو ایله کورینان طابور دشمن بی سپر وادی خذلان اولدقدن صکره سنکه سر عسکر مشارالیه سن بالمعیه اولان وزرای عظام و میر میران کرام واو جاقلم ضابطانی و میری لو ندات باش بو غلری و با جمله عساکر منصوره مدن صرتب هیأت مجموعه لریله قالقوب بروجه محرر مقصود بالذات

ومطلوب طبع حمیت سهاتم اولان اوزی قلعه سنک تسخیرینه مبادرت ایلک ایچون بوندن
 مقدم امر شریفمله تنبیه و تاکید و کیفیت حال تفهم و تعلم اولنمشیدی ایشلر هنوز ختم
 بولماش ایکن در کاه معلم قپو جیلر کتخداسی اولوب اتمام کاره دک معیتکده اقامته مأمور
 اولان محمد دام مجده بی مساق طابورینک اقصو چکیدنی مرور ایلد و کنی مشعر کویا اتمام
 خدمت اخباریله بلا استیزان اردوی هایونه ارسال ایلش سن سزک جمعیتکیزک ترتیب
 وتسویه سندن مقصود بالذات انجق اوزی قلعه سنک فتح و تسخیری واولحوالیدن دشمنک
 طرد و تبعیدی اولوب ختم مصلحت و اتمام خدمت بونکاه حاصل ایدوکی بالبداهه معلوم
 ایکن سنک بو کیفیتدن نوعماً اغماض یوللو مویی الیه بلا استیزان ارسال ایلک ناڑه غضب
 پادشاهانه می موجب و مظہر عتاب و عقاب اولمکی مستوجب بر امر خسیب و حالت عجیب
 اولمقدن ناشی مویی الیه قپو جیلر کتخداسی ختم تسخیر قلعه یه دک معیتکده اقامت و بعونه
 تعالی خبر فتح ایله عودت ایلک ایچون علی اثره اعاده وارجاع اولنوب اوزی قلعه سنک بلطفه
 تعالی فتح و تسخیری علی ای حال سندن مطلوب ملوکانه اولمغین افهام حال ایچون اشبیو
 امر شریف اصدار و مویی الیه ارسال اولنشدرا یمدی وصول بولندیغی انده مقدم امر شریفمله
 جمله به خطاب ایله سکا افاده و بیان اولنندیغی اوزره حالاً قریم خانی و کفه سرعاسکری
 و دریا پیو دانی عون باری ایله تسخیر قلعه ایچون سنک ورودیکه منتظر آ قلبون طرف لرنده
 رایت افزای اقامت اولمکیله همان بولندیغک محلدن قطعاً مکث وارام و بران امر اروقت وایام
 ایتمکسزین هیأت مجموعه کز ایله حرکت و اوزی طریقه نشر رایت عنیت و ابراز غیرت
 و جلادب ایله بتوفیقه تعالی قلعه منبوره بی علی ای حال ید اعدادن تخلیص و تسخیر
 واولحوالیلری دخی وجود اعدادن تنظیف و تطهیره مبادرت و ختم مصلحت فقط بونکاه حاصل
 ایدیکن فهم و درک ایله ایشک حصولنه بذل وسع و قدرت ایله سن سزک هیأت مجموعه کزی تسویه
 و تنظیمدن مقصود اصلی بروجه محرر قلعه منبوره نک فتح و تسخیری اول و غنی معیتکده
 اولان وزرا و سائر رجال و رؤسایه دخی افاده و علی ای حال سزدن مطلوب ایدوکنی تفهم
 وابانه ایدرک اصناف عسکریه دن بر فردی طاغتیمیوب اتمام فتح قلعه یه دک هیأت مجموعه کزی
 محافظه و شویله که معاذ الله تعالی مقصود بالذات اولان تسخیر قلعه خصوصنده ادنی رخاوت
 و قصور کز مسموع اوله حق اولو رایسه سن و معیتکده اولنلر پچه سختکیر قهر ملوکانه مدن
 خلاص اوله میه جغکیزی حقق بیلوب اکه کوره انجام کاری بعد الملاحظه کرک سن و کرک
 بالمعیه اولان وزرا و میرمیران و رؤسا و سائر ضابطان بخطیر عظیم و امر جسمیده مقدار
 ادبیات — ۷

ذره اغماض و تعامی وادنی قصور و نواهیدن غایة الغایه احتراز و اجتناب ایلک بابتندہ فرمان
حالیشان فی اوآخر ذ ١١٥١

- ١٧٨ -

حالا بوجاق سر عسکری حليمکرای سلطان زید علوه یه

مقدماً نقض عهده جسارت ایله حدود اسلامیه یه سوء قصد فکر فاسدندہ اولان
مسقو کفره سنک بوسال ین اشمالدہ عون ملک متعال ایله قهر و تدمیری اقدم امال شاهانه
اولوب ملاعین دوزخ مکین بندر حوالیه رینه کلک لازم کلور ایس-ه قلعه دن بعد محله
استقبال برله بننه تعالی قهر و تدمیر و بعده او جانبلردہ کلید ممالک محروس-هم اولان اوزی
قلعه سی دخی ید منحو سه لرندن تخلیص و تطهیر او لنق لازمه حیت سلطنت ظفر قریم اولمقدن
ناشی بندر سر عسکری وزیر نعمان پاشا و معیتكده اولان وزرای عظام و میر میران
کرام و رجال و ضابطان و سائر عساکر شجاعت نشان ایله بوجه اوزره ترتیب و تنظیم
و سنکه سلطان موی الیه سن طوائف تاتار عهد و شکار ایله سرکدنی هیأت مجموعه کتسویه
و تختیم اولندوغنه بناء جمله کفره مسفورین طرفکه حواله جاسوس بصیرت واخذ ثار
وانتقامه تشخیذ حسام حیت اوزره ایکن طابور مقهور اعد بندر سمتنه قصد ید فکریله
اق صو طرف لرندن صرور ایلدکده سن معیتكده اولان تاتار عدو شکار ایله طابور مقهورین
اطرافی احاطه و بالمعیه صرعش بکلر بکیسی ولی دام اقباله و سائر غیرت انتا ایله نهر
طور لیه کنجه یه دک کال تضییق و تنکیلارینه مبادرت و نهر هزبور ساحلندہ دخی وقت
غروبden هنکام سحره دک اطراف طابوردن نار ناره کباب ایله کفار خیبت قرینی تدخین
و نیجه لرین طعمه شمشیر قهر کین و روئس مقطوعه دن ماعدا قتی وافر دیللرین حیاً اخذ
اواسیر ایدوب بوجهله عساکر منصوره نک و بتخصیص ظهور عبرت نمود تاتار عدو و شکار اک
ایکی جانبden هجوم و اقتحام لرینه و اخبار تاتارک اطراف و جوانبدن کیرودارینه ملاعین
خاسرین تاب آور مقاومت و له مدیغندن ناشی لله الحمد والمنه طوب و تفک و ادوات حرب
و جنکی الغا و دفن ایدرک رجعت قهقری ایله فراره شتابان و طابور مکسور بو خلالدہ
حائباً و خاسراً اق صو کچیدندن اوته یه الخ ... [۱] فی اواسط جا ١١٥١

[۱] بواسر دها مفصل اولارق وزیر نعمان پاشایه یازیلان امرک عینیدر (نومرو ۱۸۳)

— ۱۷۹ —

روم ایلی والیسی اولوب حالا موروده (۱) اولان وزیر کنج علی پاشایه حکم که عون ملک متعال ایله بوسال فوز اشمالده دشمن دین اولان نیچه و مسقون کفره لری طرف طرف منهزم و مقهور و مدمص و مکسور اولوب بویله وقت فرصت غنیمت عداو لندن ناشی بمنه تعالی بواثنا ده بلغراد قلعه سنک تسبیخ بیرون اردوانی هایوندن و موروه او لحوالیده اولان عسکردن یکرمی بیک مقداری عسکر ترتیب واوزر لرینه دیار بکر والیسی وزیرم علی پاشا باش بونغ تعیین و صوب مقصوده ارسال و تسییر اولنوب لکن کیروden کیده جك عساکر که جانب مأموره سوق وارسال لری و موروه ویا غودینه طرف لرنده حیدود اشقیاسی ظهور ایدر ایسه انده قلان پیاده عسکر ایله دفع مکیدتلری وانده موجود انبار اولان ذخیره نک محافظه سی و کیدن عسکره پایند ثقلت اولماق ایچون غنایمی جسته جسته موروه یه ارسال ایدکلرنده وزیر مشار الیه کانجه یه دک بر موجب دفتر حفظ و ضبطی و کتور نارک در عقب کیرویه اعاده لری و عسکری کیرویه صالحیه میوب عودت ایدنلرک منع و صدی خصوصیات ایچون بر وزیر حبیت مصیرک و خلالده موروه سمتنه بولنسی لازم ولا بد و سنکه وزیر مشار الیه سن سن جری وجسور اولوب بوایشلرک عهده سنده کلکه لیاقتک ظاهر اولمک حسیله انجق کندوکه مخصوص قپوک خلقی ایله موروه دن قالقوب کیفیات صفومنک رؤیت و محافظه سنده مأمور و تعیین اولنش سندر ایدی اشبو امر شریفم... ایله وصولنده بروجه محترم انجق کندوکه مخصوص قپوک خلقیه موروه ده اقامت و بو دفعه یوز نفر ایله قالقاندلنی رجب پاشا زاده حسن دام عزه و یوز اللی نفر ایله اوخری متصرفی محمود پاشا زاده علی زید مجده یانکه مأمور اولملریله انلرنده خی وصول لرنده اقتضا ایدن خدماتده اعمال واستخدام و موروه ویا غودینه طرف لرنده حیدود اشقیاسی ظهور ایدر ایسه انده اولان پیاده عسکریله قهر و تدمیر لرینه ابتدار و موروه موجود و انبار اولان ذخایر ک محافظه سنده بذل اقتدار ایدر که کیروden عسکری قطعاً کاندر میوب پی در پی وزیر مشار الیه عودت یانه ارسال و اموال غنایم و اسارت ایله کانلرک کتور دکلری مال غنایمی وزیر مشار الیه عودت ایدنجه یه دک بر موجب دفتر بر مأمن محلده حفظ و کندولرین در عقب اعاده و ارجاع و محترم عبور لری محکم سد و بند ایدوب عساکردن کیرویه کتمک مراد ایدنلرک مرور لرینه

رخصت کوسترمیوب محل مامورلرینه عودت ایتدروب بو وجهمه سندن مامول اولدینی
اوزره هر خصوصده دقت واهتمام ایله حرکت و خدمات مبروده وجوده کتورمکه سعی
ودقت ایدوب اهال و تکاسلان غایه الغایه حذر و محابیت ایلک بابنده فرمان حالیشانم صادر
اولمشدر فی اواخر جا ۱۱۵۱

- ۱۸۰ -

سابقا وزیر اعظم اولوب حلا بوسنه والیسی اولان وزیر علی پاشایه و معیتنده اولان
سلطین جنگیزیدن محمد کرای سلطان زید علویه یه و میرمیران کرام ویکیچری ضابطی
والویه الای بکیلری و میری و سار پیاده و سواری اصناف عسکریه ضابطان و رؤس-اسنه
وباجمله افراد عسکریه یه حکم که

سنکه وزیر مشار الیه سن بودفعه طرفیدن توارد ایدن قوائم ظفر علامدن خروات
ملکتتک حاکمی اولان باز دیدکاری بی ایمان دهشت هجمة اجناد اسلامیاندن ناشی جان
دهان بوندن اقدم مملکت منحوسه سن طوغری پی سپر خذلان اولدقدن صکره تکرار
کنزاده و دونیجه ویوسیجه ناحیه لری طرفلنده ترتیب کتیبه ملعنت و خلاف ملحوظ محلدن
ظهور ایله مملکت اسلامیه یه ایصال خسارت فکر فاسدی رهیا فتنه دماغ فاسدی اولدینی
استیاع اولندقده بولندیغک موقعه مسارعة نهضت و طومنه نام محله رکز اعلام جلادت
ایدوب منزل منزبوردن برای تدمیر و تخریب تجهیر و ترتیب اولنان لشکر ایله اوزرلرینه
تعیین اولنان میرمیران و طور ناجی باشی و کتخداک و طوایف تاتار ایله دخی سلطان موی
الیه بالاتفاق حدود دشمنه اطاله اقدام اقدام و اول کون کریبان زرین بار بامدن دامن
نیلفام اقشاره دک اوچ ساعت مسافه یی عیناً و شهلاً تخریب و احراق وبعد العوده اخذ اولنان
دللر استنطاق اولندقلرنده باز خودندان یاننده اولان عسکر هزیمت نشانیله نهر اونیه نک
طرفینده واقع طاش قلعه لره وبعضاً طوله سپتلر و شرانبولر ایله استحکام ویرلش صعب
المنال مواضع و محاله تحصن ایله انتہاز فرصت اوزرہ اولدینی اخبار اولنگله محل مرقومدن
هیأت مجموعه کز ایله مخاذیل مسفورین اوزرلرینه توجه و عنیته ابتدار و نهر مرقومک ایکی
جانبندن اشعال ناڑه کارزار ایله درت بیکدن متتجاوز پیاده و یحد سواریسی قنطره تیغ
ابداردن اصرار اولنوب باز مسفور بقیه السیوف مشرکین ایله افتان و خیزان و شکسته و بیم
جان کربزان اولنگله عساکر اسلام دخی اوچ ساعت مقداری تعقیب و ایرشدکرنده قهر
وتدمیر ویمین ویسارلرند دوچار اولدقلری اماکن و مواضع احراق و تخریبدن صکره

فرداسی دونجه و بوسینجه قلعه‌لرینه وارنجه تصادف ایلدکلری حیدود اشقیاسی نشان نشانه
دمار و غنایم متکاژه و اسارتی وافره ایله حدود اسلامیه کنجه چشمکذارلری اولان
 محللری احراق بالنار ایدرک داخل سرحد اسلامده نصب اعلام قرار ایلدکلری و بوندن
 مقدّجه بروداد پرستارندن وسائل قپودانلقلردن قوباشی قپودانی دخی بیک قدر پیاده
 وسواری ملاعین ایله بنالوقه یه قریب قتور [۱] داروش پلنجه‌سنی تخریب و احراق قصده‌یه حدود
 اسلامیه دخول ایلمزیله محافظه‌سنه اولان دلاوران اسلام ایله بر قاج ساعت محاربه
 ومکافجه یه اقدامدن صکره بعون الله الملك العلام کفره ائم بادیه پیای هزیمت و ملام اولملغه
 جنود حمیت نمود تعقیبلرینه ابتدار واوچیوزدن متیجاوز کفره‌ی طعمه شمشیر ساعته‌یه باز
 واسلحه و اثواب و بساط و دواتلرین آورده دست اغتنام و انتصار ایتدکلری و قپودان مسفور
 دخی مجروحاً فراری انسان‌سنه نکونسار خاک‌دمار اولدینی تحریر و اسکله اولنگله جمله کز ک
 بوغزای غرا وجهاد میمنت اتماده ظهوره کلان مساعی سعیده و مفاخر جمله کز مقبول
 و مشکور هایون و موجب انشراح قلب صفا نمونم اولمشدر برخودار و نعم عن داریندن
 بهره‌مند و حصه‌دار اوله سز حالا حق‌کزده بارذخار مکارم شاهانه موجزن و نیرخیز عاطفت
 خدیوانه ... اولوب خاصة سکا و میتکده اولان سلطان مویی ایله ایله میرمیران کرام
 و یکی‌چری ضابطی و کتب‌خدای مویی الیه‌یه وسائل شجاعتی ظاهر اولنله الباس و اکسا
 ایچون اردی هایونی خطوات تعظیم ایله بعد الاستقبال دوش و سر افتخارکه وضع و پیرا
 و برموجب دفتر میتکده اولنله احسانم اولان دخی علی المراتب ترتیل و اکسابرله از دیاد
 فروشوکتم ادعیه‌سنی یکزبان ایفادن صکره سنکه وزیر مشار الیه‌سن بوندن بولیه دخی سندن
 مأمول هایون و ملحوظ طبع صفا مقرونم اولدینی او زره حفظ و حراست هملکت و قهر و تدمیر
 اعدای بدطینته ابتدار و طرف طرف ممالک کفاری تاخن و تاراج و کندولرین سهام تنکیله
 اماج ایله شوکت اسلامی اظهار و جمله کز بالاتفاق ابراز لوازم غیرت و حمیت و ایفای مراسم
 شجاعت و مهابت ایدرک کفار خاکسازک اینما کانو تشتن شمل جمعیت و تمزیق ذیل کبر و نخوتنه
 سعی پیشمار و هر حالده سزدن مأمول و منتظر اولان حماست و بسالنک فيما بعد دخی اجرا
 و اداسنه تشمیر بازوی اقتدار ایدوب استیحصال مراقی عجناپ ملک ایات واستیحلاف دعوات
 خیریه شاهانه نثار نقدينه مکفت و ان شـ الله تعالى مذکور السنـه انـم اـولـهـ حقـ مـسـاعـیـ
 پـسـنـدـیـدـهـ عـلـاوـهـ سـلـیـلـهـ سـدـهـ مـفـاـخـرـ جـمـلـهـ کـزـیـ تـحـشـیـهـ وـ تـرـیـبـهـ صـرـفـ وـ سـعـ وـ قـدـرـتـ وـ بـذـلـ
 ماـحـصـلـ هـمـتـ وـ غـيـرـتـ اـيلـكـزـ باـبـنـدـهـ فـرـمـانـ هـاـيـشـانـ باـزـلـمـشـدرـ فـيـ اـواـخـرـ جـاـ

- ۱۸۱ -

حالا دریا قپودانی وزیر سلیمان پاشایه حکم که

دونمای هایونم سفاینی ایله سنکه وزیر مشهار الیه سن سن جانب بحر سیاهه مأمور
وتعین قلندهیگ و مقدمه ب آنه کانجه عهده اهتمامکه احالة او لنان خصوصیلر بک تمشیت و بتخصیص
دشمن دینک سفاین منحو سهی احراق واعدامنده مسیبوق الخدمه و مستوجب الحرمه
اولوب اندن باشقة مقدمه مید منحوس اعداده اوزی و قلبرون قلعه لری نزع و تخلیص ایچون
یرآ ترتیب و تنظیم او لنان عساکردن ماعدا سندخی دونمای هایونم سفاینی ایله بحر آ او صولره
وارمق او زره بوندن اقدم ا کرچه مأمور و تعین قلنمهشیدک الحالة هذه قلعه تین مرقومین
بلطف الله الملك القدير ب دغدغه دار و کیر داخل خطه ضبط و تسخیر اولمش بولنوب بوصورته
دونمای هایونم سفاینک او صولرده و همان قربیت شتا تقریبه بحر سیاه طرفنه لزوم
واقتضاسی قلام مقدن ناشی اق کرمانده فرقه هر باش بونی او لان قزل حصاری مصطفی قپودان
دام عنده معینه اولان اینجه دونمادن اوزی قشلاسی ایچون قدر کفایه سفاین افزای
وطاقتی تکمیله اقتضا ایدن قصور قلان سفاینک طاقتی ندن بعد التکمیل اوزی یه وارد قلتند
انجمناد انہاردن مقد مجھه تکنه لری قره یه چکوب لونداتلریله معماً کندولری درون قلعه یه
دخول و خدمت محافظه یه قیام و مثول ایلمیری نصب ایده جکی باش بونلرینه تنیه برله معجل
ارسال و تسییر ندن صکره کندوسی قلان اینجه دونمای سفاینی الوب ترسانه عامره مه کلی
باشه اردی هایونم طرفنه کندوسی امر شریف تحریر و موئی الیه ارسال و تسییر و سنک معینکده
اولان اینجه دونماینک دخی مقدمه بینوبه کلدکاری اخبار او لنگله کذلک انلرک دخی ترسانه
عامره مه کلمه ایچون رکاب هایونم جانبدن اسر شریفم تسطیر او لنوب بناءً علیه بروجہ
محرر بوجلالدہ او صولرده دونمای هایونم سفاین یانکه الوب مستعيناً بالله تعالیٰ بر آن اول
استانه سعادتم طرفنه بادبان کشای عنیمت و روز قاسمی مدن مقدم ترسانه عامره مه لنکر
انداز اقامت او لملری باشه فرمان هایونم شرف صدور او لمعین اشبیو امر شریفم اصدار
ایله ارسال او لنشدر ایدی و صولنده سنکه قپودانم وزیر مشار الیه سن فرمان هایونم
اولدینی وجه ایله معینکده اولان صغیر و کبیر با جمله دونمای هایونم سفاینی یانکه الوب
بلطفه تعالیٰ عجالت استانه سعادتم طرفنه نشر شراع نهضت و بر ساعت مقدم ترسانه
عامره مه وصول و لحوقه بذل مقدرة ایلک باشه فرمان عالیشانم صادر او لمشد بیور دومکه

- ۱۸۲ -

بغدان و یوده سنه حکم که

اردل طرفنه واقع دو مانسه بوغازنده طقوز نفر نیچه صولتادی [۱] اخذ اولنوب یاش
قضاسنه کوندرلديکي طرفکدن اعلام او لغله مسفوردن طقوز نفر استانه سعادته احضار
وارسالری فرمانم او لمغین اشبو امر شریفم اصدار و ... ایله ارسال اولنیشور ایدی
وصولنده مذ کورونک محافظه لریچون یانلرینه کفايت مقداری ادمیر تعیینیله مسارعة استانه
سعادته ارسال و تسبییر ایدوب سرمو تکاسل ورخاوتدن و محافظه لری امرنده ادنی
قصور و تراخیدن غایة الغایه حذر و محابیت ایلک باینده فرمان عالیشانم صادر اولنیشور

فی اواخر ح ۱۱۵۱

- ۱۸۳ -

بندر صرعسکری وزیر نعمان پاشا و خداوندکار سننجاغی متصرفی وزیر مصطفی پاشا
وسابقا اوزی محافظی وزیر محمد پاشا و سیواس والیسی وزیر یعقوب پاشا و کنغری متصرفی
وزیر سلیم پاشا و افکرمانه محافظ اولان وزیر حسین پاشا و میرمیران کرامدن علائیه
متصرفی ابراهیم پاشا و مرعش بکلربکیسی ولی وصولاق محمد پاشا و نیکده متصرفی مصطفی
وجوروم متصرفی ابراهیم واولونیه سننجاغی متصرفی محمود پاشا و میرمیران موییه
اوغلی درویش اسماعیل واچ ایلی سننجاغی متصرفی سیدسلیمان دام اقبالهم و بندر سننجاغبکی
میرزا یوسف و سابقا بندر اردوسی معیت و نظارتنه مأمور شریف خلیل زید علویه
و یکی چری ضابطی و بلوکات اربعه اغوات و کتیحدالری و کاتبلری وجبه جی باشی و طوچجی
باشی و طوب عربه جیلری و کیلری و ایلات والویه الای بکیلری و ترقیلو اغالری واولاد
فاتحان باش بوغی و میری لوندات باش بوغلری و سائر رؤسای اجناد ظفر اعتیاده حکم که
بوندن اقدم کنار نهر طورله به خط وصال نحوست و اثاره غبار غوایت و ملعنت ایدن
مسقو طابورینک بذیان جمعیتلری انهادمنه اتفاق آرا ایله جمه کز تسبیخ بازوی اقدام و ساحل
طورله ده رکز اعلام جلادت ارتسام برله اول امرده اعدای لئامک مظنه عبورلری اولان
مودوکیس و کلوح نام دره لر میانی سد و تسکین سوزش دل پرتاب ایچون نهر منبوردن
رشیه ریز امنیت اولدقلری دستهایه راه طبلری سد و بند ایدوب با جمه اجناد غیرت اعتیاد
قوللر مک میدان کار زار و عرصه صواش و پیکارده جلوه کرساھه ظهور و بروز اولان مردانه

وغيورانه حرکت واعمال طوب و خبره ايله اظهار صنایع و اتشبازی وايفای مراسم معركه پردازیده بذل جهد غيرت و حميتلري ملاعین مسفوريني بر همزده نجارت و حرقت دوش پيمای دهشت و حيرت ايدوب جان برد هان طوب و ادواتلري برا غهرق منهزمآ و مقهوراً كلد کاري محله طوغری افтан و خيزان بي سپر وادی خسaran اولدقلري اوزو و قلبرون قلعه لرنده اولان شرفمه کفارك دخی رسیده سامعه و حشتلري اولدقده يم جان ايله در عقب انلر دخی شتابان سمت فرار و قلعتين مرقومتین بي دغدغه کيرودار مکيد ضبط و تسخیره کرفتار او لمغله لله الحمد والمنه صدافسكاران دين و دولت و حق کذاران نان و نعمت اولان و کلاور و سانک کوكل بركی و جان سپاران دين مبين اولان کان نبرد آين و هات خدمه سداد و يقينک خلوص نيت و صفائ طويت بره سکينت و متنالتری ايله وجوده کلان خدمات حميده و مسامعه سعيده لري مقبول جناب خلافتماً و مورث انشراح خاطر معالي ايام او لد یغندن غيري بومسرات جليله کافه مسلمين و عامه عباد مؤمنينک قلوب لرينه افاضه سرور بيعايه و ايراث حبور مala نهايه امکين جمله کز دعای خير اجابت اثر ملوکانه به مظہر او لمش سزدر يوزلريکز داعماً آق و قلنجلريکز هميشه کسکين و دماء مشركين ايله الوده و براق اولوب سبيل دين ميلنده مجاهده صادقه کز مقابلی نان و نمک شاهانه سزلره حلال و خوشکوار و آلاء عن دارينده حصه مندو بهره دار اوله سز حالياً حقکزده سحاب برواحسانم باران ريز جود و عنایت و قلزم بي پيان مکارم عذيم الامتثالمِ موج خيز ساحت و عطوفت اولوب سنکه سر عسکر مشکور المأثرم مشار اليه سن خاصة خلم فاخره ملوکانه مدن سمور مستوجب الجبوره دوخته سکا بر ثوب خلعت مورث البهجه سلطاني و اسياف فاتحة الاكتناف خديوانه مدن بر قبضه شمشير ظفر تأثير خاقاني و همعنان مرافقت و ميان بسته اتفاق و متابعتك اولان وزراء مشار اليهمه دخی پيراييه الباس ايچون خلم پوستين سمور و مير ميران کرام خلم فاخره و برموجب دفتر بالجمله ضابطان ورؤسای عساکره على قدر مراتبهم تزيين واکسا ايچون خلم واوجيوز عدد سيم چلنک عنایت و احسانم و اظهار دليری و شجاعت ايدن اصحاب غيرت و حميتک کوشة دستار افتخاری شکوفه جفا ايله تزيين او لحق او زره دخی اعطای هایونم اولوب دوش و ميانکه اكتسا وزبور و برموجب دفتر ساڑلره اولانی دخی معیتكده بولنانلره اکسای دوش و تزيين سر وازو و قلبرونده اولنانلره عنایتم اولان تشریفاتی ارساله سعی او فر ايدوب دوام عمر و دولتم و قوام فروش و کنم ادعیه سن يکزبانه ایفاد صکره سنکه سر عسکر مشار اليه سن عهده که ترتیب و سر عسکر لکه لازم ولازب اولان امور و خصوصک

تمشیتنه مبادرت واوزو و قلبرون محافظلر يله دائما خبر لشہر ک طرف کدن اعاتی مقتضی خصوصده
امانت و مظاهرت واول اطر فلر ک دخی تقویت و متابعت رینه صرف تاب و طاقت و بوندن صکره
وارد اوله حق اوامر شریفه نک مضامین منيفه سن انفاذ و اجرایه سعی و دقت ایلک باينده
فرمان حاليشانم صادر او لمشدر بیور دومکه فی اواسط ب ۱۱۵۱

— ۱۸۶ —

ودین جانی سرعسکری وزیر محمد پاشایه و موروه سن جاغیله اطه کبیر قلعه سی محافظه سنده
اولان ابوبکر دام اقباله یه و حالا قلعه مرقومه محافظه سنده اولان مصر عسکری سرداری
دام عنزه یه ویدی او بجاق ضابطانی زید قدر همه حکم که
عسا کر مصریه او ته دن برو مأمور اولدقلری غزوات و محافظه لرده برسنه کامله آئمنه دك
دل جان وبash ایله خدمات هایونه قیام وایفای مراسم عبودیت اقدام تام ایدر سلطنت
سنیه مک معتنا و معتمد و ادب دین و مقبول السیر عسکر حیت پرور و لشکر جلادت کسترندن
اولملر یله هر حالده کندولره اعتماد و اعتداده شایان و بر محلده بولنلری خیر و برکت عد اولنفعه
سزا و ارزان اولوب و مقدمه اطه کبیر قلعه سی محافظه سنده مأمور اولان مصر عسکرینک دخی
مطلع منظومه فتوحات غزا اولان بویله بر حصن حصین و معقل استوار و معیته بولنلری
متین کورلسلکه عسا کر مرقومه نک برمعنای و قدیم سننه کامله انقضاس سنده دك قلعه مرقومه
محافظه سنده اولملری لازم ولا بد اولمقدن ناشی مستعيناً بالله تعالیٰ محل مأمور لرنده سننه
کامله آئامنه دك خدمت محافظه یه قیام و خلافندن ابقاء تام ایلملری باينده فرمان هایون
اطاعت نمونی شرفیافتہ صدور اولمغین اشبو امر شریفم اصدارو ... ایله ارسال او لمشدر
ایهدی وصولنده سنکه سرعسکر مشار و میر میران موی الیه سزا کر مصریه بی بر معتمد
قدیم سننه کامله لری انقضاس سنده دك قلعه مرقومه محافظه سنده اقامت و هیأت مجموعه لری تفرقه
و تشتندن و قایت و رتفقین صالح یورمیوب خدمت محافظه ده اعمالنه بذل مقدرت و سرکه
عسا کر مصریه سرداری و ضابطانی موی الیهم سزا دیدنه قدیمه و قاعدة مستدیمه کزا اوزره
سننه کامله تکمیله دك سر محل مأموره کزده کلا اول امر محافظه یه قیام و مباشرت و واقع
اولان خدمات علیه مده قلعه منبوره محافظی میر میران موی الیک رأی و اتفاقنه متابعت
و خلوص نیت و صفائ طویت اوزره از قدیم سزادن مشهود اولان غیرت و حیتی ابراز و بذل
مقدرت و نفرات کزی بر خوشیجه ضبط و ربط و هیأت مجموعه کزی تشتندن صیانت و امر
شر نفمک مضمون منيفه بلا ترد اطاعت ایلیه سزا ان شا الله تعالیٰ مدت مرقومه کز ختامنده

سزه اذن ویریلوب هر بریکنر خدمتگزاریکنر مقابل حال و شانسکنر کوره مظہر عواطف شاہانہم اوله جغکنر ملاحظه و تفکر و معاذ الله تعالی فرمان هایونه عدم اطاعت و اظهار رعونت و خشونت ایتدو کنر صورتده سزک ایچون محافظه دن چیقوب کنتمک امر محال اولدیغندن باشنه مبتلای محان و ملام و کرفتار اندوه والام اوله جغکنر دخی تأمل و تدبر ایدوب اکا کوره منید بصیرت اوزره حرکت و مقدار ذره خلافندن غایة الغایه حذر و محابت اولنق بابنده فرمان عالیشانم صادر 'ولمشدر بیوردمنک فی اواسط ب ۱۱۵۱

- ۱۸۵ -

بوجاق سر عسکری حلب کرای سلطانه حکم که
مدد کاری توافق ملک علام ایله بوعام طفر انجماده دشمن دین میین اولان نیچه
ومسق و ملاعینلرینک شیرازه جمعیت و سر رشتہ مقاومتلری عرضه تفرقه اندکسار و پانهاده
میدان عجب و اغترار اولان نیجه قلاع و بقاع داخل حوزه ضبط و تسخیر و نیچه لونک سد
سدید موجب الافتخارلری اولان اطه کبیر قلعه سی قوت بازوی اقتدار ایله ضمیمه ممالک
کشور کبیر قلنوب عموماً عنزات حیت شعار بخیص پر دلان تاتار جلادت رفتار ک ظهوره
کلان طنطنه غیرت و حمیتلری عالمکبیر و آفاق مسیر اولمغله لله الحمد و المنه هر جانب در اعلاء اعلام
اسلام اعلاء کلمة الله ده ثابت و بردوام اولدوغنه بناءً یاری باری ایله اول بهار خیسته اثار ده
دخی ملاعین مسفورین اوزرلرینه بر قاج قولدن سفر هایون حیت نمونم مقرر و محقق اولوب
لکن بویله هنکام فرصت غنیمت عد اولنق تمام موافق قانون حزم و احتیاط اولمقدن ناشی
مخاذیل کفاره قطعاً کوز اچدر لمیوب مملکتتلرینه قول قول اقینلر ویریلهر ک و دلاوران اسلام
اموال و اسارتی فراوان ایله اغتنام وعدوی لئامدن بروفق مرام اخذ ثاره انتقام اولنق
لازمه ذمت حیت دین و واجبه عهده سلطنت ابد قریندن اولمغله عموماً ممالک روم ایلنده
واقع انتہاب غنایم اعدا و احرار مثوابات غزایه رضالریله طالب و راغب اولان مردان حیت
سمات و غرات جلادت صفات انجماد انها ردک نیش و بوسنه و ایرشوه قوللرندن دیلد کلری
حلده تجمع و تحزب و چته یه استعداد حاصل اولدقده اوچ قولدن مرکز دائرة کفر و ضلال
اولان شهر بچه وار نیجه نیچه الکاسنی برای غارت و یغما و پازده مطایای قهر و تغلب ایتمک
اوzerه شهدیدن شرف صدور بولان اوامر شریفه مله ذکر اولنان قوللرده و بندره کیدنلر
دخی سنکه سر عسکر مویی الیسن سنک معیت کده حاضر و مهیا اولنق اوزره اولوب
و خصوصاً (البادی اظلم) لامعه سنجه محرك سلسنه مداد فساد و سبب اشتعال نائزه شقاق

وعناد اولان مسقو کفره‌سی اوته‌دن برو شعاع حسام جنکیزیه‌یه تاب نظاره مقاومت کتورمدکلری جهتندن مقتضای جبلت لئیمه‌لری اوزره فص‌نکین اقلیم قریمه معاذالله تعالی برطريقله پچه‌زن خسار و محوررسوم حمیت جمهور تاتار اوملق فکر فاسدنده اولوب و حتی بوندن اقدم قریم و بو جاق وتن [۱] طرفلرینه بالدفعات سوق و تسیرا یلدکلری متعدد طابور مقهورلرینه چاریچه‌لری طرفندن توارد ایدن اوراق عاطله‌ده دخی حکم قضای متحتم الرضایی حاشا تغییر تصویریه اجناد وغا اعتیاد تاتاریه‌نک عموماً رجال ونسارین بعد الاستیصال مهمل قتل اطفال نمود و فرعونی اجراده پچه مفاسد و مضاری ایقاعه اجترا ایلملری ترقیم و تحریر اولندینی اخذ اولنان کاغدلرینک مفهوم‌لرندن نمایان اولمقدن ناشی شدت غیظ وحدت وبغض و غرضلری مرتبه حدی تجاوز ایمکله ان شالله تعالی خریطة تصویرلرندن مرتسم اولان قضیه ماده کندو اوزرلرینه منعکس اوملق الطاف خفیه جناب منتقم قهاردن ملتمن اولوب و بومرام خبرانجامک حصولی اول اشرار بیدینک مدار تدارکات عت وعتاد ودار الشقاوه تجمع و احتشادری اولان کزیده مملکتلرینک هدم و خراب و اشیانه بوم و غراب اویلسنه منوط وفي الاصل قزاق اراضیی اولان مسقو اوقرانیه‌سی اراضی معموره‌لری اویلغله مجموعی لوازمات و تدارکاتلری اوحوالیلرده کورلیکه موقوف و مربوط اوملق حسیله کرک باجمله اوقرانیه و کرک حدود معینه سیله کیو [۲] قلعه‌سی حوالیسی و كذلك قوبان طرفندن تن صوینک جانب شرقيستنده واقع اتل [۳] صوینه وارنجه‌یدک عموماً قاموق مملکتلری کرکی کبی تاخن و تاراج اولندینی صورتده ملاعین خاسرینک بر درلو حرکته سعادت اکتساب منکلی کرای خان دامت معالیه طرفلنندن قاموق مملکتلرینک هدم و تخریب قوبان سر عسکرینه احالة و ماعدا نهر صهار و کوچک تن و بیوک تن صولری طرفلرینه وجه مناسب اوزره برقاچ قولدن کندولری لجام کمین شهامتی اماله و تعلیم و اشارتلری ایله اویزی طرفندن برو جانبک یغما وغاز‌تی سکاحواله برله بروجه معتاد اقتضاسته کوره ییرییر یساولر ترتیب و تسویه ایتدرک بلطفه تعالی بوزمستانده بوطرز و ترتیب اوزره مجموعی‌الی ویا خود بش قولدن گمالک مسقه مردانه وغیورانه هجوم واقتحام اویمسنی ولکن دولت علیه‌مک دوستی اولوب بو آن‌هده دوست‌تلغنده ثابت قدم و راسخدم اولان لهلو اراضیسته زنها روزنها راطالله اقدامه اخبار و رحایاسنه وجهاً من الوجهه ایصال حقاردن بغايت اتهاء تام ایلملرینی عموماً

[۱] دون نهری - [۲] کیهف - [۳] وولغا نهری

چاپوله کیدن طوایف عسکریه یه طرف ایلخانیلرندن کرکی کی تنبیه و تأکیده اقدام ایللری مفصل و مشروح نامه هایونم ایله خان مشارالیه توصیه و سپارش اولوب و سن بو وقتهدک اغور هایونمده جانسپارلوق مراسمته رحایت و رضای هایونم موافق حرکت ایتما کدن ناشی بوندن بویله دخی مقدمات نیچه خدمات سعیده و مساعی پسندیده ظهوری مایحوظ هایونم او لمغله بروجه محرر سندخی ذاتکده اولان شجاعت و حیث مقتضاسنجه چاپول ایچون تجهیز اجناد و ترتیب عت و عتاده مبادرت ایلک فرمانم او لمغین مؤنسکه عون و مدار اولمک او زره عواطف علیه خسر و انهمدن بیک غوش احسانم اولوب . . . ایله ارسال او لنشدر ایمدی وصولنده عطیه هایونمی وضع جیب مفاخرت ایلدکدن صکره برمنوال مشروح بوقیش چاپول ایچون تجهیز اجناد و ترتیب عت و عتاده مبادرت و بندر سر عسکری وزیرم ولی پاشا ایله دخی خبرلشوب اولظرفده چته ایچون تجمع ایدن دلاورلری دخی یانکه جمع و هیئات اجتماعکزی خان مشارالیه طرفلرینه اعلام و اشارت و طرفلرندن وارد اولان خبر مقتضاسنجه بعونه تعالی ممالک مسفوره برای تدمیر و غارت سوق کتبیه مهابت متوجه او لمدینی وجهه لهلو اراضیسنه و رعایسته وجهاً من الوجه تعرضدن بغايت محابیت او لنهرق سندن مامول او لمدینی او زره النجق مساقو مملکتلرینی تاخن و تاراج و رجاللرین سهام قهر و انتقامه آماج ایلکه نثار نقدینه قدرت و مکنیت ایلک بازنده فرمان عالیشانم صادر او لمشدر

فی اوائل ش ۱۱۵۱

- ۱۸۶ -

بوسنہ والیسنه حکم کہ

بعنایة الله الملك العلام بوعام فوز انجامده دشمن دین اولان کفره لئامدن اخذ ثار وانتقام وبلغراد وطم Shawar قلعه لرینک تزع و استیصالریله اغتنام او لنق اقدم مرام دولت ایلی القیام او لدوغنه بناء طرف ترتیب عت و عتاد و تسییر جیوش و اجناده فوق العاده دقت و اهتمام حالتلری مصمم و سنه ماضیه ده سنکله قرارداده او لمشیکن اقتضای وقت و حال وبعض عوارض و اشغال حسیله عقدہ تائیه قلان تصمیم و عنیمت اردوی هایونمک برو جانبدن و سنک دخی از مدت ظرفندہ محاصرہ قلعہ بلغرادہ بالاتفاق هجوم و اقتحامه تشییر ساق میثاق کیفتی ایدی عون و عنایت باری ایله بو بھار فوز اشتہارده بو عنیمت مشمر البرکتک تجدید و ترویجی مقرر و مستلزم اولوب والحالۃ هذه ترتیب مقدماتنه مبادرت و تدارک اسبابنہ شروع و مباشرت و قتلری تقرب ایتمکدن ناشی اکرجہ على العموم سفر مرودت اثره

داڑ ترتیب عسا کر و تنظیم ادوات و ذخایز مفهومیتیه ابتداء و بر طرف دن اعداد و احصار لرینه
 صرف وسع و اقتدار او لندگه در لکن بالخصوص معیتکه مقتضی اولان عسا کر و مهمات
 و لوازم و ادواتک و جمعاً من الوجه بر ماده سند نقصان و قصور او لندگه ایچون ایشک
 اقتضاسنه قیاس ایله بالجمله تدارکات ده مقدار لزوم و کیفیت و کمیتله رأی و تصویب و تحریر
 و تنصیصکه احاله او لندگه سند معیتکده احتشاد ایده جلک عسا کردن علی طریق المناصفه تخیلینا
 اون ایکی بیک مقداری بوسنه قلایعی نفراتی و کندو قپوک خلفی و ایالت بوسنه عسکری
 و قبوم قوللری معیتکده اولان میر میران کرامک داڑه لری طاقهندن فضله نمقدار عسکره
 دخی محتاج اولدوغی و ادوات ضرب و مهماتدن نمکوه تدارکات مقتضی ایدوکی و نه طریقیله
 تسبیح و ارساللر ناده سهولت و امکان اولدوغی و مجددآ ترتیبی اقتضا ایده جلک عسکرک نه جانبلر دن
 و قنیع طایفه دن و نه صنفدن ترتیب و تحریری انسب ایدوکن و ان شاء الله الرحمن لوازم
 و ادوات و عسکر و مهماتی بعد الاستصحاب کچن سنه ده تصمیمک، اولان براجهه نام معبردنی
 و یاخود آخر محلدنی توجه و عنیتک واردوی هایونک نیش حوالیسنہ وصولنده سند
 نه جانبده بولنک و نهر صوه اوزرینه انشائی اقتضا ایدن جسرک نه سمتدن و صل و مرور
 او لندگی مستحسن ایدوکی و بوندن اقدم معرفتکه جسر مذکور ایچون تهیه و احضار
 او لندگ طوبنیاز لردن و سائر لازمه سندن مجموعی موجوده دلکلیدر و موجودلرینک مجموعی
 عمله صالحیدر یوقسیه بعضاً تعمیره وبعضاً تجدیده محتاجدر والحاصل بر تدارکده و قتیله
 ایراث فتور ایده جلک بر درلو نقصان و قصور قلمامق وجهمه طرفکه مقتضی اولان مجموع
 لوازم و مهمات و عساکر و ادوات کاینیغی نقیر و قطعی اعلام و تحریر ایلکه انتظار و تحریر
 والتماسکه تطبیق ایله هر کونه لوازمک تدارک و احضارینه بذل و سع و اقتدار او لندگی معلومک
 اولوب یاری توافق باری ایله بو سنه مبارکه مطمئن از ظاهر دولت ابدی الاستمرارم
 اولان مقاصد و مرامک بروفق دخواه تحصیلی ضمته کرک عسا کر و مهمات و کرک لوازم
 و ادواتک علی وجه الاستیفا رؤیت و تدارکلرینه اهتمام واعتنا او لندگی ظاهر و هویدا و تخصیص
 سندن برشی درینع او لندگی هرنکه طلب والتماس ایدر ایسک بروفق مطلوب تمثیلرینه
 مبادرتک کیفیتی ملتزم ایدوکی معلومک اولدقدن صکره بر منوال محرر کرک معیتکه مجددآ
 ترتیب و تسبیحی اقتضا ایدن طائفه عسکرینک و کرک ذکر او لندگان لوازم و مهماتک مقدار
 لزوم و کیفیت و کمیتلهین علی ما یابنیغی تحریر و اشعاره صرف اقتدار ایلک فرمانام اولمغین بروجه
 محرر خصوصات مرقومه معلومک اولدقده هر ماده نک مقدار اقتضا و هیأت و ترتیب و کیفیت

تسیرلرین و جمله لوازم دونمانک بعداً کمال نه محلدن توجه ایده جک واردوی هایونم نیش
حوالیسنه و رومنده سنک نه محلده بولنگه قرار ویره جک علی العجله تحریر واعلام و مرتب
عهده ذمت همتک اولان محافظه سرحد و مملکت و دیار نیکبتمدار دشمنه امکانی مرتبه ایصال
خسارت خصوصلرینه صرف جد همت و بذل ماحصل تاب و طاقت ایلک بازنده فرمان
مالیشام یازمشدر فی اواخر ش ۱۱۵۱

— ۱۸۷ —

بوندن اقدم اطه قلعه سی محافظه سنه مأمور و تعیین قلننان مصر عسکرینک سرداری
دام عنزه و بلوکات سبعه ضابطانه و سائر رؤسای عسکره حکم که
اوتدن برو اسفار هایون ایچون جانب مصردن اخراجی فرمان اولان مصر عسکرینک
جمله سی اغز علوفه لو صاحب اسامی اولوب ایچلرنده عکام و مشعله جی مقوله سی اولما مق
و تمام اوچ بیک نفر کیزیده تفنک انداز عسکر اولوب نقصانی واچلرنده عمل مانده سی بولنما مق
واوچ سنه کامله تمامنه دک مأمور و تعیین قلنندقلری محافظه و محاربه ده هیئات مجموعه لریله
بذل نقدينه وجود ایتمک از قدیم صرعی و معابر اولان قانون و قاعدة مستدیمه ایکن
سرکه موی الیهم سر بوندن اقدم اطه قلعه سی محافظه سنه مأمور اولدیغکیزده عکام
و مشعله جی مقوله سیله معه مجموعه کیز بیک بشیوز نفره بالغ اولدیغکیز شهارنده ارباب
وقوف اولمغله بوباده ظهور ایدن حرکات ردیه کیز مظہر اشد عتاب و عقاب اولمکیزی مستلزم
ایکن حق کیزده عفو و صفح ملوکانه درکار و سنه کامله ختامنه دک قلعه من بوره محافظه سنه
ابتدار ایلکیز بازنده فرمان جهان مطاعم اصدار اولنوب بلا ترددا مثال و اطاعت لازمه
حالکیز ایکن بودفعه و دین سر عسکری طرفه کوندر دیکیکیز کاغدلریکیز در علیه مه کلوب
خلاصه مفهوم لرنده کویا مجددآ مأموریت لریکیزی مشعر شر فیافته صدور بولان خط هایون
شوکت مقر و نله معنون اصدار و ارسال اولنان امر شریفم قلعه مرقومه دن خروج کیزدن
صکره رو سحق نام محله وارد اولدوغن و مقدما محافظه مرقومه يه مأموریت کیز بازنده
شر فریز صدور اولان امر عالیشانک مضمونی اوزره روز قاسمدن اوتوز کون مرورنده
خدمت کیز ختم پذیر اولمک حسیله دفعه ثانیه ده شر فیخش ورود اولان امر جلیل الشانک
وصولندن مقدم خروج و حرکت ده محدود اولدیغکیز ایراد و بیان اولمش لکن ورود ایدن
کاغدلریکیزده تحریر و تصریح اولندیغی اوزره سرک محافظه مرقومه دن خروج کیز روز
قاسمدن دخی یکرمی اوتوز کون مقدم اولمک اقتضا ایمکله بوم قوله مرتب حرکت جسارت

بوانه‌دک مصر عسکرنده رونما اولان انقیاد و عبودیته منافی بر کیفیت اولمقدن ناشی سزک بلا امان جزا کن ترتیبی لازم کلشدر انجق برقاچ قدیم نفراتکن اوج بیکه تکمیل و بران اقدم هیئات مجموعه کن ایله بندره واروب وصولکن تاریخندن بر سنه کاملاً تمامنه دک بندرده موجود اولوب بندر سر عسکری وزیرم ولی پاشانک امر و رأی او زره عمل و حرکت ایلکن شرطیله بو دفعه جزا کن ترتیبندن اغماض اولنوب شروط مرقومه او زره مجدد آ بندره مامور و تعیین قلنمش سکندر اشبو امر شریفم . . . ایله وصولنده تخلیص کریبانه جرأت و سرپچه قهر و غضب شاهانه مدن رها و نجات سزه لازم ایسه کوزیکنی اچوب عقب کارده ظهور ایده جک و خامت و ندامتی بر خوشجه تدبیر و تأمل و وجهه سلامتکنی کرکی کبی ملاحظه و تحمل ایده کن نفراتکنی کنیده و توانا اولمقو اوزره نوجهه و نه طریقه اولور ایسه علی ای حال البته والبته اوج بیکه تکمیل و نقصانی و ایچلرنده علیل و ناتوانی اولماق اوزره هیأت مجموعه کن ایله معجله ایلکنندن قالقوب بر آن اول و بر ساعت مقدم بندره واروب وصولکن تاریخندن بر سنه کامله ختامنه دک بندرده موجود بولنوب امر محافظه ده و سائر اقتضا ایدن خدمات علیه مده سر عسکر مشار الیک امر و رأینه متابعت و تلافی ماقاشه مبادرت ایلیه سز شویله که بوندن بویله دخی بعض اعذار و عملت ایرادیله قانون و قاعده کنیه مغایر حرکت و تضادن تکاسل و رخاو تکنیز ظهور ایده جک اولور ایسه بلا امان قتل اولور سز اکا کوره حرکت و سرم و خلافندن حذر و مجانب ایلکن با بنده فرمان

حالیشان یازلشدر فی اواخر ن ١١٥١

— ۱۸۸ —

یاغودینه محافظه سنه مامور اوخری و آلاجه حصار سن جاقلری متصرفی سلو پاشا

زاده حسن دام اقباله یه حکم

سنکه میر میران موییه سن بودفعه طرفکدن کلان کاغدده بلغراد قلعه سندن بو خلاله بر مقدار کفره چیقوب رو دنیق پلنقه سنی غارت و درونندن چیقان مسلمین او زیچه طرفنه ارسال و سندخی در تیوز نفر لوندات تدارک واوزر لرینه ایصال ایتمشیکن ملاعین خاسین فرار ایلدکلری تحریر اولنمش محافظه سنه مامور اولدوغک یاغودینه قلعه سنه بوندن ترتیب اولنان یلو نفراتندن باشقة آلتیشور ایلق علوفه و بخششلریله ایکی دفعه ده التیوز نفر میری سوار لوندات و سمندره سن جاغنک زعما وارباب تیماری ترتیب و تعیین قلنديغندن غیری حسن پاشا پلنقه سنی دخی یلو قولی ترتیب اولنوب و طپراق قلعه واولحوالی محافظه سنه دخی

یرلو قولندن غیری اتی ایلو علوفه و بخشش ایله ایکیوز نفر پیاده میری لوندات تخصیص
و تعین قلمغله بوصورتده او جانبدره قتی وا فر عسکرک وجودی ماحوظ او مغله بویله حالت
حدوثنده بربیکز ایله خبر لشوب او لحوالی کید و کزند اعدادن محافظه ایلک لازمه ذمتك
ایکن ذکر اولنان شرذمه قلیله نک قهر و تدمیر لوندہ ظاهر اولان رخاوت و قور کدن ناشی
مستحق اشد عتاب و عقاب او لمش سیندر فیا بعد او لحوالیلری مکیدت اعدادن حفظ
و حراثت و همان بلغراد قلعه سیندن دشمن چقار تمامغه اهتمام و دقت ایمک ایچون روم ایلی
ایالنی او بی سیندن سلانیک دلوینه و کوستندیل واسکندریه سنیجا قلرینک زعما وارباب
تیمارلری معجلاً معیتكه واروب او لحوالیلرک محافظه سننه قیام و رأی و امریکه اتباع ایلک
اوزره بشقه امر شریفمله مأمور و متوفی ککه محمد پاشا زاده حسن پاشا دخی با باسی
یرینه طپراق قلعه و موروه حوالیلری محافظه سننه تعین و ترحاله سنیجا غی دخی کنندویه توجیه
اولنوب سنکله خبر لشہرک قهر و تذلیل دشمنه ابتدار ایلسنی بشقه امر شریفم ایله توجیه
و تنبیه واسکوب سنیجا غی دخی قرنداشی علی دام عنزه یه میرلوالق ایله توجیه و ایکیوز نفر
سواری ایله اولدخی معجلاً کلک اوزره قرنداشی میرمیران موییالیک معینه تعین قلمغله
اشبو امر شریفم اصدار و... ایله ارسال اولنیش در ایمدى وصولنده بوندن صکره امر
محافظه ده و تدمیر و استیصال اعداده قطعاً قصور و فتور کوسترمیوب مقدمما ترتیب اولنان
میری لوندات ویرلو نفراتنک و كذلك سمندره سنیجا غی زعما وارباب تیمارینک نقصانی وار
ایسه بلا ترد معجلاً نقصانلرینی تکمیل و میرمیران موییالیه ایله خبر لشہرک و دشمندن
بران غافل اولیه رق حاضر و مهیا طوروب اعدادی دینک بلغراددن بر خطوه برویه تجاوز
ایتمامی امرینه اقدام و برجانبدن ظهور ایدن دشمنک قهر و تدمیر لرینه اهتمام ایلیه سن
شویله که بوندن صکره دخی بوکونه بر امر ناملايم حدوث ایده جک اولور ایسه بلا امان محکم
حق کدن کنه جکی محقق در اکا کوره حرکت و مقدارده رخاوتدن غایة الغایه حذر و مجانبت
ایلک بابنده فرمان حالیشانم صادر او لمشدر. ف اوائل ش ١١٥١

— ١٨٩ —

بندر سر عسکری وزیر ولی پاشایه حکم که

له دولتی و جمهوری دولت علیه ایله قریمک هم جواری و صادق دوستی او مغله کرک
بوجانبدن و کرک انلر طرف لوند مغایر شروط مصافات و منافی لوازم دوستی و موالات
بوانه دک مقدار ذره حرکت صدور ایمیوب فیا بعد دخی مراسم هم جواری و مسامته هزید

تَقْيِدُ اُوزْرَه رَعَايَتٌ وَشَائِبَةٌ نَفْضٌ وَانْحِلَالُ الدُّنْ حَفْظٌ وَوَقَائِتٌ اُولُّنْقٌ اَقْصَاءٌ مَرَامٌ خَيْرٌ اَنْجَامٌ
 شَاهَانَهُم اُولُوبٌ وَكُچْنٌ سَنَهُ نَهْرٌ طُورَلَهُ حُوا يِسْنَهُ اطَّالَهُ پَایِ شَقْلَت اِيدَنْ مَسْقُو طَابُورِينَك
 مَدْعَرَآ وَمَقْهُورَآ لَهُلُو حَدَّودَى قَرْبَسْدَنْ رَهُ نُورَد فَرَارٌ وَخَيْتٌ اُولُدِيْغِي اِشَادَه عَقِيْدَار لَقْلَرِينَه
 مَسَابِقَت اِيدَنْ طَوَافِيْف عَسْكَرِيَه وَاجْنَاد تَاتَارَدَنْ بَعْضِيلَرِي لَهُلُو طَائِفَه سَنَه اِيْصال خَسَارَت
 وَسَبِي وَاسْتَرْقَاق مَثَلَلو حَرَكَاتَه مَبَادِرَت اِيلَدِيلَر دِيو بُودْفَعَه دَوْلَتِي وَجَهْوَرِي طَرْفَنَدَن
 مَخْصُوصَآ اَدْمَلِرِيه در دَوْلَتَدار مَه اَفَادَه وَانَهَا وَأَوْمَقُولَه لَهُلُو طَائِفَه سَنَدَن سَبِي وَاسْتَرْقَاق
 اُولَانَلَرَك سَبِيلَلَرِي تَخْلِيه وَلَه جَهْوَرِي طَرْفَنَه تَسْلِيم اُولَنَلَرِي بَانَدَه اَسْتَرْحَام وَاسْتَدَعَي
 اُولَنَغَلَه وَجَه مَحْرَر لَه دَوْلَتِي وَجَهْوَرِي طَرْفَلَرِينَه وَجَهَهَا مِن الْوَجْوه ذَرَه قَدْر اِيْصال خَسَارَت
 وَلَهُلُو طَائِفَه سَنَك بَرْدَلَو سَبِي وَاسْتَرْقَاق اُولَنَلَرِينَه قَطْعَه رَضَاءِ هَايَونَم اُولَمِيَوب وَجَوَه اَمْنِيت
 وَلَوَازَم جَلْب خَاطِر لَرِينَه رَعَايَت اُولَنَق مَطْلَوب اُولَدُونَغَنَه بَنَاءً فِي الْحَقِيقَه لَهُلُو طَائِفَه سَنَدَن
 سَبِي وَاسْتَرْقَاق اُولَنَش كَسْنَه وَار اِيسَه كَرْكَى كَبِي تَفْتِيش وَتَفْحِص بَرَلَه عَلَى اَيِّ حَال لَه
 جَهْوَرِي طَرْفَنَه تَسْلِيم رَلَه جَهْوَر مُومِي الْيَهْمَدَن سَنَدَلَوب در عَلَيْهِ مَه اِيْصال وَارْسَالَه
 سَعْي وَدَقْت وَبَعْدَازِن لَوَازَم مَصَافَاه كَمَال رَعَايَت اِيلَلَرِيچَون خَوَتِين مَحَافِظَي وَزِيرَم قَوْلَچَاق
 الْيَاس پَاشَايَه وَبَوْجَاق سَرْعَسْكَرِي حَلِيمَ كَرَايِ سَلْطَان زَيْد عَلَوَهِي بَشَقَه بَشَقَه اوَامِر شَرِيفَه مَلَه
 تَوْجِيه وَتَذْبِيه اُولَنَغِين سَنَكَه سَرْعَسْكَرِي مَشَار الْيَهْسَن سَكَادَنْخِي مَخْصُوصَآ اَشْبَو شَرِيفَه اَصْدَار
 و ... اِيَله اَرْسَال اُولَنَشَدَر اِيمَدَى وَصَوْلَنَدَه بَرْ مَنَوَال مَشْرُوح لَه دَوْلَتِي وَجَهْوَرِي
 دَوْسْتَلَقْلَرَنَدَن پَابِرْجَاي ثَبَات وَمَتَافَت وَطَرْفَلَرَنَدَن مَرَاسِم موَالَاتِه رَعَايَت اُولَنَق حَسِيلَه طَرَف
 سَلَطَنَت سَنِيه مَدَن دَنْخِي اَفْلَرَك وَجَوَه موَاد اَمْنِيت وَصَنُوف لَوَازَم اَطْمِيَان وَرَاحِتَلَرِي مَلْتَزَم
 اِيدُوكَى مَعْلُومَك اُولَدَقَدَه سَنَدَنْخِي اِصْنَاف عَسْكَرِيَه وَسَأَرْلَرِي يَدَلَرَنَدَه بَولَنَان اَسَارَايِي كَرْكَى
 كَي تَجَسِّس وَتَفْحِص اِيدُوب فِي نَفْسِ الْاَمْر لَهُلُو طَائِفَه سَنَدَن سَبِي وَاسْتَرْقَاق اُولَنَش وَار اِيسَه
 عَلَى اَيِّ حَال الْبَيْه وَالْبَيْه هَرْزَهَدَه اِيسَهَلَر بَولَدَرَوب جَهْوَر مُومِي الْيَهْم طَرْفَلَرِينَه تَسْلِيم بَرَلَه
 يَدَلَرَنَدَن سَنَدَات مَعْتَبَرَه الَّوَب در سَعَادَه اَرْسَال وَبَعْدَالِيَوْم بُوكُونَه نَامِرَضَى حَرَكَتَه جَسَارَتَدَن
 جَمَلَهِي مَنْع وَزَجْر وَتَحْوِيف وَتَحْذِيرَه اَبْتَدَار وَلَهُلُو اِيَله پَذِيرَه اَسْتَحْكَام اوَلان مَصَافَات
 مَشِيدَه وَموَالَات مَؤَيدَه نَك شَرُوط وَقِيَودِيَي خَلَل نَظَر دَقَقَنْ صِيَانَتَه بَذَل اَقْتَدَار وَزَنْهَار
 وَزَنْهَار وَسَرْمَو تَقْصِير وَتَعَاصِي وَذَرَه قَدَر تَكَاسِل وَتَعَامِيدَن غَايَه الغَايَه اَحْتَاز وَاجْتَنَاب
 اِيلَك بَانَدَه فَرَمان حَالِيشَان يَازِلَشَدَر فِي اوَاسِطَه ذَا ۱۱۵۱ — بَرْ صُورَتِي خَوَتِين مَحَافِظَي
 قَوْلَچَاق الْيَاس پَاشَايَه بَرْ صُورَتِي بَوْجَاق سَرْعَسْكَرِي حَلِيمَ كَرَايِ سَلْطَانَه

- ١٩٠ -

اولاد فاتحان اشکنجهیلری اخراجنه بوندن اقدم مباشر تعین او لنان در کاه معلوم کدکلورندن قره بکر و سلانیک سنیجانی متسلملرینه واولاد فاتحان نفراتنک باشبو غلری و چری باشیلرینه حکم که

اشبو سنہ مبارکه اول هارندہ نیچه و مسقونه کفره لری او زرلرینه بر قاج قولدن مصمم و مقرر اولان سفر هایونه اسفار سالفه دن مقدم حرکت لازم کلده یکنہ بناءً صدر اعظم و سردار افخم و امجدمک و سار اوجاقلم ضابطانک تو غلری اشبو ماه ذی القده نک اون برنجی جمعه کونی اخراج اولنوب مقارت فوز و نصر و مرافت یمن ویسر ایله اردوی هایونک قریباً توجه و عنیت ایلسنه قرار ویریلوب والحالة هذه خوتین قلعه سنک توفیر عسکر ایله متأنث واستحکامی لازم و مهم واولاد فاتحان کی معتنا و کزیده لرکاندہ بولنلری واجب و متحتم اول مغلہ سنکه مویی ایله باش بو غلرہ و چری باشیلرینه بوندن اقدم اخراجی فرمانم اولان اولاد فاتحان نفراتی تمامًا و کاملًا اخراج و ان شا الله تعالیٰ بر ساعت اقدم وارمک او زرہ مجددًا خوتینه مأمور و تعین قلنمش سزدر ایمدی اشبو امر شریفم . . .
 ایله وصول بولدینی اندہ سنکه هباشر مویی ایه سن تحریر و اخراجنه مأمور اولدینگ اشکنجه اولاد فاتحان نفراتی بر فردی نقصان اولما مک وجہیله تمامًا و کاملًا یرلرندن بعد الاحراج بر فردینی کیرویه بر اقیوب جمله سنی یانکه الوب و بر یوده توقف ایمکسزین وصاغ وصولنه صاپقسزین طوغری یولدن سیر سریع ایله کیدرک بمنه تعالیٰ بران اقدم و بر قدم مقدم عجالة خوتینه ایصال و تسليم وحالا خوتین محافظتی دستور مکرم وزیرم قولچاق الیاس پاشا ادام الله تعالیٰ اجلاله دن تمامًا ایصال و تسليم کی مشعر سند الوب سند مرقومی معجلہ اردوی هایونه ایصال و سزکه باشبو غلر و چری باشیلر سز نفراتکیزی تمامًا یراقلری یکنیز التنه الوب بر نفرینی کیرویه قومیوب هیأت مجموعه کنیز ایله هباشر مویی ایله معرفتیله بران اقدم و بر قدم مقدم عجالة و مسارعة خوتینه واروب امر محافظه ده و سار اقتضا ایدن خدمانده خوتین محافظتی وزیر مشار الیک امر و رائینه اتباع و موافقت و سنکه متسلم مویی ایه سن نفرات مرقومه نک معجلہ اخراجلرینه و سریعاً صوب مأموره وارملرینه منزید سعی و دقت ایلیه سن نفرات مرقومه نک بر کون اول خوتینه وصوللری نیچه فوائدی مستلزم اول مغلہ شویلکه ادنی قصور و رخاوت و یولده و ایزده ایاق سورنیه کی خلاف مرضی حرکتکنیز مسموع اولور ایسه سنکه هباشر مویی ایه سن سنک و باشبو غ و چری باشیلرینک

بلا امان حقلریکزدن کلنجهکی و سنکه مقتول مومی الیسن سنگدختی اخراج و تسبیلورنده
قصورک ظهورایدرایسه بلا امهال مستحق عتاب او لاجفکی مقرر بلوب اکا کوره حرکت
واشنای راهده نفرانی ضبط و ربط ایدرک ادبانه کیدوب نفراتک مکث و مجاناً برنسنه‌سی
النقدن و برفرده خلاف شرع شریف جور و تعدی او لتقدن و شکایتکز ظهور ایده‌جک
وضع وحالتن جمله‌کز غایة‌الغايه انقاد و مجانبنت ایلکز بابنده فرمان عالیشان صادر اولمشدر
فی اواخر ذا ١١٥١

— ١٩١ —

بروجه مالکانه منتشا سنجاغی متصرفی قزل‌حصارلى مصطفی دام عنزه‌یه ولواء منبورک
امداد سفریه‌سی تحصیله مباشر تعین اولنان رضوان عثمان و حالادریاپودانی اولوب آستاده
سعادتم قایمقامی و کیلی اولان وزیر سلیمان پاشا طرفندن مباشر تعین اولنان ... زید
مجدیه حکم که

بحرسیاه طرفنده واقع اولان سفر هایونم ایچون بحر سفید جانبدن ترتیب و تجهیزی
فرمانم اولان میری فرقته واشقامپویه لرک قپودانلری سالیانه‌لریله لونداتک ویریله‌جک اجر تلریچون
مالیه طرفندن ویریلان احکام شریفه موجبل‌نجه سنکه مومی الیسن عهده کده اولان
یوز الی بر سنه‌سی منتشا مقاطعه‌سی ایچون و مقاطعه منبورک جبهی یومیه‌سی اچه‌سندن
یوز الی ایکی سنه‌سی عهده کده اولان لواء منبورک عوارض و بدل نزالری مانندن من حیث.
المجموع اوتوز بیک بشیوز سکسان ایکی بحق غروش ایله کذلک سالف‌الذکر قپودانلرک
سالیانه‌لریله لونداتک ویریله‌جک اجر تلریچون یوز الی ایکی سنه‌سنه محسوب‌باً منتشا سنجاغنک
تحصیلی فرمانم اولان سکز بیک ایکیمیوز الی غروش امداد سفریه اچه‌لری امور مهمه
مستعجله‌یه حواله اولنش اچه‌لردن اولوب بران اول تدارک و قبضنه مأمور‌تسیم ایله‌سفاین
مذکوره‌نک برساعت اول صوب مأمور‌لرینه سوق و تسبیلری اهم مهام لازم الاهتمامدن
اویلغله تأکیداً واهه‌اماً دیوان هایونم طرفندن دخی اشبو امر شریفم اصدار و ... ایله
ارسال اولتیشدیر ایدی وصولنده بو بابده عذر و علت ایرادیله قطعاً امرار وقت ایلیوب
مالیه طرفندن ویریلان احکام شریفه منظوقی اوزره در حال‌هان مبالغ مذکوره‌یی هنونوجهه
اولور ایسه اولسون تماماً تدارک و معجلان قبضنه مأمور اولنله ادا و تسیم ایله غنیمت کار
وکال تقدیر واهه‌مam و سرکه مباشران مومی الیه‌ماز سزدختی بو خصوصده رخاوت
و تکامل ایلیوب ترک راحت و آرام ایله اخذ و قبضنه مأمور اولدیغکز مبالغ مذکوره‌یی

بر ساعت مقدم جمع و تحصیل و مأموراً ولدیگر کزاوزر هسفاین من بوره نک قپودانلری سالیانه لرینه و نفراتنک اجر تلرین توزیع و تقسیم ایله بر قدم معدهم ادب خدمته زیاده سعی و اقدام ایلیمه سر سفاین مذکوره نک تجهیز و تکمیل و بر قدم مقدم صوب مقصوده سوق و تسییرلری مطلوب ایکن سالیانه و اجر تلری و قیله و رلامکدن ناشی معاذ الله تعالیٰ تأخیر و تعویقنه باعث اولور حرکتکز ظاهر اولق لازم کلور ایسه سر که میر مبادران موئی الیه ماسز عذر و علتکز بدرلو مسمو غ اولیوب بلامان حقلریکز دن کلنہ جکی محققدر اکا کوره حرکت و مقدار ذره قصور و رخاوتدن غایه الغایه حذر و مجانبت اولنق بابنده فرمان حالیشان یازمشدر

فی اوائل ذ ١١٥١

- ١٩٢ -

روم ایلی والیسته حکم که

اردوی هایون نصر تکرونم اشبو ماہ ربیع الاولک یکرمی بشنبجی کوننده مستعیناً بالله تعالیٰ صوفیه صحرا سندن حرکت و طوغری صوب مرآمه توجیه لجام عنیمت ایتمک اوزرہ اولوب و صوفیه ده قزل یوقشه وارنجه دراغمان بوغازی واولحو الملدہ حفظ و حراستی و امد شد ایده جک اصناف عسکریه واولاقلر وسائیر ابناء سبیلک حمایت و صیانتی اقدم مهام لازم الاهتمامدن اولق حسیله ذکر اولنان قزل یوقشه وارنجه دک دراغمان بوغازینی محافظه ایچون کچن سنه ترتیب و تخصیص اولنان یوز الی نفر پیاده والی نفر سواری مجموعی درت بیراق ایکیوز نفرک اوچر آیلق علوفه و تعیناتلری حساب اولندقده بش بیک یتمش ایکی بحق غروشه بالغ اولوب مبلغ مرقومک درت بیک اوچیوز یتمش ایکی غروش علوفه و یا یدیوز یکرمی غروش دخی تعینات بها اولدینی اولوقتده باش محاسبه دن ویریلان دفتردن منفهم و حوزه حکومتی اولق تقریبی ایله محافظه مملکت ایچون ترتیب اولنان لوندات مرقومه نک علوفه و بخشش و تعیناتلری سلفک وزیرم کنج على پاشا طرفمند ویرملک شرطیه اولقدار زیاده و سواری لونداتک مجدداً تحریر و محافظه مرقومیه تعین و تقریرلری فرمان اولمغلہ اشبو امر شریفم اصدار و ... ایله ارسال اولنشدر وصولنده بروجه محرر ذکر اولنان محللرک محافظه سی اقدم اموردن اولقدن ناشی پیاده و سواری اولقدار نفراتی مناسب اولان محللرده معجلان تحریر و تکمیل ایت دروب آدمکدن جری وجسور برگسته بی اوزرلرینه باش بوغ نصب و تعین و سنه سابقه ده اولدینی منوال اوزرہ لازم کلان علوفه و بخشش و تعیناتلرین ادا و تسليم ایله مه سی مرقومی بولیه و کزند اشقيا و حیدودن حفظ و حراثت

و غزّة مسلمین و ابناء سبیل و اهالی مملکت و فقرای رعیتی شر و مضاردن صیافت و امد شد ایدن ذخایر عرب‌لریخی امناً و سالمًا اباب و ذهاب‌لرینه و طرق مذکوره نک امن و سلامته دائز کیفیاتک تمیختنه اهتمام و دقت ایت‌دروب والحاصل مقتضای حکومت و لازمه لوازم محافظه و وقايت اوزره تأمین طریق و ترفیه ابناء سبیل و تطمین بلاد و عباد خصوص‌لرینه فوق الحد سعی و دقت ایلک بابنده فرمان عالیشانم صادر اولمشدرو بیور دومکه فی اواسط

۱۱۵۱

- ۱۹۳ -

نیش قائم‌قامی محمددام اقباله ینه نیش دفتردارینه و نیشن دستانه سعادته وارنجه يول اوزرندہ بولنان قضاۃ و نواب زید فضلهمه و متسلم‌لره حکم که حصار جق صحراء‌سندھ و قوع بولان محاربه‌ده مسقو ضابط‌اندندن بر معتبر قپودان بعض غزات مسلمینک الینه دوشوب بعده بر بوسنوي شیخ‌صه فروخت و شیخ‌صه مرسقو دخی حالا ییشده اولان فرانچه ایلچیسته بیع ایلا و کی اخبار و ذکر اولنان مسقو اسیری بروجه محرر معیت قپودان اولقدن ناشی اخذ و حفظ اولنسی، اهم والزم وایلچی موئی‌الیه اسیر مسفوری استانه سعادته ارسال ایلک دخی امر متحمل اولنگله بولندوغی محله اخذ و حفظ و کیفیتی اردوى هایونه اعلام و عرض اولنق فرمانم اولمغین اشبو امر شریفم اصدار و... ایله ارسال اولنسدر ایمدى وصولنده سرکه قائم‌قام و دفتردار موئی‌الیه‌ماز اکر اسیر مسفور هنوز ییشده ایسه کندوی اخذ و امانة کرکی کی حراست و حفظه دقت و سرکه يول اوزرندہ بولنان موئی‌الیه‌سراز سر دخی بوباده کال اهتمام برله مقید واستانه سعادته و آخر محله کتوريلان اساراتی دقت اوزره تفحص ایدرك سالف‌الذکر مسقو قپودانی اولان اسیری بولوب و بولندیغی حالده یاننده اولان فرانچه یساچیسی ایله معابر و روحه امامت توقيفه مبادرت واسم و رسمنک و سائر کیفیاتنک تحریری ایله و توقيف اولندیغی محل عجالة اردوى هایونه عرض واعلامه مسارت ایدوب سرموتکاسل و بلاده کال مرتبه احتزار و محابیت ایلکن بابنده فرمان عالیشانم صادر اولمشدرو فی اوائل جا ۱۱۵۲

- ۱۹۴ -

حالا روست‌جده مکث واقامت اوزره اولان سکصونجی باشی الحاج علی زید مجده حکم که مسقو کفره‌سی بغداد مملکتنه دخول قصد ایله طابور مقهورک بر قاج فرقه ایلیوب مقابله دو شمن دین عامه مؤمنین اوزرلرینه فرض اولمغین کفار خاکسارک بوجلالده کیدو مضر نندن

مأمون اولمۇ جوجىلە جاڭز اولمۇب سرایت اشىعاب اختلالدىن صيانىت و حمايتى اقدم اعمال
و اقدم اشغالدىن اولان محللىرىك محافظەسى امورى مېھم و مستعجلدىن اولدۇغۇنى بنا ئەحالا بىغان
وابرايىل وكلى واسىاعىل واولخوايلىرىك محافظەلىچۈن بودفعە طونە سواحلنىدە و اوچانلىرىنىدە
اولان قىشارىدىن نىكىبىلى و لوچە و پلونە و سلوى و طرنوى وزشتوى وايوراجە و روسيجق
و هزارغراد قىشارىنىدەن ركاب ھايونم طرفىدىن صادر اولان فرمان عاليشانىم موجىبنىجە تعىين
اولنان سورىجى مباشرلىرى معىتمىلىه نېيرعام عسکرىنىڭ يىلىنىدەن بىر آن اول و بىر ساعت اقدم
اخراج وجابى مىزبۇرە سوق و تسييرلىرى فرمانىم و بىر خدمت دىن مېين خدمتى اولمۇلە ذكر
اولنان محللىرىك محافظە و حمايەسىندە و حين حاجتىدە مدافعتە دشمنە بىذل تاب و توان و صرف
طاقت اولنوب عسکرى وغىر عسکرى تھرىق اولنوب اخراج وعلى التعجىل ارسال
وتسييرلىچۈن درس سعادىتىدىن تعىين اولنان مباشرلىرى يانلىرىنىه اوچاق طرفىدىن دىخى غىور
وشجىع هەممەن و مېرم ضابطاندىن بىر ضابطىك تعىين اولنمىسى مقتضى اولمۇلە سن و اوچاغىك
امكىدار و كاركىدار و خدمات لازمه عەددەسىندەن كىلە صاحب اقتدار بولندۇغىكىدىن ناشى
بو خصوصىدە دامن غىرتى درميان ايدوب خواب و راحتى سىزكىا يىلە بىنفسە كفارك و آدملىرىك
بولندۇغىك محللىنى قالقوب مأمور مباشر تعىين اولنان رجال اىلە اتفاق و اتحاد اوزرە
سالفالذكىر قىشارىدىن ترتىب اولنان نېير عام عسکرى بلا نقصان ولا تأخير اخراج و بىر
ساعت مەممەن صوب مأمورلىرىنىه تسيير اولنلىرىنىه سەى و اقدام ايلەيىب بىر بابىدە ظھورە كلان
خدمتكى ضايىع اولمۇب مسرووراولەجىفىكىدە اشتباھ اولما مۇلۇلە اكا كورە دامن غىرتى درميان
ومقدار ذره قصور و قتۇرك بومەھم مستعجللىك تأخيرىنىه باعث او له جىق حالتىدىن و كفار خاكسارك
برمحالە ايصال كىزند و خسارتنىدىن بغايت توقى و مجانىت و دامما تىقىظ و انتباھ اوزرە عمل و حرکت
وبركون اول خدمت مأمورەكى ائمامە غايىة الغايىه اهتمام ايلەك فرمانىم اولمۇغۇن ... وصولىدە
صادر اولان امر شرييفم موجىبنىجە و بلا توقف راهى اولوب بىر كون اقدم ائمام كاره اهتمام
ودقت ايلەيسن دىيو دستور مىرىم مىشير مەھىخ نظام العالم بالفعل دركاه معلم يىكىچرىلىرى
اغاسى اولان وزىرم حسن پاشا ادام الله تعالى اجلاله طرفىدىن مەھرلۇم مكتوب ويرلىكىلە و چەنگىز
مشروع اوزرە عمل اولنۇق بابىندا فرمان عاليشان يازلىشىرى في اواخر ج ١١٥٢

- ١٩٥ -

نەر طونەنك اىكى طرفىدە واقع سواحلنىدە و قرب و جواردە اولان قىشارلىك قضاء
ونوابىنە و ضابطان واعيانىنە حكم كە
بقضاء الله تعالى خوتىن حوالىسىندە و قوع بولان كىفيياتىدىن ناشى فكرواندىشە چىكىلە جىك

حالت اقتضا ایتمیوب و نمیچه لو نک غاٹله سی بر طرف اولمک حسینیه الحالة هذه دولت علیه مک
 مسقودن غیری دشمنی قلاماغله بعنایة الله تعالیی انکدخی قهر واستیصال و کلیاً تدمیر
 واضمحلاللری امرینه فوق الحد قیام و مباشرت و ترتیب عسکر و تجهیز لشکر وسیعی دقت
 او لحق مسبی ایله حالا ابرائیل محافظه سندہ اولان وزیرم محمد پاشانک معینته سواری پیاده
 جاذب میریدن و سائر محلاردن قتی و افر عساکر ترتیب و میرمیرانک دخی شجیع و بهادرلری
 قپولری خلقندن ماعدا جانب میریدن تحریرینه مأمور اولدقلری سواری لوندات ایله وسیاه
 و سیحدار ترقیلولری و یکیچری و سائر پیاده او جقلری نفرانی مأمور قلنوب بو جمله نک
 او زرلرینه وزیر مشار الیه باش بو غ نصب و تعیین او لندیغندن غیری بغداده دخی بندرده
 اولان عساکردن و سائره دن قدر کفایه عساکر تجهیز و تسییر او لندغله باش بو غ مشار الیه
 معیننده اولان عساکر ایله و بوجاق سر عسکری اولان اسلام کرای سلطان زیدعلوه دخی
 عموماً بوجاق سر عسکری ایله و بغداد و بوده سی دخی بغداده مأمور عساکر ایله یزلرندن
 حرکت و بری برلریله خبر لشہر ک اوچی بردن اعدای دینی بننه تعالیی حدود اسلامیه دن طرد
 و تبعیده و قهر و تدمیره مبادرت ایلریچون بشقه بشقه امر شریفمله مأمور اولوب و برو
 جانبدن دخی دشمنک تنکیلنه داڑ موادک تمثیتنه اقدام و اهتمامده دقیقه فوت او لنداغله
 سز که موی الیهم سز سز دخی قضالریکزدن مأمور اولان عساکری و رجال حرب و ضربی
 صادر اولان امر شریفم هوجبلنجه معجلًا اخراج و ارسال و کندولریکز ثبات و متانت
 اظهار ایله اخذ و تأیید عساکر موحدین و قهر و دمار مشرکین ایچون دعوات خیریه
 اشتغال ایلکز فرمانم او لمغین اشیو امر شریفم اصدار و ... ایله ارسال او لنشدر ایهدی
 وصولنده کیفیت منوال مشروع او زره او لدینی و بوباده دولت ابد مکننم مسؤولو دن دخی
 بلطفعه تعالیی اخذ استقام حربه تشمير پازوی اقدام ایلدیکی مسموعکز اولدقده هر حاله
 قوى القلب و جرى الخاطر اولوب قضالریکزدن مأمور او لنان اخیاس عسکریه بی و رجال
 حرب و ضرب صادر اولان امر شریفم منطقنجه معجلًا یزلرندن اخراج و صوب مأمور لرینه
 سریعاً سوق و ایصال ایلکزدن صکره سز اظهار ثبات و متانت و نصر و تأیید جنود مسلمین
 و قهر و تنکیل اعدای مشرکین ایچون دعای بالخیره مداومت و مواظبت و صغار و کباره
 بوكیفیتلری اعلان و اشاعت و قائمین و قرای رعیته بالاتفاق مبادرت ایلکز باسته فرمان

- ۱۹۶ -

ادرنه ملاسنه وبوستانجي باشيسنه حکم که

مجار جنرالرندن ادرنهده مکث اوزره اولان چا کي جنرالك معينته اولان مجار ضابطاني
وتوابعی ايله تکفور طاغنده واقع مقدمه هالك اولان قرال زاده نك خانه سنده اقامته
فرمانم اولدیغنه بناءً اشبو امر شریفم وصولنده جنرال موئی اليه ویانده اولان مجار
ضابطاني وتوابعريني کمال امن وسلامته تکفور طاغنه ارسال وايصاله اهتمام ودقت ايلك
باينده فرمان عاليشانم صادر او لمشدري في اواسط حا ۱۱۵۳

- ۱۹۷ -

قدوة اعيان الملة المسيحيه تکفور طاغنده اقامته فرمانم اولان طائفة مجار لونك سرکرده لرندن
جنرال غروف چا کي ميخال ايله بارون راليه حکم که

دولت علية ابدی الاستمرارمه التجا ايدهنجارلو بکىنك روزمره نفقه هری بهاری
ترتیب وتنظيم و تکفور طاغی کندولوینه جای قامت تعین اولنوب امنیتلىرى چون بوندن مقدم
فرمان عاليشانم شرفصور بولغله بناءً علیه بوندن بویله طائفة مرقومه نك نظام حال و رفاه
بال ايله راحت و اسايشلری دولت علیه مک ملتزمی اوlobe لكن بىنلرنده برى بولریله ظهور
ايدن تزاعيريني تسویه و تتعديل ايده جك ایچلرنده باش بوغلری و متعین ضابطه اولمديغى
صورتده احوالری مختل و مشوش اوله جغندن غيرى يجهلری سرسى و بلدىکلری يرلدە
کز مک و بلکه دولت علیه مک رضاشه مغایر امر منفور وجسارت ايتمک دخی احتمالدن
بعيد اولمديغى جهتدن احوالری تحت ضابطه يه ربط اولنوق موافق قانون حزم واحتياط
اوlobe و هر طائفة يه ضابط رتعین و تمشیت امورلری انلرک و ساتاطلىله تنظیم اولنوق دأب
قديم و آين مستديم اولدیغنه بناءً سنکه جنرال غروف چا کي ميخال سن بوندن اقدم طائفة
مرقومه يه باش بوج نصب و تعین اولندوغلک وجه اوزره بوندن بویله دخی طائفة مرقومه يه
سن باش بوج و سنکه جنرال بارون رالي سن سندخى رکندار نصب و تعین اولنچى سر زدر
ايهدى فيما بعد سز ضابطه شروطى مقتضاصيله حرکت و طائفة مرقومه نك برى بولریله
تزاعيرى و قوع ولقده بىنلرين اصلاح و توفيق و احوالریني تسویه و تنسيقه مبادرت
و هر حالده ضبط و ربطه يه کى سعى و دقت و رضای همايونه مغایر حالته جسارت

ایتیوب اقتضا ایدن خصوصیتی و مساعدتی شایسته احوالرینی در دولت علیه مه معرفتکنر
و منصبی و مهور مکتبکنر ایله بلدروب واکر ایچلرندن سوزیکنر اسلامیوب خارج از طور
و ادب حرکته جسارت ایدفلر اولور ایسه اسم و رسملریله عرض واعلام ایدوب و بروجه
محرر طائفه مرقومه حمایه دولت علیه مده او ملغه هر حالده راحت و رفاهیتیلری مرادا ولدینی
معلومکنر اولدقده اشبو اوامر شریفمک مضمون منبی ایله عمل و حرکت و خلافندن حذر
مجانبت ایلکنر بابنده فرمان عالمیشانم صادر اولمشدر بیوردو مکه فی اواسط ج ۱۱۵۳

احمد رفیق

صوٹ

